

იხსიანი



**აღმოჩენა:
დინოზავრის
ნახვალა
მეცნიერები**

**„შავი წყალი“,
რომელმაც
მეცნიერული
იხსიანი**

**საბინა და
თბილისის
მეცნიერული
მუზეუმი**

**ჯანსაღი
და
საბუნების
მეცნიერება**

**ახალი
ბიოლოგიის
მეცნიერების
სემინარი**



6



26



16



36



31



14

სახიჯი

ახალი აღმოჩენა

დინოზავრის ნაკვალევი
მარტვილში **6-11**

ახალი ამბები

კომპი — დღეუკვის ახალი ვერსია **12-13**

„მავი ფყალი“, რომელმაც
მაკედონელი იმსხვერპლა **14-15**

ენი უოიტიჩა
საქართველო და ევროპა **16-25**

ტაიხიჩი
ტერორიზმის ეპოლეჯის **26-30**

ინტევიუ

გუბა კუდავა: უკველესი ხელნაწერი
ჩემმა თაობამ პირველად
სტუმდენტობისას ნახა..... **31-35**

ბელის ბა

მონაწილეობდა თუ არა
სტალინი თბილისში გახმაურებულ
მესპროპრიაციებში? **36-39**

უიხელები

პირველი საფოსტო მარკა **40-41**



42



46



70



66



60



74

სახიჩვი

ახა ინყაბოღა
 ქართული თეატრის სათავეებთან ... **42-45**

სოფიკაბა
 აბესალოზ ვეკუა:
 ქარბუშივით კაცი ვიყავი! .. **46-51**

ჯანჯანი იხტოჩი
 კუბის კრიზისი .. **52-55**

მეფევიხეობა
 კონდაკის ახალი სიცოცხლე .. **56-59**

ჯაჯანის ხანები
 იგზუშევი .. **60-65**

აღიქანთა სავა
 აბგები გოღბოქი ჩოხელის
 ცხოვრებოღან .. **66-69**

ყოფა და ჯახუხა
 „ქაგი ნაღირთაქ“
 ანუ ნაღირობა საქართველოში .. **70-73**

მხოფიო ჩილიჩიანი
 ბუღიში .. **74-81**

იხტოჩილი ტუჩიოვი
 ქართლის სანახები
 სამთავისიღან მიწვისსაღმ .. **83-91**

ჩვენს ხელახალი ბეჭედი

ახალ წელს ახალი ჟურნალით ვულოცავთ ჩვენს მკითხველს და ყველას, ვისაც ქვეყნის წარსულსა და მომავალზე შესტკივა გული. ისტორია ხომ არა მხოლოდ გარდასულ დღეებს გვიცოცხლებს, არამედ მომავლის შენებაშიც გვეხმარება იმ უდიდესი გამოცდილების გათვალისწინებით, მათიანემ და ხალხის მუხსიერებამ რომ მოიტანა ჩვენამდე. ახლა ორიოდე სიტყვით ჟურნალის სახელწოდების შესახებ.

XIII საუკუნემდე ქართულ საისტორიო მწერლობაში ისტორიას სხვადასხვა ტერმინით აღნიშნავდნენ: „ცხოვრება — მათიანე — ამბავი“. სიტყვა „ისტორია“ პირველად თამარ მეფის მემბრანებში გამოიყენა „ქართლის ცხოვრებაში“ შემავალი თხზულების სათაურში — „ისტორიანი და აზმანი შარავანდედთანი“.

ჟურნალის შექმნისას ვფიქრობდით, როგორი და რა მიმართულების ყოფილიყო იგი. ისტორიულ-შემეცნებითი ხასიათი არ ათავისუფლებს ავტორებს მკითხველის წინაშე უდიდესი პასუხისმგებლობისგან. ჩვენი სურვილია, „ისტორიანი“ „ცოცხალი ისტორიის“ მთხრობელად იქცეს. ისტორია უნდა გაცოცხლდეს! ჩვენს წარმოდგენებში უნდა გაეცოცხლოთ ის ადამიანები, რომლებიც ქმნიდნენ, იღვწოდნენ, იბრძოდნენ, უყვარდით, სწამდით, სამშობლოსა და სარწმუნოებისათვის თავს სწირავდნენ...

ჩვენ უნდა შევიხედოთ ისინი და გვეუთის სასახლეში, მოვინახულოთ გელათისა და შიომღვიმის მონასტრები, ვეწვიოთ ქართველ ფეოდალს თავის ციხესიმაგრეში, ვესტუმროთ ყანაში მომუშავე გლეხკაცს, დავსხდეთ ჩვენს შორეულ წინაპართან სატრაპეზოდ, გულდასმით შევმოვიაროთ თბილისისა და ქუთაისის ბაზრები და ვიწრო შუკები, მგზავრობისგან დაღლილებმა კი ქალაქის აბანოებს მივაშუროთ სულის მოსათქმელად... მაგრამ ეს არ უნდა იყოს მხატვრული წარმოსახვით შექმნილი სურათი, არამც და არამც! ამ შემთხვევაში ჩვენს მონათხრობს რეალურ ისტორიასთან არავითარი კავშირი არ ექნება და იგი საისტორიო პროზის ჟანრად ჩაგვეთვლება.

წარსულის რეკონსტრუირება ვერასოდეს იქნება სრულყოფილი თუ კვლევა-ძიებისას ამოსავალ წერტილად ადამიანი და მისი გარემომცველი სამყარო არ გაქციეთ. პოლიტიკური, ეკონომიკური, კულტურული პროცესების კვლევა იმდენად საინტერესო, რამდენადაც ყოველივე ამის მამოძრავებელი ადამიანია. ისტორიკოსი, შეიძლება ითქვას, მუდმივ დიალოგშია არა მხოლოდ წარსულში მცხოვრებ, არამედ პრეისტორიულ ადამიანებთან. ჩვენ მათი განვითარებისა და ცხოვრების ყოველ დეტალს უნდა დავაკვირდეთ. უნდა გავიგოთ, რა აწუხებდათ, რა ახარებდათ...

ჩვენი ჟურნალი, მისი თითოეული თანამშრომელი მოწოდებულია ასეთი „მძიმე შრომისთვის“. როგორ შევძლებთ ყოველივე ამას, მომავალი გვიჩვენებს... ამ „მძიმე შრომაში“ კი პირველ ყოვლისა, თქვენც თანადგომის იმედი გვაქვს, ჩვენო მკითხველო...



ჩვენი სეხვილია, „ისტორიანი“ „სოსხანი ისტორიის“ მთხრობელად იყავს...

ისტორიულ-შემეცნებითი ჟურნალი „ისტორიანი“

მთავარი რედაქტორი
ჯაბა სამუშია

რედაქტორი
გელა გურგენიძე

სტილისტი-რედაქტორი
ელენე სალარიძე

არტრედაქტორი
ზაზა ასანიშვილი

სარედაქციო კოლეგია:
ალექსანდრე ბომიშვილი
ოქროპირ ჯიქური
ნინო ჯაფარიძე

კორექტორები:
ნანა მაჭუარაიანი
ნინო აბესაძე

რედაქციის მისამართი:
თბილისი, იოსებძის ქ. №49
ტელ.: 38-37-47

სარეკლამო განყოფილება
ტელ.: 37-78-07, 38-78-70

e-mail: istoriani@palitra.ge

ჟურნალი გამოდის თვეში ერთხელ

რედაქციის ნებართვის გარეშე მასალების გადაბეჭდვა აკრძალულია გადაცემულია დასაბეჭდად: 15.12.2010

დინოზავრის ნახვადევი მახტვიცი

65 მილიონი წლის
წინ დინოზავრებმა
„საზღვრები“
არ იცოდნენ...

მცირე ზომის
ორფუნა
რეპტილიის
ან ფრინველის
ნაკვალევი

ინტერნეტი გამოჰფილია გაჰფილით...

აგვისტოს შემდეგ ქართველ და უცხოელ მეცნიერთა ინტერესი აბაშისწყლის ხეობაში მდებარე პატარა სოფელ გაჭედლისკენაა მიმართული. თუმცა აქ აღმოჩენილ დინოზავრის ნაკვალევს მარტვილის რაიონის კიდევ ერთი სოფლის, ბაღდის მკვიდრნიც იჩემებენ — ის ადგილი, სადაც ეს ნაკვალევი აღმოჩნდა, გაჭედელს კი არა, ბაღდას ეკუთვნისო... მთავარი კი ის არის, რომ სათაფლიის უძველეს ქვეწარმავალთა ადგილსაპოვებელს ახალი „მეზობელი“ საქართველოშივე გამოუჩნდა.

გვესაუბრება პალეონტოლოგი, პროფესორი **პიანჩისლავ ჩხიკვაძე**: — ამ აღმოჩენის შესახებ დღეს ბევრს ლაპარაკობენ. საქართველო, ეს უკვე მერამდენედ, მსოფლიო პალეონტოლოგთა ყურადღების ცენტრში მოექცა. გამუდმებით მირეკვენ უცხოელი კოლეგები, უძველეს ქვეწარმავალთა ადგილსაპოვებლებზე „მონადირე“ მეცნიერები, რომლებიც ამგვარ აღმოჩენებზე მთელი სიცოცხლე ოცნებობენ. შეიძლება ითქვას, მარტვილში

საუკუნის ადგილსაპოვებელი აღმოჩნდა, რომელიც ბუნებრივია, შემდგომ ინტენსიურ



ქართველ პალეონტოლოგებს ბედი სწყალობს: დინოზავრის ნაკვალევთან ერთად პრეისტორიული ქვეწარმავლის ნაშთებსაც მიაკვლიეს...

გათხრებსა და შესწავლას მოითხოვს. ახლა კი უფრო დაწვრილებით იმის შესახებ, რაც უკვე „მოვიპოვეთ“: ამ ზაფხულს, ილიას უნივერსიტეტის დედამიწის შემსწავლელ მეცნიერებათა ინსტიტუტის ექსპედიცია მუშაობდა მარტვილში. პალეონტოლოგი ვასო გაბუნია შემთხვევით გადასწვდომია დინოზავრის ნაკვალევს. სულ მალე კი ამ უნივერსიტეტის დაზვერვითი ექსპედიცია გაემგზავრა მარტვილში. ექსპედიციაში, ვასოს თხოვნით, მეც ჩავერთე, რათა დამედასტურებინა, რომ ეს ნაკვალევი დინოზავრისა იყო. ჩვენთან ერთად სპელეოლოგი ამირან ჯამრიშვილი და კინორეჟისორი დავით გოგუაძეც მუშაობდნენ.



მოზაზავრის ახალ აღმოჩენილი მალა

მოზაზავრი



ჩვენს ქვეყანაში დინოზავრების არაერთი საყურადღებო ადგილსაპოვნებელია, რომელთა შესასწავლად მეცნიერები ყოველთვის ვართ მზად... ცოტა მეტი ყურადღება და მალე მსოფლიოს ისევე საქართველოზე ავალაპარაკებთ.



პლეზიოზაური

პლეზიოზაურს მითურ ურჩხულსაც ამსგავსებენ, რომელიც ლეკენდის მიხედვით შოტლანდიაში, ლოზ-ნესის ტბაში ბინადრობს. წერილობით წყაროში „ნესი“ პირველად ახ. წ. 565 წელს გამოჩნდა — „წმინდა კოლუმბას ცხოვრებაში“ აღწერილია ლოზ-ნესის ბაფაეისნაირი უზარმაზარი ცხოველი, რომელიც წმინდანმა ლოცვით განდევნა. მას შემდეგ ლოზ-ნესის იდუმალი ურჩხული დროდადრო ზაფრავს ადამიანებს. საიდუმლო, რომელსაც ლოზ-ნესის ტბა ინახავს, ჯერაც ამოუხსნელია. „ფანებმა“ კი „ნესის“ ქანდაკებაც აუგეს...

დინოზავრების ნაკვალავი და... მოზაზავრის ხერხეფლის მალავი...

როგორც პალეონტოლოგი, პროფესორი ვასო გაბუნია აღნიშნავს, მის მიერ ნაპოვნ მცირე ზომის მტაცებელი დინოზავრის ნაკვალავს იქვე, სულ რამდენიმე მეტრში მეორეც მოჰყვა. უმშვენიერესი ჩანჩქერის კიდეს „ამშვენებდა“ ბალახისმჭამელი დინოზავრის ნაკვალავი.

ეს ნაკვალავი პირველზე გაცილებით კარგად შემონახულა. იგი დაახლოებით ინდაურისხელა პრეისტორიულ ფრინველს ეკუთვნის ან მცირე ზომის ორფეხა დინოზავრს. აქვე აღმოჩნდა ზედა ცარცული პერიოდის ზღვის



„მარტვილელი“ პლეზიოზაურის მენჯის მარჯვენა ნაწილი

ზღარბების ნიჟარებიც, რომელთა ასაკი ჩვენს ერამდე 65-70 მლნ წელს ითვლის.

მიაჩნსლავ ჩნიკვაძე: — ბუნებრივია, დინოზავრის ნატერფალის სიახლოვეს პალეონტოლოგი ყოველთვის მოელის სიურპრიზს. ახალადმოჩენილ ნაკვალევთან, ულამაზესი კანიონის კედელმა თითქოს მომწუსხა. არ დავიტრაბახებ, მაგრამ ამგვარ სიტუაციებში თვალი დაგეშილი მაქვს. ამ კანიონში პატარა, ულამაზესი მდინარის მეორე ნაპირზე კირქვოვან კედელში დავინახე პრეისტორიული ქვეწარმავლის ხერხემლის მალა. სხვათა შორის, რამდენიმე ათეული წელია საქართველოში უძველესი ქვეწარმავლის ნაშთებს ვეძებ და ვიკვლე. და აგერ, ერთბაშად ვასო გაბუნიას მიერ ნაპოუნ დინოზავრის ნაკვალევთან ერთად მეზოზოური ეპოქის ქვეწარმავლის ხერხემლის მალას ვხედავ!.. თავიდან ვასო არც მიჯერებდა, სად ხედავ აქ ძვალსო. მართლაც ადვილი როდია კირქვადქცეული ძვლის დანახვა. მე კი, როგორც კოლეგები მეუბნებიან, „მეძებრის“ თვალი მაქვს. ისე, სიმართლე გითხრათ, არც კირქვადქცეული ძვლის ამოღებაა იოლი. მთელი ოთხი საათი ვმუშაობდით.

ზავროპოდი (უზარმაზარი ოთხფეხა დინოზავრი); ესეც ყუმისთავში სულ ახლახან აღმოჩენილი ზავროპოდის ნაკვალევი...

ცოტა რამ პირველ „ქართვულ“ დინოზავრებზე

მათი ნაკვალევი გასული საუკუნის 30-იან წლებში აღმოაჩინა ნატურალისტმა პეტრე ჭაბუკიანმა სათაფლიაში. სათაფლის ადგილსაპოვებლის შესწავლით დაიწყო თავისი მოღვაწეობა სახელგანთქმულმა პალეონტოლოგმა, აწ განსვენებულმა ლეო გაბუნია, რომლის 90 წლის იუბილეს ახლახან მსოფლიოს არაერთი ქვეყნიდან გამოეხმაურნენ.

სათაფლიაში ცარცული პერიოდის დინოზავრთა მრავალი გაქვავებული ნაკვალევია შემორჩენილი. როგორც ჩანს, იქ ორი სახეობის დინოზავრი ბინადრობდა — მტაცებელი და ბალახისმჭამელი.






შიაჩესლავ ჩხიკვაძე: — 80-იან წლებში დასავლეთ საქართველოში პალეონტოლოგიურ ექსპედიციაში მუშაობა შემომთავაზა ილო კვანტალიანმა. ილო ამონიტების ცნობილი მკვლევარია (ამონიტები თავფეხიანი მოლუსკებია, რომლებიც დინოზავრებთან ერთად ამოწყდნენ). ამით იმის თქმა მიიწინაა, რომ ჩვენს ქვეყანაში არაერთი საყურადღებო ადგილსაპოვებელია, რომელთა შესასწავლად მეცნიერები ყოველთვის ვართ მზად... ცოტა მეტი ყურადღება და მალე მსოფლიოს ისევ საქართველოზე ავლაპარაკებთ. ამას ხომ მარტვილის ახლანდელი აღმოჩენაც ადასტურებს.

მარტვილში აღმოჩენილი პადროზავრის (ბალახისმჭამელი დინოზავრი) უკანა ფეხის ნაკვალევი



პადროზავრი



ყუმისთავში აღმოჩენილი ნაკვალევი კიდევ ბევრ სიახლეს გვპირდება!

შეერთებულ შტატებსა და დასავლეთ ევროპაში სახელგანთქმულ მხატვარ-ანტიმალისტ ლამა ცხონდიას ეკუთვნის. ამ საფოსტო მარკეტმა კიდევ ერთხელ აუწყეს მსოფლიოს, რომ საქართველო დინოზავრების სამშობლოცაა.

პატრონობა დინოზავრის ნაკვალევსაც სჭირდება!..

როგორც მარტვილის ექსპედიციის წევრები მიიჩნევენ, მათ არა მხოლოდ დინოზავრის ნაკვალევსა და მოზაზავრის ხერხემლის მალას მიაკვლიეს, არამედ აღმოაჩინეს მთელ კავკასიაში მეზოზოური პერიოდის პირველი უმნიშვნელოვანესი ადგილსაპოვებელი. ამ ადგილსაპოვებელს

კი შემდგომი შესწავლა და პატრონობა სჭირდება. ქართველ მეცნიერებს თავიანთი უცხოელი კოლეგების დახმარების იმედიც აქვთ. 70 მილიონი წლის წინათ ხომ დინოზავრებმა „საზღვრები“ არ იცოდნენ...

„გვყავს“ თუ არა ქართველებს მებალოზავრილი?

1988 წელს გეოლოგმა შალვა ჩალაურმა გუდაუთის რაიონში, მდინარე აფსტას სათავესთან იპოვა დინოზავრის ხერხემლის ერთი ძალიან დიდი მალა. როგორც გაირკვა, ეს იყო მტაცებელი დინოზავრის (მებალოზავრიდების ოჯახი) კუდის ძეორე ან მესამე მალა. დინოზავრის ეს მალა ნააოვნია ზედა იურულ ნალექებში. ფაქტობრივად ეს იყო დინოზავრის პირველი ძელოვანი ნაშთის უტყუარი, დასაბუთებული მასალა, რომლის შესახებაც მომზადებული მასალა (ავტორები: აკადემიკოსები ლეო გაბუნია და გურამ მჭედლიძე, პროფესორი ვიჩხესლაჟ ჩხიკვაძე, ამერიკელი პროფესორი სპენსერ ლუკასი) 1998 წელს გამოქვეყნდა ამერიკის შეერთებულ შტატებში და დიდი რეზონანსი მოჰყვა მსოფლიოს პალეონტოლოგთა შორის. აღნიშნული მალა დღეს საქართველოს ეროვნულ მუზეუმში ინახება.

პიანჩისლაჟ ჩხიკვაძე: — საყურადღებოა ისიც, რომ საქართველოს ფოსტამ სწორედ იმ პერიოდში გამოაქვეყნა საფოსტო მარკები სხვადასხვა დინოზავრის გამოსახულებით. მხატვრობა ჩემს მეგობარსა და შეგირდს,

P.S. სანამ ჩვენი ჟურნალი დაიბეჭდებოდა, საქართველოს ეროვნული მუზეუმის დაზვერვითი ექსპედიცია (პალეონტოლოგები ვიჩხესლაჟ ჩხიკვაძე, გიორგი მეგრელიძე, ენტომოლოგი ვალერი პეტროვი) წყალტუბოს ზემოთ მდებარე სოფელ ყუმისთავში იმყოფებოდა. აქ „თვალის ერთი გადავლებით“ აღმოჩენილმა სხვადასხვა ჯგუფის დინოზავრის ნაკვალევთა რაოდენობამ ყოველგვარ მოლოდინს გადააჭარბა. ასე რომ, ჟურნალის მომდევნო ნომერში წყალტუბოელ დინოზავრებს „გაგაცნობთ“.

პომპეი – დაღუპვის ახალი პერსონა



პომპეის მკვიდრთა დაღუპვის მიზეზებზე დღემდე ვერ შეთანხმებულან იტალიელი მეცნიერები. მათი მტკიცებით, ახლახან ჩატარებული გამოკვლევები ფარდას ახდის ამ იდუმალებით მოცულ ტრაგედიას.

ისტორიული წყაროებით, 79 წელს ვულკან ვეზუვის ამოფრქვევამ პომპეის მოსახლეობის უმრავლესობა იმსხვერპლა. მაგრამ სიკვდილი სულის ხუთვის შედეგად კი არ დამდგარა (როგორც აქამდე მიიჩნეოდა), არამედ მაღალი ტემპერატურის გამო, რომელიც +50-დან +300° C-ს აღწევდა ამოფრქვევის ეპიცენტრიდან 20 კილომეტრის რადიუსში. ადამიანები ფაქტობრივად დნებოდნენ. ეს მტკიცებები ექსპერიმენტებს ემყარება, რომელიც სამი წლის განმავლობაში მიმდინარეობდა. მაგრამ ზოგიერთი ამ მოსაზრებას არ ეთანხმება. ისინი ისტორიკოსებს, მათ შორის პლინიუს უმცროსის წერილს ვერდობიან, რომელშიც მითითებულია, რომ მასობრივი მსხვერპლი არა მხოლოდ მაღალმა სიცხემ, არამედ ვეზუვის ამოფრქვევისას კვამლმა და ქვის ცვენამაც გამოიწვია.

ძველი რომის იმპერიის ქალაქი პომპეი, თანამედროვე ნეაპოლთან ახლოს, ნეაპოლის



ყურეში მდებარეობდა. ისტორიული ცნობების თანახმად, დორიელთა ტომების მიერ შევიწროებულმა ელიელებმა და იონელებმა მიატოვეს საბერძნეთი და ხმელთაშუა და შავი ზღვის სანაპიროზე დაემკვიდრდნენ.

ყურეს გასწვრივ გაშენდა ნეაპოლი, რომელსაც მაშინ პართენოპოს უწოდებდნენ, უფრო სამხრეთით კი პომპეი და ჰერკულანუმი. პომპეი პატარა ქალაქი იყო, სადაც სულ 20000 კაცი ცხოვრობდა. თუმცა მდიდარი ქალაქი გახლდათ და მშენიერი ჰავითაც გამოირჩეოდა.

პომპეიდან ჩრდილო-დასავლეთით ოთხ კილომეტრში, დაახლოებით ნეაპოლის შუა გზაზე მდებარეობდა მეთევზეთა ქალაქი ჰერკულანუმი, რომელიც თანდათანობით მოკრძალებული დასახლებიდან რომის არქიტექტურის მარგალიტად იქცა.

დადგა საბედისწერო დღე, 79 წლის 24 აგვისტო. გამაყრუებელი გრუნხუნი პომპეიში დღის პირველ საათზე გაისმა. წამოვიდა ფერფლის ნიაღვარი და პეშის ნამტვრევები. მათ შვხე და ცა დაფარეს, დაბნელდა.

ქალაქს სქლად დაეფინა ფერფლი და ქვები. ზოგიერთი ქვა 6 კილოგრამს იწონიდა. მამაკაცები, ქალები და ბავშვები თავზარდაცემულნი დარბოდნენ სქელი კვამლით დაფარულ ვიწრო ქუჩებში, სადაც სუნთქვა შეუძლებელი გამხდარიყო. ზოგიერთი მცდარმა ილუზიამ შეიპყრო, რომ ფერფლისა და ქვის წვიმა მალე შეწყდებოდა. მათ ახლო მდებარე სახლების სარდაფებს შეაფარეს თავი. ასე დაიდუბა 2 ათასი პომპეელი ანუ ქალაქის მოსახლეობის მეათედი.

ვულკანური წვიმა ორ დღეს გაგრძელდა. პომპეი ფერფლისა და ქვის 15-მეტრიანმა ფენამ დაფარა... სულ სხვაგვარად წარიმართა ჰერკულანუმელთა ბედი. ქალაქი გაუჩინარდა ვეზუვის ფერდობზე გაჩენილი ნაპრალებიდან წამოსული სქელი, წებოვანი ტალახის 15-მეტრიანი ფენის ქვეშ, რომელიც შვის მცხუნვარე სხივებმა ქვასავით გაამაგრა. პომპეელებისგან განსხვავებით, ჰერკულანუმელებმა ქალაქიდან გასვლა მოასწრეს.

შუა საუკუნეებში პომპეი და ჰერკულანუმი უკვე აღარავის ახსოვდა. ჰერკულანუმის ადგილზე გაშენდა სოფელი რესინა. 1710 წელს ერთ-ერთი გლეხი ჭას აღრმაგებდა და თხრისას მარმარილოს ფილასა და სვეტებს წააწყდა. მან ნაპოვნი კალატოზებს მიჰყიდა. მაშინ აზრადაც არავის მოსვლია, რომ ეს ქალაქი ჰერკულანუმის ნაშთი იყო.

1738 წელს 20 მეტრის სიღრმეზე ჩასვლის შემდეგ, განძის მძიებლებმა ჰერკულანუმის ამფითეატრი აღმოაჩინეს, რამაც მკვლევართა ინტერესი კიდევ უფრო გააღრმავა.

უცნაურად აღმოაჩინეს ძველი პომპეიცი. უკვე მე-16 საუკუნეში ცნობილი იყო, რომ ციფიტას ბორცვის ქვეშ იმალება რომელიღაც ქალაქის ნანგრევები. 1594 წელს იტალიელ ინჟინერს დომენიკო ფონტანას დაავალეს მიწისქვეშა აკვედუკის აგება. მუშაობისას ინჟინერი უცნობ ნანგრევებს წააწყდა. როგორც შემდეგ დადგინდა, ეს პომპეი იყო, რომლის კვლევა იტალიელმა ჯუზეპე ფიორელიმ განაგრძო. ფიორელიმ მთელი ტერიტორია კვადრატებად დაანაწილა (ამ მეთოდს დღესაც იყენებენ), თითოეული აღმოჩენილი სახლის კარი დანომრა, ხოლო ფერფლსა და ლავაში გაჩენილი სიცარიელე თხევადი თაბაშირით ამოავსო. ამით შესაძლებელი გახდა კატასტროფის შედეგად დაღუპული და გაქვავებული ადამიანებისა და ცხოველების ანაბეჭდების აღება.

*„ვერონიუსის“ მასალების მიხედვით
მოამზადა ნინო ჯაფარიძემ*





„შავი წყალი“, ხოქიძის მახელონელი იოსების

ლემბინარული მხედართმთავრის სიკვდილს მითურა მდინარე მავრონის უკავშირება

ამერიკელმა მეცნიერებმა ალექსანდრე მაკედონელის სიკვდილის საიდუმლო ამოხსნეს. აღმოჩნდა, რომ იგი შხამიანი წყლით მოწამლეს. მეცნიერთა ვერსიით, მაკედონელი, რომელმაც საბერძნეთიდან ინდოეთამდე უზარმაზარი ტერიტორიები დაიპყრო, ბერძნული მდინარე სტიქსის წყლით მოწამლეს. მდინარე, რომელიც ბერძნული მითოლოგიით მიწისქვეშა სამეფოშია (სადაც გარდაცვლილთა სულები განისვენებენ), სინამდვილეში დღესაც არსებობს. იგი პელოპონესის ნახევარკუნძულის მთებში მოედინება და მავრონერს ანუ „შავ წყალს“ უწოდებენ.

ექსპერტები მივიდნენ მოსაზრებამდე, რომ დიდი მხედართმთავრის სიკვდილის მიზეზი განსაკუთრებით შხამიანი ბაქტერია იყო, რომელიც მომწამლავ ნივთიერებას, კალიქამიციტს გამოიმუშავებს.

„ეს ბაქტერია განსაკუთრებით ტოქსიკურია. ძველი ბერძნული მითოლოგიით, ღმერთები ადამიანებს ფიცს მდინარე სტიქსის ნაპირას ადებინებდნენ. მას, ვინც იტყუებოდა, ზეცი აიძულებდა მდინარის წყალი დაეღია. ლეგენდის თანახმად, ასეთი ადამიანები მუნჯდებოდნენ და სიარულის უნარიც ერთი წლით ერთ-

მოდით“, — მიუთითებს გამოკვლევის ერთ-ერთი თანაავტორი, სტენფორდის უნივერსიტეტის მეცნიერ-ტოქსიკოლოგი ანტუნეტა ჰეისი. „ლოგიკურია, რომ ალექსანდრე მაკედონელი, რომელიც ღმერთკაცად ითვლებოდა, სწორედ ასეთი შხამით მოწამლეს. ნიშანდობლივია, რომ ზოგიერთი სიმპტომი და ალექსანდრე მაკედონელის დაავადების მიმდინარეობა შეესაბამება სტიქსის შესახებ ძველ ბერძნულ მითებს. მან ხმაც კი დაკარგა და კომაში ჩავარდა, ანუ მოხდა ზუსტად ის, რაც ამ მდინარის წყლის დალევის შემდეგ ხდებოდა“, — ამბობს გამოკვლევის კიდევ ერთი თანაავტორი, სტენფორდის უნივერსიტეტის მკვლევარი ადრიენა შეიორი. კვლევის შედეგების გამოქვეყნების მიუხედავად, მკვლევარები არაფერს ამბობენ იმაზე, როგორ და ვის უნდა ჩაეტანა პელოპონესის ნახევარკუნძულის მთებიდან მდინარე სტიქსის წყალი შორეულ ბაბილონში, სადაც ალექსანდრე მაკედონელი იმყოფებოდა.

ადრე ისტორიკოსები ვარაუდობდნენ, რომ მაკედონელის სიკვდილი ლოთობამ, მუცლის ტიფმა, მალარიამ, მწვავე პანკრეასმა, დასავლეთ ნილოსის ცხელებამ თუ შემთხვევითმა ან წინასწარ გამიზნულმა მოწამვლამ გამოიწვია.

ალექსანდრე მაკედონელი ინდოეთში ლაშქრობის შემდეგ, ბაბილონში, ნახუქილონოსორ მეორის სასახლეში დამეული ღვინის შემდეგ დააფადა. მან ღვიძლის მოულოდნელი და მწვავე ტკივილის შესახებ დაიჩვილა და ლოგინად ჩავარდა. 12 დღის განმავლობაში მაღალი სიცხე და სახსრების ტკივილი ტანჯავდა. შემდეგ კომაში ჩა-

ვარდა და ძვ.წ. 323 წლის 10 ივნისს, 33 წლის ასაკში გარდაიცვალა.

4 დღე სიჩუმე სუფევდა ბაბილონს, შოკირებული ხალხი გლოვობდა. მაკედონელის ცხედარი ეგვიპტეში, ალექსანდრიაში გადაასვენეს და იქ დიდი პატივით დაკრძალეს.

სიკვდილის წინ მის გარშემო შემოკრებილთ ყველას აინტერესებდა, ვის დაასახელებდა მემკვიდრედ. ალექსანდრემ კლასიკური, ბერძნული პასუხი მიაგო ტახტის მოსურნეთ და განაცხადა, რომ ის თავის იმპერიას ყველაზე ძლიერს დაუტოვებდა.

ისტორიულ წყაროებში არ ჩანს, ზრუნავდა თუ არა ალექსანდრე მემკვიდრეზე, მამამისისგან განსხვავებით, რომელიც შვილს დაბადებიდანვე ზრდიდა იმპერატორად. შეიძლება ალექსანდრე არც ჩქარობდა და დიდხანს აპირებდა კიდევ მაკედონიის იმპერიის მართვას. ის ხომ მხოლოდ 33 წლისა იყო.

ალექსანდრე მაკედონიის სამეფოს დედაქალაქში, პელაში დაიბადა, ძვ.წ. 356 წლის ივლისში. იმ დღეს, როცა არტემიდას ტაძარი დაიწვა ჰეფესოსში. მამამ, ფილიპე მეორემ გააერთიანა მაკედონია, შექმნა ძლიერი ჯარი, დაიპყრო საბერძნეთი, მოიპოვა დიდი სიმდიდრე და ძალაუფლება. პლუტარქეს მიხედვით, ის ჰერკულესის შთამომავალი იყო. დედა — ეპირის მეფის, პტოლემეაიოსის ქალიშვილი ოლიმპია კი, თუ პლუტარქეს ვერწმუნებით, აქილევსის შთამომავალი იყო. გადმოცემით, ალექსანდრე უშიშარი ემაწვილი ყოფილა. 12 წლის ასაკში მოათვინიერა ბუცეფალი, ველური ცხენი, რომელსაც სხვა ვერავინ ეკარებოდა.

მის პირველ მასწავლებელს,

ლეონიდასს უკავშირებენ ალექსანდრე მაკედონელის სპარტანულ აღზრდას. მოგვიანებით, ლეონიდასს ლისიმაქე ჩაენაცვლა, რომელმაც ალექსანდრეს ქნარზე დაკვრა ასწავლა და ხელოვნება შეაყვარა. 13 წლის ალექსანდრე არისტოტელეს მიაბარეს. სწორედ აქ შეხვდა თავის მომავალ საუკეთესო მეგობარ ჰეფესტინოსს.

არისტოტელემ ალექსანდრეს ზედმიწევნით შეასწავლა რიტორიკა და ლიტერატურა, გაუღვივა ინტერესი მეცნიერების, მედიცინის, ფილოსოფიის, ფიზიკის, მეტეოროლოგიის, გეოგრაფიისა და თეოლოგიისადმი...

ალექსანდრე მაკედონელის სამხედრო და პოლიტიკურ განათლებაზე კი მამამ იზრუნა. 16 წლისა იყო, როცა ფილიპე მეორე აჯანყების ჩასახშობად ბიზანტიონს გაემგზავრა. მამის არყოფნისას სამეფო ტახტი ალექსანდრეს გადაეცა.

მამის ნდობის მიუხედავად, ალექსანდრე ვერ ეწყობოდა ფილიპეს. მამა-შვილს შორის ურთიერთობა განსაკუთრებით დაიძაბა მას შემდეგ, რაც ფილიპემ კლეოპატრაზე დაქორწინება გადაწყვიტა.

ძვ.წ. 336 წლის ზაფხულში, ფილიპე თავისი ქალიშვილის ქორწილში მოჰკლეს. ზოგიერ-

თი წყაროს ცნობით ეს შეთქმულება ალექსანდრეს დედამ, ოლიმპიამ მოაწყო.

20 წლის ალექსანდრე დაუყოვნებლივ წარუდგინეს ჯარს, როგორც მაკედონიის ახალი მეფე. ახალგაზრდა მეფეს ტახტის მრავალი მოცილე გამოუჩნდა, რომლებიც ნელ-ნელა ჩამოიცილა. თავად სარდალი ატილოსიც, კლეოპატრას ბიძა, მცირე აზიამში გააგზავნა სალაშქროდ, მოგვიანებით კი თავიდან მოიშორა.

გამეფების შემდეგ, ალექსანდრემ თავი უზენაესი დმერთის, ზევსის შვილად გამოაცხადა. თუმცა როგორც ისტორიკოსები აღნიშნავენ, ეს სულაც არ იყო საჭირო, რადგან მისი ერთი შეხედვაც საკმარისი იყო იმის გასაგებად, რომ ალექსანდრე დიდებისთვის დაიბადა.

ალექსანდრე მაკედონელი ისტორიაში შევიდა, როგორც ერთ-ერთი უდიდესი სამხედრო გენიოსი და სტრატეგი, რომელმაც მაშინდელი მსოფლიო ცივილიზაციის უმეტესი ნაწილი დაიპყრო და შექმნა უდიდესი იმპერია, რომელშიც შედიოდა მაკედონია, ეგვიპტე, სირია, სპარსეთი და მცირე აზია.

„ვერონიუსის“ მხსალებს მიხედვით მოაშხადა ნინო ჯაფარიძემ



კავკასია ევროპისა და აზიის დამაკავშირებელი რგოლია. თავისი ხელსაყრელი გეოგრაფიული მდებარეობით ეს რეგიონი ოდითგანვე იზიდავდა დიდ იმპერიებს, რომლებიც ძალუმად ცდილობდნენ ამ ტერიტორიაზე თავისი კონტროლის დამყარებას. კავკასია გზაჯვარედინია, სადაც იკვეთება ჩრდილოეთ-სამხრეთისა და აღმოსავლეთ-დასავლეთის პოლიტიკური თუ კულტურული არეალები. ეს კიდევ უფრო ზრდის ამ ერთი შეხედვით მცირე რეგიონის მნიშვნელობას მსოფლიო პოლიტიკურ პროცესებში. სწორედ ამგვარმა გეოპოლიტიკურმა მდებარეობამ განსაზღვრა საუკუნეების განმავლობაში აქ მცხოვრები ერების ბედი.

საქართველო და ევროპა

დიდი იმპერიების სამიზნე

კავკასიის ხელში ჩასაგდებად ყოველთვის უპირისპირდებოდა ერთმანეთს ორი ან მეტი დიდი ძალა. ამჟღეროულად, აქ გადიოდა ორი დიდი ცივილიზაციის საზღვარი. დასავლეთისა და აღმოსავლეთის შეხება ყველაზე თვალნათლივ კავკასიის რეგიონში ვლინდება. ამ ორი ცივილიზაციის შეჯერების შედეგად რეგიონში ერთგვარი ინტერკულტურული გარემო ჩამოყალიბდა, სადაც დასავლურ ფასეულობებს ეფენება აღმოსავლური კულტურის ნიშნები. ეს რეალობა პოლიტიკოსებსაც ჰქონ-

დათ გათვითცნობიერებული და ამიტომაც არავის უკვირდა დავით IV აღმაშენებლის მეჩეთში სიარული, დემეტრე I-ისა და თამარის კარზე მუსლიმ სწავლულთა ყოფნა, ქართულ ფულზე არაბული ზედწერილი და სხვ. მაგრამ, მიუხედავად ამისა, საქართველო ყოველთვის წარმოადგენდა დასავლური ცივილიზაციის ნაწილს. ქრისტიანულმა რელიგიამ კი საქართველოსა და აღმოსავლეთს შორის დიდი ნაპრალი გააჩინა. ცივილიზაციის თანამედროვე მკვლევარები (მაგ., სემუელ ჰანტინგტონი) ცალსახად აღნიშნავენ, რომ რე-



იღებთ ღრმა ფესვები აქვს. ძვ. წ. IV საუკუნეში ალექსანდრე მაკედონელის აღმოსავლეთში ლაშქრობის შემდეგ, საქართველო ელინისტური სამყაროს ნაწილი გახდა, ძვ. წ. I საუკუნიდან კი რომმა კავკასია მოაქცია თავისი გავლენის ქვეშ და ამ გზით ქართლი და ეგრისი აქტიურად ჩაერთო საერთო რომაულ ცივილიზაციაში.

საქართველოს ტერიტორიაზე ქრისტიანული აღმსარებლობის დამკვიდრებამ უფრო ინტენსიური გახდა ევროპის ქრისტიანულ სამყაროსთან კავშირი.

ქრისტიანობა მართოდენ აღმსარებლობა როდი იყო, იგი გახლდათ მთელი სისტემა კულტურული ფასეულობებისა. IV საუკუნეში ქართლის მეფის მირიანის გადაწყვეტილებით, თანამედროვე პოლიტიკური ტერმინოლოგია რომ მოვიშველიოთ, ნიშნავდა საქართველოს ევროპულ კულტურულ სივრცეში ინტეგრაციას. ქართველობამ გამოკვეთილად პროდასავლური ორიენტაცია აირჩია და დაშორდა აღმოსავლურ ზოროასტრულ სამყაროს. მთელი ათას ხუთასი წელი ქრისტიანობა იმ პატრუქს წარმოადგენდა, რომელსაც ჩვენში დასავლური კულტურის სხივებით ანათებდა. და თუ ჩვენ საუკუნეთა განმავლობაში ევროპულ ცივილიზაციას ვიყავით ნაზიარები და პოლიტიკურად ევროპისკენ ვიცქირებოდით, ესეც დიდწილად ქრისტიანობის დამსახურება იყო.

მარადიული არჩევანის წინაშე

ეს არჩევანი ამის შემდეგ არაერთხელ დადგა საქართველოს წინაშე. ერთ-ერთი ყველაზე ნათელი მაგალითი თუ როგორ წყვეტდნენ ქართველი პოლიტიკოსები ამ დილემას, არის ეგრისის მეფის გუბაზის მოკვლის შემდეგ, 554 წელს წარჩინებულთა კრებაზე გამართული დისკუტი. ეგრისელი დიდებულები მსჯელობდნენ იმაზე, თუ რომელი ორიენტაცია აერჩიათ — პროირანული თუ პრობიზანტიური. ადვილი მისახვედრია, რომ აქ არ იგულისხმებოდა კონკრეტულ სახელმწიფოსთან თანამშრომლობა. პრობლემა უფრო გლობალური იყო — აღმოსავლეთი თუ დასავლეთი. ამ დისკუტიდან შეგვიძლია გავაკეთოთ ერთი მნიშვნელოვანი დასკვნა, რომელიც მართოდენ VI საუკუნეს არ ეხება, არამედ ის შეიძლება გავრცელდეს მთლიანად შუა საუკუნეებზე. ქართველი ერი თავისი თვითშეგნებით ყოველთვის დასავლური ცივილიზაციის

ლიგია იმაზე ბევრად მკვეთრად მიჯნავს აღმნიანებს, ვიდრე ეთნიკური კუთვნილება და რომ, რელიგიური ერთობა გაცილებით ადვილად აყალიბებს საერთო ცივილიზაციურ ნიშნებს, ვიდრე სხვა რომელიმე ფაქტორი. ამდენად, გაქრისტიანების შემდეგ საქართველო საბოლოოდ გაემიჯნა ჯერ ცეცხლთაყვანისმცემლურ, ზოლო შემდეგ მუსლიმანურ აღმოსავლეთს.

ისე არ უნდა გავიგოთ, რომ საქართველოს ევროპული ორიენტაცია ქრისტიანობის შემოსვლამ განაპირობა. ამ ტენდენციას გაც-



*თამარ მეფის მონეტა, რომლის ზურგზეც
ოთხსტრიქონიანი არაბული ზედწერილია*

ნაწილს წარმოადგენდა და მყუდროდ გრძნობდა თავს ამ კულტურულ სფეროში. სწრაფვა დასავლეთისკენ გამწვანებული არ ყოფილა მხოლოდ პოლიტიკური მიზნით.

ეროვნული უსაფრთხოების სისტემა ქართულ სახელმწიფოს ანტიკურ და შუა საუკუნეებშიც გააჩნდა. რა თქმა უნდა, ის არ იყო ისე მწყობრ სისტემად ჩამოყალიბებული როგორც დღესაა, მაგრამ, მიუხედავად ამისა, იგი მოიცავდა მთელ კომპლექსს პოლიტიკური, სამხედრო, რელიგიური, ეკონომიკური, კულტურული პრობლემებისას. საკითხთა ამ ერთობამ ჩამოაყალიბა ქართველთა ეროვნული ფასეულობანი და პოლიტიკური ინტერესები.

არაბთა სახალიფო თუ ბიზანტია?

არაბთა შემოსევებმა და ახალი რელიგიის – ისლამის გავრცელებამ მახლობელი ადმოსავლეთი კიდევ ერთხელ ორ ნაწილად გაყო. საქართველო არაბთა სახალიფოსა და ბიზანტიას შორის გადანაწილდა. ამჯერადაც, ქართველი საზოგადოება არჩევანის წინაშე დადგა – მუსლიმანური ადმოსავლეთი თუ ქრისტიანული ბიზანტია.

ბიზანტია კლასიკური ევროპული სახელმწიფო არასდროს ყოფილა, თუმცადა ის ქრისტიანული ცივილიზაციის ნაწილს წარმოადგენდა. ამიტომაც სავსებით გასაგებია რა ამომრავებდა აშოტ კურაპალატსა და ქართველი საზოგადოების ნაწილს, როდესაც არაბთა მიერ კონტროლირებადი ტერიტორიიდან ბიზანტიის გავლენის ქვეშ მოქცეულ ტაო-კლარჯეთში გადავიდნენ. ამით ეროვნული სახელმწიფოებისა თუ კულტურის აყვავების პერსპექტივა ჩნდებოდა.

XI საუკუნეში ქართველები თითქმის ნახევარი საუკუნე ბიზანტიის იმპერიას ებრძოდნენ ამიერკავკასიაში პირველობისათვის. ნიშანდობლივია, რომ ამ პერიოდში, იმავე ბიზანტიის იმპერიაში მოქმედებდა ქართული მონასტრები, რომლებიც დასავლური კულტურის ექსპორტს ახორციელებდნენ საქართველოში.



*კონსტანტინოპოლი
— ბიზანტიის
იმპერიის
დედაქალაქი*

საქართველო და ჯვაროსნები

XI-XIII საუკუნეები საქართველოს პოლიტიკური სიძლიერის ხანაა. ქართული სახელმწიფოს საერთაშორისო ინტერესები მკვეთრად იზრდება. სწორედ ამან განაპირობა ევროპულ სახელმწიფოებთან მჭიდრო კავშირ-ურთიერთობების დამყარება. ჯვაროსნულმა ლაშქრობებმა აჩვენა, რომ მახლობელი აღმოსავლეთი მათ ინტერესებშიც შედიოდა. საქართველოს სამხედრო თანამშრომლობა ევროპელ რაინდებთან განპირობებული იყო იმით, რომ მახლობელ აღმოსავლეთში, საიდანაც მოდიოდა საქართველოსთვის სამხედრო საფრთხე, ძალთა ბალანსი დაცული იქნებოდა.

საქართველოსა და ჯვაროსნების ურთიერთობას, საკითხის მნიშვნელობიდან გამომდინარე, ოდნავ ვრცლად შევეხებით.

1095 წელს საფრანგეთის პატარა ქალაქ კლერმონში რომის პაპმა ურბან II-მ მორწმუნეებს ქრისტეს საფლავის გასათავისუფლებლად მოუწოდა. ამ მოვლენამ სათავე დაუდო დასავლეთისა და აღმოსავლეთის ყველაზე ხანგრძლივ დაპირისპირებას, რომელიც ჯვაროსნული ლაშქრობების სახელითაა ცნობილი. თითქმის ორი საუკუნის განმავლობაში ევროპამ რვა ჯვაროსნული ლაშქრობა მოაწყო აღმოსავლეთის მუსლიმთა წინააღმდეგ. ევროპის ისტორიაში ეს იყო პირველი შემთხვევა, როდესაც შეიქმნა ფართომასშტაბიანი სამხედრო-პოლიტიკური ბლოკი, რომელშიც დასავლეთ ევროპის თითქმის ყველა, დიდი თუ პატარა სახელმწიფო ჩაერთო.

ჯვაროსნების აღმოსავლეთში მოსვლის შემდეგ, რეგიონში ძალთა თანაფარდობა რადიკალურად შეიცვალა. ბიზანტია და საქართველო მართო აღარ იყვნენ მუსლიმური სახელმწიფოების წინაშე. ის ფაქტი, რომ ჯვაროსნების გამოჩენამ საქართველოს პოლიტიკურ ცხოვრებაზეც იქონია გავლენა, დავით აღმაშენებლის ისტორიკოსსაც აქვს აღნიშნული. მემკვიდრე შემთხვევით არ უკავშირებს ერთმანეთს ევროპელ რაინდთა მიერ იერუსალიმის აღებასა და დავით აღმაშენებლის მიერ თურქებისადმი ხარკის შუწვევების ფაქტს. ისტორიკოსი დასძენს: „ამას ჟამსა გამოვიდეს ფრანგნი, აღიღეს იერუსალემი და ანტიოქია... განძლიერდა დავით და განიმრავლნა სპანი და არღარა მისცა სულტანსა ხარაჯად“.

XII საუკუნის დასაწყისში აღმოსავლეთში ორი ფრონტი ჩამოყალიბდა — ჯვაროსნებსა და ქართველებს საერთო სამხედრო-



დავით აღმაშენებელი. გელათის ფრესკა





თამარ მეფე,
ვინწვისის ფრესკა

პოლიტიკური ინტერესები ჰქონიათ. ამ ფაქტმა მნიშვნელოვნად დააჩქარა კავკასიიდან თურქების განდევნა. ორ ათეულ წელზე მეტხანს ვერ მოხერხდა მუსლიმური სამყაროს გაერთიანება, ეს კი ხელსაყრელი იყო როგორც საქართველოს, ასევე ჯვაროსნებისთვის. 1121 წელს ნეჯმ ად-დინ ილღაზის მიერ მოწყობილი კოალიციური ლაშქრობის დიდგორთან დამარცხებამ მხოლოდ საქართველოს არ მოუტანა შეება, ამან მნიშვნელოვანწილად შეამსუბუქა ჯვაროსანთა მდგომარეობა აღმოსავლეთში. ილღაზმა სახელი „ნეჯმ ად-დინ“ („სარწმუნოების ვარსკვლავი“) დაიმსახურა 1019 წელს მდ. ორონტის ნაპირას ე.წ. „სისხლიან ველზე“ ჯვაროსანი რაინდების დამარცხების შემდეგ. ასეთი მოწინააღმდეგის მოშორება, ბუნებრივია, ჯვაროსანთა უპირველეს საზრუნავს წარმოადგენდა. ამდენად, საქართველოსა და ჯვაროსანთა სამხედრო ბლოკს შორის ურთიერთობის პოლიტიკური მიზანი აბსოლუტურად გასაგებია. მათ საერთო მტერი და გეგმები აქვთ აღმოსავლეთში. ამ კონტექსტში საესეებით ლოგიკურად ჯდება იერუსალიმის მეფის ბოლდუინ II-ის საქართველოში ვიზიტი (ბოლ-

დუინ II-ის დავით აღმაშენებელთან ჩამოსვლა გვიანდელ ავტორს აქვს მოთხრობილი და ამიტომ მას ზოგიერთი ისტორიკოსი სარწმუნოდ არ მიიჩნევს). აშკარა იყო, რომ ვეროპელ რაინდებს აღმოსავლეთში საქართველოს სახით სერიოზული მოკავშირე ჰყავდა. უკვე მოგვიანებით, XII-XIII საუკუნეებისთვის, როდესაც ჯვაროსნების მდგომარეობა აღმოსავლეთში მკვეთრად გაუარესდა, ევროპაში შეიქმნა ქრისტიანთა მხსნელის იოანე პრესვიტერის ლეგენდარული სახე, რომლის პროტოტიპი, ზოგიერი მკვლევარის აზრით, დავით აღმაშენებელი უნდა ყოფილიყო.

ჯვაროსნებთან დაწყებული ინტენსიური ურთიერთობა ნაწილობრივ შეიცვალა XII საუკუნის 80-იან წლებში.

1184 წელს გიორგი III-ს გარდაცვალების შემდეგ ტახტი ახალგაზრდა თამარმა დაიკავა. რეალურად სამეფოს თამარის მამიდა რუსუდანი მართავდა. ეს უკანასკნელი დასავლეთ ირანის სულთნის ყიას ად-დინ მასუდის მეუღლე იყო, რომლის გარდაცვალების შემდეგ საქართველოში დაბრუნდა და აქ განაგრძო მოღვაწეობა. როგორც ჩანს, რუსუდანი კარგად იცნობდა აღმოსავლურ პოლიტიკას და



გვიპტის სულთან სალაჰ ად-დინთან საქართველოს სამეფო კარმა თავდაუსხმელობის ხელშეკრულება დადო

სიმპათიითაც იყო განწყობილი მუსლიმანი მმართველებისადმი. ყოველი შემთხვევისთვის მისი რეგენტობის პერიოდში ქართველებმა ჯვაროსნებსა და მუსლიმანთა შორის დაპირისპირებაში ნეიტრალური მდგომარეობა აირჩიეს. 1185 წელს საქართველოს სამეფო კარმა თავდაუსხმელობის ხელშეკრულება დადო ეგვიპტის სულთან სალაჰ ად-დინთან. ორი წლის შემდეგ სალაჰ ად-დინმა იერუსალიმი წართვა ჯვაროსნებს. არასწორი საგარეო პოლიტიკის წყალობით, ქართველებმა ფაქტობრივად, ხელი შეუწყვეს აიუბიანელთა სახელმწიფოს არნახულ გაძლიერებას. მცირე ხანში, მახლობელ აღმოსავლეთში საქართველოსა და აიუბიანელთა ინტერესებიც დაუპირისპირდა ერთმანეთს. სამწუხაროდ, ამ დროს უკვე აღმოსავლეთში ჯვაროსნები ანგარიშგასაწევ ძალას აღარ წარმოადგენდნენ.

ეს დანაკლისი საკმაოდ მალე იგრძნეს ქართველმა პოლიტიკოსებმა და უკვე ლაშკაროვრიმ მჭიდრო კავშირი დაამყარა ჯვაროსნებთან. რომის პაპის ჰონორიუს III-ს თხოვნით საქართველოს მეფეს V ჯვაროსნულ ლაშქრობაში (1219-1221) მონაწილეობა ჰქონდა გადაწყვეტილი. ძირითადი მიზანი ამ



რომის პაპმა ურბან II-მ ქრისტიანებს ჯვაროსნული ლაშქრობისკენ მოუწოდა...



ლაშქრობისა იერუსალიმის დაბრუნება და მახლობელ აღმოსავლეთში ეგვიპტის სასულთნოს პოზიციების შესუსტება იყო. ამჯერადაც, საქართველოსა და ევროპული კოალიციის ინტერესები ერთმანეთს ემთხვეოდა, მაგრამ 1220 წელს საქართველოში მონღოლთა შემოსევამ ეს განზრახვა მხოლოდ შეთანხმების დონეზე დატოვა. რუსუდან დედოფალი რომის პაპს ჰონორიუს III-ს წერდა: „დამიეტში მეოფი შენი ლეგატისაგან მივიღეთ შენი დიდებული რჩევა და ბრძანება, რათა ძმა ჩემი ქრისტიანების დასახმარებლად წასულიყო. ეს თავად მისი სურვილიც იყო და წასასვლელადაც ემზადებოდა, მაგრამ, თუ თქვენც გაიგეთ, ჩვენს ქვეყანას ბიწიერ თათართა ტომი შემოესია და მან დიდი ზარალი მიაყენა ჩვენს ხალხს“. ქართველები ასევე აქტიურად ემზადებოდნენ VI ჯვაროსნული ლაშქრობისთვისაც. მაგრამ ამ ლაშქრობის სამზადისი დიდხანს გაჭიანურდა, ამასობაში, საქართველო ჯალალ ედ-დინმა დაიპყრო და ქართველთა საერთო ევროპულ კოალიციაში მონაწილეობა ვერ მოხერხდა.



სტამბოლი ოსმალით პერიოდში

**გიორგი V და ფილიპე VI –
თანასწორი პარტნიორები**

XIII საუკუნეში მონღოლთა შემოსევებმა საქართველოს აქტიური საგარეო პოლიტიკის წარმოება შეაფერხა, — მათ შორის ევროპულ სახელმწიფოებთან ურთიერთობები. ქვეყანა საშინაო პრობლემებში ჩაიძირა.

XIV საუკუნეში გიორგი V ბრწყინვალის დროს ვითარება კარდინალურად შეიცვალა და ქართულ-ევროპული ურთიერთობები კვლავ ძველი ტემპით აღდგა. დასავლეთ ევროპის კათოლიკური სამყარო დაინტერესებული იყო აღმოსავლეთში ძლიერი მოკავშირის ყოლით. თავის მხრივ, საქართველოც ცდილობდა სამხედრო-პოლიტიკური ალიანსის შექმნას ევროპულ მონარქიებთან.

რომის პაპმა საქართველოსთან მჭიდრო ურთიერთობების დასამყარებლად სმირნადან საქაისკოპოსო კათედრა თბილისში გადამოიტანა.

ამავე პერიოდში საქართველოს მეფე გიორგი V ქრისტიანობის დაცვის მიზნით ევროპის მონარქებს სთავაზობს რეალური კოალიციის შექმნას. ჩვენამდე შემონახულია გიორგი ბრწყინვალის წერილი საფრანგეთის მეფე ფილიპე VI ვალუასადმი, რომელშიც ვკითხულობთ: „საფრანგეთის ღვთაებრივი ხელმწიფენი ხშირად აღძრავენ აღმოსავლეთის მეფეებს სარკინოზთა წინააღმდეგ საბრძოლველად, მაგრამ საქმე ის არის, რომ შემდეგ ისინი აღარ მოდიან, სტოვებენ რა მათ ამ მტანჯველ ომში მართლად.

ამგვარად, გთხოვთ თქვენ დაადგინოთ, როგორ და როდის გადმოლაზავთ ზღვას და მყისვე მეც იქ მიხილავთ, თქვენი კეთილი ნების შესაბამისად, 30 ათასი ჯარისკაცით“.

ეს წერილი, მასში გადმოცემული ამბის გარდა, საინტერესოა სტილის თვალსაზრისითაც. აქ არ არის მუდარა, თხოვნა დახმარებისა. მოლაპარაკება თანასწორ პარტნიორებს შორის წარმოებს და გიორგი V-ს საყვედურის ტონიც („საფრანგეთის ღვთაებრივი ხელმწიფენი ხშირად აღძრავენ აღმოსავლეთის მეფეებს... და სტოვებენ მათ ამ მტანჯველ ომში მართლად“) ფილიპე VI-სადმი ამითაა ასახსნელი. როგორც ვხედავთ, საქართველოს მეფე რეალურ მოკავშირეობას ითხოვს ევროპული სახელმწიფოებისგან, მაგრამ მალე თვით საფრანგეთი და ინგლისი დაუპირისპირდა ერთმანეთს (ე.წ. ასწლიანი ომი) და დასავლეთ ევროპისათვის აღმოსავლეთის პოლიტიკამ მერე პლანზე გადაინაცვლა.

ანტიოსმალურ კოალიციაში

ევროპის ქვეყნებისა და საქართველოს სამხედრო-პოლიტიკური თანამშრომლობის აუცილებლობა კიდევ ერთხელ დადგა 1453 წელს თურქ-ოსმალთაგან კონსტანტინოპოლის აღების შემდეგ. ევროპამ რეალურად იგრძნო ოსმალითა საფრთხის მოახლოება და ამიტომაც, რომის პაპის ინიციატივით დაიწყო მძლავრი ანტიოსმალური კოალიციის შექმნა. თავის მხრივ, ქართველებსაც კონკრეტული მიზნები ამოძრავებდათ. კონსტანტინოპო-

ოლის აღების შემდეგ ჩაიკეტა ის უმთავრესი გზა, რომლითაც საქართველო ევროპულ ცივილიზაციას უკავშირდებოდა. 1456 წელს საქართველოში ჩამოდის ცნობილი დიპლომატი ლუდოვიკო ბოლონიელი, რომლის მიზანი იყო დაერწმუნებინა აღმოსავლეთის მონარქები ჩაბმულიყვნენ ანტიოსმალურ კოალიციაში. პარალელურად რომის პაპი პიუს II ცდილობდა ოსმალთა წინააღმდეგ ბრძოლა საერთო ევროპულ პრობლემად ექცია. მან 1459 წელს მანტუას კონგრესიც მოიწვია, რომელზეც ყველა დიდი სახელმწიფოს ხელისუფალთ მოუწოდა დასწრება. საფრანგეთის მეფეს საგანგებოდ ოქროს ვარდიც კი გაუგზავნა და „უქრისტიანესის“ ტიტულით დააჯილდოვა. ამავე პერიოდში საქართველოში ხელახლა ჩამოდის ლუდოვიკო ბოლონიელი, რომელსაც საქართველოს მეფე გიორგი VIII-მ თავისი ელჩი ნიკოლოზ თბილელი გააყოლა ევროპაში. ანტიოსმალურ კოალიციაში აქტიურად მონაწილეობს სამცხის ათაბაგი ყვარყვარე II-ც. ქართველი ელჩები არა მარტო რომის პაპის, არამედ სხვა ევროპელი მონარქების წინაშეც წარდგნენ, მაგრამ საერთო ევროპული კოალიციის შექმნა ამ ეტაპზე მაინც ვერ მოხერხდა. საქართველო მარტო აღმოჩნდა ოსმალთა და სეფიანთა ირანის წინაშე.



სულხან-საბა სწორედ ლუი XIV-სთან შევიდა „მეთხოუმეტე კაცად“

ვახტანგ VI და სულხან-საბა ორბელიანი



შუა საუკუნეებში დასავლური ცივილიზაცია ზოგადად წარმოდგენილი იყო ქრისტიანულ სამყაროდ. რელიგიურმა ფაქტორმა მართლაც დიდი როლი ითამაშა ევროპის, როგორც ერთიანი გეოკულტურული სივრცის ფორმირებაში. ქართველთა სწრაფვა ევროპისაკენ განპირობებული იყო სულიერი სიახლოვით. გვიან შუა საუკუნეებში, მუსლიმანური სახელმწიფოების გარემოცვაში მოქცეული ქართველები ამ სივრცეში ეძებდნენ თავისი ეროვნული უსაფრთხოების გარანტს.

XV საუკუნიდან საქართველოს სამეფო-სამთავროებად დაშლის შემდეგ კავშირები ევროპასთან არ შეწყვეტილა, მაგრამ უკვე ამიერიდან მოლაპარაკებები არათანასწორ პარტნიორებს შორის წარმოებდა. ქართველები ძირითადად დახმარებას ითხოვდნენ. მაგრამ იყო შემთხვევები, როდესაც შორეული აღმოსავლეთიდან – საქართველოდან ევროპას სწვდებოდა საერთო სამხედრო პოლიტიკური კოალიციის შექმნის მოწოდების ხმა. ქართლის მეფე სიმონ I ესპანეთის მეფე ფილიპე II-ს სწერდა: „გვედრები და გემუდარები, მიშუამდგომლე მისი უდიდებულესობის, კეისარ იმპერატორის წინაშე, რათა მან მშვიდობა არ დაამყაროს თურქებთან, რომ ამან არ შეძლოს შეავიწროვოს ჩვენი ერი და ყველა ქრისტიანი“.

იგივე სიმონ I რომის პაპს სთხოვდა: „შევაგულიანოთ ქრისტიანი მეფეები და ხელმწიფეები, ჩვენი ქრისტესმიერი შვილები, გამოვიდნენ საერთო მტრის წინააღმდეგ“. თუ გავითვალისწინებთ XVI საუკუნეში საქართველოში არსებულ პოლიტიკურ რეალობას, ადვილი მისახვედრია, თუ რა განწირულად ევედრებიდა სიმონ I ევროპას დახმარებას. საქართველო ორი უდიდესი იმპერიის წინაშე მარტო დარჩენილიყო. 1578 წელს ოსმალთა დიდკეზირის ლალ მუსტაფა ფაშას დაპყრობითი ლაშქრობის შემდეგ კავკასიის დიდი ნაწილი თურქეთის შემადგენლობაში აღმოჩნდა.

სიმონ I ზუსტად ზედბოლოდა სად იყო გამოსავალი ამ სიტუაციაში. იმ შემთხვევაში თუ ევროპის სახელმწიფოები ოსმალეთთან დაპირისპირებას დაიწყებდნენ, საქართველოს განთავისუფლებას იმედოვნებდა გასჩენოდა, მაგრამ თუ რეალურად შევაფასებთ იმდროინდელ საერთაშორისო პოლიტიკურ ვითარებას, სიმონ I-ის ეს წინადადება უფრო რომანტიკულ ელფერს ტოვებს. ასევე უშედეგოდ დასრულდა ევროპისაკენ დახმარების იმედად

ჩასული სულხან-საბა ორბელიანის ელჩობა. საფრანგეთის მეფის კარზე ერთადერთი, რაც დიდხანს ახსოვდათ ქართველი დიპლომატის ვიზიტიდან, იყო მოსწრებული ნათქვამი ლუი XIV-სადმი. აუდიენციისას, როდესაც სულხან-საბამ მიულოცა საფრანგეთის მეფეს გამოჯანმრთელება, „მეფე მზემ“ უპასუხა, — ადვილი საქმე არ არის სამოც წელს გადასცილდეო.

— ხელმწიფე, თქვენი უდიდებულესობა ისე მოხდენილად ატარებს ამ ასაკს, რომ ყველა ისურვებდა ამ თქვენ ასაკში ყოფნასო, — უპასუხა სულხან-საბა ორბელიანმა. მხოლოდ ამ ერთი მოსწრებული პასუხის გამო კარგა ხანს ახსოვდათ ლუვრში ქართველი ელჩი. ხოლო ის, რის სათხოვნელადაც ჩავიდა ქართველი ელჩი, ადვილად დაივიწყეს საფრანგეთის მეფის კარზე.

როგორ დაუდგა რუსეთი საქართველოს ფარად(!)

XVIII საუკუნეში კავკასიის პოლიტიკაში თანდათან აქტიურად ერევა მესამე სახელმწიფო რუსეთის სახით. ქართველთა დაახლოება რუსეთთან სწორედ იმ სურვილმა განაპირობა, რომ ამ გზით ჩვენ საერთო ევროპულ სივრცეში დავბრუნდებოდით. ამასთანავე ქართული პოლიტიკური ერთეულები ეროვნული უსაფრთხოების მყარ გარანტს ეძებდნენ. თითქოს პირველ ეტაპზე ისეთი პირი უჩანდა, რომ რუსეთი საქართველოს ფარად დაუდგებოდა და ჩვენი ეროვნული ინტერესების დამცველად იქცეოდა, თავის მხრივ, საქართველოც სთავაზობდა რუსეთს მოკავშირეობას და საერთო მტრის, ირანისა თუ ოსმალეთის წინააღმდეგ სამხედრო დახმარებას ალუთქვამდა.

1783 წელს ერეკლე II-ის მიერ რუსეთთან გეორგიევსკის ტრაქტატის გაფორმება იყო გარეშე ძალის დახმარებით ირან-ოსმალეთის აგრესიის შეჩერების მცდელობა. ტრაქტატში ცალსახად გამოიკვეთა მხარეთა ვალდებულებები — ქართლ-კახეთში უნდა მდგარიყო ორი სრული ბატალიონი, ოთხი ზარბაზნით. მათი შენახვის ზარჯებს ერეკლე II კისრულობდა. მაგრამ მალე პროცესები სხვაგვარად განვითარდა — რუსეთმა XVIII საუკუნის 80-იანი წლების მიწურულს უკვე ფაქტობრივად უარი თქვა ტრაქტატის შესრულებაზე. პეტერბურგში ქართლ-კახეთის დაპყრობის გეგმა შეიმუშავეს და 1800 წელს გარდაცვლილი გიორ-



გეორგიევსკის ტრაქტატი

გი XII-ს შემდეგ ახალი მეფე კი არ დაამტკიცეს, როგორც ეს ტრაქტატით იყო განსაზღვრული, არამედ საერთოდ გააუქმეს მეფობა ქართლ-კახეთში. მცირე ხნის შემდეგ იგივე ბედი გაიზიარა იმერეთმა და სხვა ქართულმა სამეფო-სამთავროებმაც.

მაკილოვის პაგიორ...

ზემოთ თქმული მოკლედ რომ შევაჯამოთ, ასეთ სურათს მივიღებთ: საქართველო-ვეროპის ურთიერთობაში რამდენიმე ეტაპი გამოიყოფა: პირველი, როდესაც საქართველოს სამეფო კარი უშუალოდ თანასწორ კავშირ-ურთიერთობაში იყო ვეროპულ მონარქებთან და საერთო ვეროპულ სამხედრო ბლოკებში მონაწილეობდა. ძირითადად ეს ერთიანი ქართული სახელმწიფოს არსებობის პერიოდი, როდესაც მსოფლიოში საქართველოს საერთაშორისო ავტორიტეტი მაღალია. მეორე ფორმა ასე გამოიყურებოდა – ქართველები ვეროპის სახელმწიფოებთან ურთიერთო-

ბას ახორციელებდნენ მესამე სახელმწიფოს მეშვეობით – რომის, ბიზანტიის, რუსეთის... შუამავლობით. მესამე ვარიანტი კი ქართული სახელმწიფოსთვის ყველაზე დამამცირებელი და ჩიხში მოქცევი იყო. მიუხედავად იმისა, რომ ქართველი პოლიტიკოსები ცდილობდნენ ვეროპულ სახელმწიფოებთან დაკავშირებას, ეს უკანასკნელნი არავითარ ქმედით ნაბიჯს არ დგამდნენ. ამ ვითარებაში, ოსმალებსა და ირანს შორის განაწილებულ საქართველოს, მესამე სახელმწიფოც არ ეგულებოდა, რომელიც ვეროპასთან დაახლოებაში დაქმნაბოდა. საერთო ვეროპულ ოჯახში ჩვენი ქვეყნის ინტეგრაციის პერსპექტივა 1918-1921 წლებშიც არსებობდა. თუმცაღა, ბოლშევიკურმა რუსეთმა ჩაშალა ეს სწრაფვა.

ყოველივე ამას თუ გავითვალისწინებთ, ნათელია, რომ თანამედროვე სწრაფვა ვეროპტრუქტურებისაკენ, ეს არის მცდელობა – საქართველო დაბრუნდეს თავის ბუნებრივ გარემოში. ■



ტერორიზმის ეპოლუსხია

ღირდა კი დანაკარგზე თეიერი, როცა „ყესცი ლამაზი იყო“ ...

ისტორიას ზუსტად არ აღუნუსხავს, როდის მოხდა პირველი ტერორისტული აქტი, მაგრამ ტრაგიკული დიდებულებით აღბეჭდა მსოფლიოში ტერორიზმის პირველი კლასიკური ნიმუში — გაიუს იულიუს კეისრის მკვლელობა. ეს მოხდა ძვ.წ. 44 წლის 15 მარტს. ტერორიზმის სათავეებთან მარკუს იუნუს ბრუტუსი იდგა. სწორედ ის გახლდათ კეისრის წინააღმდეგ მოწყობილი შეთქმულების ორგანიზატორი და ერთ-ერთი მკვლელთაგანი. მას შემდეგ ტერორისტთა ხელმა მრავალი მეფის, იმპერატორის, დამპყრობელი მხედართმთავრისა თუ სასტიკი მაღალჩინოსნის სიცოცხლე შეიწირა. ტერორის მსხვერპლთა შორის იყვნენ ეროვნული თუ სოციალური თავისუფლებისთვის მებრძოლიც, დიდი საზოგადო თუ კულტურის მოღვაწეც.

ტერორიზმის მიზეზი სხვადასხვა სახის სოციალური, ეროვნული თუ პოლიტიკური უსამართლობა გახლდათ. მას განაპირობებდა საზოგადოებრივი და სახელმწიფოებრივი სისტემა, ერთი სახელმწიფოს მიერ სხვა ქვეყ-

ნის დაპყრობა. ტერორი ხშირად დამპყრობელთა მიერ დამოუკიდებლობისთვის მებრძოლთა წინააღმდეგ იყო მიმართული. 554 წელს ბიზანტიელმა სტრატეგებმა მოკლეს ლაზთა თავისუფლებისთვის მებრძოლი მეფე გუბაზი. ეს ნამდვილი ტერორისტული აქტი იყო.

ტერორის არსი ძალადობის საშუალებით მოწინააღმდეგეთა დაშინება-ლიკვიდირებაა. მას საფუძვლად უდევს ილუზია, რომ ტერორიზმის საშუალებით შესაძლებელია დიდი სოციალურ-პოლიტიკური იდეალების განხორციელება ან პოლიტიკური მიზანდასახულობის მიღწევა.

შუა საუკუნეებში ტერორს ეპიზოდური ხასიათი ჰქონდა. XI-XIII საუკუნეებში განსაკუთრებით შიშის ზარს სცემდნენ აზიისა თუ ევროპის მბრძანებლებს ასასინთა ორდენის წევრები, რომლებიც საგანგებოდ იწვრთნებოდნენ. ასასინთა ბრძოლის ძირითადი მეთოდი იყო ტერორისტული აქტები, რომელთა შესრულება ვეალებოდათ ფიდაიებს. არაბულ ენაზე „ფიდაი“ ნიშნავს მებრძოლს, ვინც თავს



იულიუს კეისრის მკვლელობა

ყველაზე ხშირად ტერორს ანარქისტები მიმართავდნენ. იტალიაში ანარქისტებმა წამოაყენეს ლოზუნგი „პროპაგანდა მოქმედებაში“. ისინი ხელთ იგდებდნენ პატარა ქალაქებს, ცეცხლს უკიდებდნენ მემამულეთა სახლ-კარს და ცდილობდნენ ხალხიც რევოლუციისთვის განეწყოთ.

სწორავს. ასასინების ცენტრს ალამუთის ციხე წარმოადგენდა. 1256 წელს მონღოლებმა ალამუთი აიღეს და ორდენმა მალე არსებობა შეწყვიტა. შუა საუკუნეებში ტერორისტებს ემსხვერპლა ევროპის რამდენიმე მონარქი. საქართველოს ისტორიაში მოგვეპოვება ფაქტი, როდესაც ტერორისტის მახვილს შეეწირა სამეფო ოჯახის წარმომადგენელი.

XIX საუკუნის პირველ ნახევარში სამხრეთ იტალიაში იქმნება კარბონარების

საიდუმლო ორგანიზაციები, რომელნიც ტერორის გზით იბრძოდნენ ქვეყნის დამოუკიდებლობისთვის. XIX საუკუნის პირველ ნახევარში ევროპის ქვეყნების მონარქებისა და დიდ მოხელეთა წინააღმდეგ რამდენიმე ათეული ტერორისტული აქტი განხორციელდა, რომელთაც ემსხვერპლნენ: საფრანგეთის ბურბონთა დინასტიის უკანასკნელი წარმომადგენელი — ბერიის პრინცი; რეაქციონერი მწერალი კოცებუ (1819); ფერდინანდ III ნეაპოლიტანელი (1854); ესპანეთის დედოფალი იზაბელა (1856); მიხეილ III სერბიელი და სხვ.

„ტირანთმკვლევლობის“ იდეა განსაკუთრებით პოპულარული გახდა ბურჟუაზიული რევოლუციების ეპოქაში. მწერლები, ხელოვნები და ინტელექტუალური წრეები თითქოს მოქმედებისთვის მოუწოდებდნენ რევოლუციონერებს მრავალრიცხოვან მიტინგებზე. საფრანგეთის იმპერატორ ნაპოლეონ III-ს წინააღმდეგ დაუფარავად მოუწოდებდა ჟურნალ „ლანტერნეს“ რადიკალი რედაქტორი, ნიკო ნიკოლაძის ფრანგი მეგობარი — ანრი როშფორი. ინტელექტუალთა ერთ-ერთ კრებაზე პუბლიცისტმა ფელიქს პიამ შესვა „იმ ტყვიის“ სადღეგრძელო, რომლითაც მოკლავდნენ ნაპოლეონ III-ს. მასვე ეკუთვნოდა ცნობილი რიტორიკული კითხვა: „შეიძლება თუ არა მკვლელის მოკვლა, თუ მკვლელი იმპერატორია?“

XIX საუკუნის 70-80-იან წლებში ევროპის ქვეყნებში დაიწყო ყველაზე ორგანიზებული და სისტემური ტერორიზმის ხანა, რომელიც 1917 წლამდე გაგრძელდა. ტერორიზმის ისტორიისათვის ეს პერიოდი „კლასიკური ხანა“ იყო. ყველაზე ხშირად ტერორს ანარქისტები მიმართავდნენ. იტალიაში ანარქისტებმა წამოაყენეს ლოზუნგი „პროპაგანდა მოქმედებაში“. ისინი ხელთ იგდებდნენ პატარა ქალაქებს, ცეცხლს უკიდებდნენ მემამულეთა სახლ-კარს და ცდილობდნენ ხალხიც რევოლუციისთვის განეწყოთ. 1898 წელს ანარქისტებმა მოკლეს ავსტრიის დედოფალი ელიზაბეტა, ხოლო 1900 წელს ბრემის მსხვერპლი გახდა იტალიის მეფე უმბერტო.

ევროპაში ტერორიზმის ბუმს დიდად შეუწყო ხელი 1881 წელს ლონდონში გამართულმა ანარქისტთა კონგრესმა, რომელმაც ტერორი რევოლუციური ბრძოლის ერთ-ერთ საშუალებად გამოაცხადა.



აშშ-ის პრეზიდენტის, ჯეიმს აბრამ გარფილდის მკვლელობა



აშშ-ის პრეზიდენტის, უილიამ მაკ-კინლის მკვლელობა



რუსეთის იმპერატორი ალექსანდრე II

1882 წელს ტერორისტებმა ლიონის თეატრ „ბელკურში“ კაფე ააფეთქეს. საფრანგეთის ხელისუფლებამ ეჭვი ანარქისტებზე მიიტანა და მათი რამდენიმე ათეული თავკაცი დააპატიმრა. დაპატიმრებულთა შორის ტერორის მოწინააღმდეგეები სჭარბობდნენ: მაგალითად, რუსი პეტრე კროპოტკინი, ფრანგი კომუნარი და „მონმარტრის წითელი ქალიშვილი“ — ლუიზა მიშელი და სხვ. მათმა ქართველმა თანამებრძოლმა ვარლამ ჩერქეზიშვილმა გაუჩინარება მოასწრო და ექვსი წელი ემალებოდა ვეროპის მთავრობებს.

მკაცრმა რეპრესიებმა ანარქისტული ტერორის აღმავლობა გამოიწვია. 1892 წელს რევოლუციონერმა პარიზში სამი აფეთქება განახორციელა. 1893 წელს ვაიანმა ბურბონთა სასახლეში ისროლა ბომბი, სადაც დეპუტატთა პალატის სხდომა მიმდინარეობდა, თუმცა არავინ დაშავებულა. 1896 წელს ანარქისტმა კახერიომ საფრანგეთის პრეზიდენტი კარნო მოკლა. ალბერ კამიუს ცნობით, მარტო 1892 წელს ვეროპაში 1000-ზე მეტი ტერორისტული აქტი განხორციელდა, აშშ-ში — 500.

პარადოქსი იყო, რომ ვეროპული საზოგადოების დიდი ნაწილი ანარქისტებს თანაუგრძნობდა. მათ დითირამებს უძღვნიდა არტურ რემბო. რევოლუციის შესახებ პარიზის ქუჩებში მღეროდნენ, ხოლო პოეტი ლორან ტაიადი ვაიანის მიერ განხორციელებული ტერაქტის შემდეგ წერდა: „ღირს კი ფიქრი მსხვერპლის შესახებ, როცა ჟესტი ლამაზია?“ მოგვიანებით კი, როცა ტერორისტებმა რესტორან „ფუაიოში“ აფეთქება მოაწყვეს, იქ მყოფმა ლორან ტაიადმა ცალი თვალი დაკარგა, მაგრამ ღირდა კი დანაკარგზე ფიქრი, როცა „ჟესტი ლამაზი იყო“.

ესპანეთში ანარქისტები განუსაზღვრელი გავლენით სარგებლობდნენ, მეტიც, სახალხო შურისმძებლებად ითვლებოდნენ. ალბათ იმიტომ, რომ ტერორისტთა მსხვერპლნი იქ სისასტიკით გამორჩეული სახელმწიფო მეთაურები იყვნენ. მაგალითად, 1893 წელს მოკლეს რეაქციონერი გენერალი კამპოსა, ხოლო 1897 წელს — ქვეყნის პრემიერ-მინისტრი კანოვა. აშშ-ში ტერორისტულ აქტებს ქვეყნის ორი პრეზიდენტი შეეწირა — ჯეიმს აბრამ გარფილდი (1881 წ.) და უილიამ მაკ-კინლი (1901 წ.).

ამერიკელი პოლიტოლოგი რიჩარდ პაიპსი და არა მარტო ის, თანამედროვე ტერორიზმის უშუალო საწყისად მიიჩნევს 1879 წელს,



რუსეთის დიდი მთავრის, სერგეი ალექსანდრეს ძის ჭურვისგან დამტვრეული ეტლი

როცა რუსეთში შეიქმნა ხალხოსნური ტერორისტული ორგანიზაცია „ნაროდნაია ვოლია“. ნაროდლოვლებმა თავიანთ უმთავრეს მიზნად იმპერატორის მკვლელობა დაისახეს და ნამდვილი ნადირობა გააჩაღეს მის წინააღმდეგ. ათი უშედეგო მცდელობის შემდეგ 1881 წლის პირველ მარტს ნაროდლოვლებმა მოკლეს რუსეთის „მეფე-განმათავისუფლებელი“ — ალექსანდრე II.

ხალხოსანთა ტერორისტული შემკვიდრება XX საუკუნის დასაწყისში გააგრძელეს რუსმა ესერებმა (სოციალისტ-რევოლუციონერებმა). 1901 წელს წარმოქმნილმა რუსეთის სოციალისტ-რევოლუციონერთა პარტიამ თავისი საქმიანობის პრიორიტეტად ტერორი გამოაცხადა. ესერებმა ასობით ტერორისტული აქტი განახორციელეს. მათ მსხვერპლთა შორის იყვნენ: დიდი მთავარი სერგეი ალექსანდრეს ძე; შინაგან საქმეთა მინისტრები სიპიაგინი და პლევე; მინისტრთა საბჭოს თავმჯდომარე სტოლიპინი, გერმანიის ელჩი საბჭოთა რუსეთში — მირბახნი... ესერი ქალის —

ნაროდლოვლებმა თავიანთ უმთავრეს მიზნად იმპერატორის მკვლელობა დაისახეს და ნამდვილი ნადირობა გააჩაღეს მის წინააღმდეგ. ათი უშედეგო მცდელობის შემდეგ 1881 წლის პირველ მარტს ნაროდლოვლებმა მოკლეს რუსეთის „მეფე-განმათავისუფლებელი“ — ალექსანდრე II.

ფანი კაკლანის მსხვერპლი კი ლამის ლენინიც აღმოჩნდა.

ხშირად თვით რევოლუციური პარტიები ქმნიდნენ საიდუმლო პოლიციის საწინააღმდეგო სტრუქტურებს, რათა გაენეიტრალებინათ ამ უკანასკნელის მიერ რევოლუციონერთა მიმართ განსახორციელებელი რეპრესიები. 1890-იან წლებში დასავლეთ ევროპაში მოქმედი რუსეთის იმპერიის სპეცსამსახურები ნიკოლოზ II-ს მოახსენებდნენ, რომ ემიგრაციაში მყოფი „ცნობილი თავადების კრო-



რუსეთის იმპერიის მინისტრთა საბჭოს თავმჯდომარე პეტრე სტოლიპინი

პოტკინისა და ჩერქეზოვის (ვარლამ ჩერქეზი-იშვილის) ინიციატივით ლონდონში შეიქმნა პოლიციის საწინააღმდეგო ინტერნაციონალური ლიგა... ამჟამად ლიგის ხელმძღვანელთა შორის არიან თომას მანი, ჩაიკოვსკი, ვოლხოვსკი (რუსი ემიგრანტი-რევოლუციონერები) და მრავალი ინგლისელი სოციალისტი, ხოლო საზოგადოების თავმჯდომარედ ფიქრობენ რომელიმე გამოჩენილი ინგლისელი პოლიტიკური მოღვაწის არჩევას. ლიგას აქვს საიდუმლო განყოფილება, რომელსაც ხელმძღვანელობენ კროპოტკინი, ჩერქეზოვი, რეკლიუ და სხვა უცხოელი ანარქისტები. მათი მიზანია საიდუმლო სამსახურებთან და საიდუმლო პოლიციასთან აქტიური ბრძოლის წარმოება“.

ერთხანს რევოლუციური ტერორი რუსეთიდან საქართველოშიც აიტაცეს. აქ მოქმედ პოლიტიკურ პარტიებს: სოციალ-დემოკრატებს, სოციალისტ-ფედერალისტებს,

ესერებსა თუ ანარქისტებს საკუთარი „მებრძოლი დრუჟინები“ ჰყავდათ. რევოლუციონერები ტერორით უმასპინძლებოდნენ მეფის ადმინისტრაციის განსაკუთრებული სისასტიკით გამორჩეულ მოხელეებს. 1906 წლის იანვარში სოციალ-დემოკრატებმა მოკლეს კავკასიის რუსული ჯარების შტაბის უფროსი გენერალი გრიაზნოვი. 1908 წელს მოკლეს საქართველოს ეგზარქოსი ნიკონი, რაშიც მეფის ჟანდარმერია სოციალისტ-ფედერალისტებს სდებდა ბრალს. სოციალისტ-ფედერალისტებმა 1905 წლის ნოემბერში ევროპიდან 7 000 თოფი და დიდძალი ტყვია-წამალი შემოიტანეს საქართველოში. ქუთაისში ადგილობრივმა ტერორისტებმა უშედეგოდ სცადეს დასავლეთ საქართველოს ამკლები გენერლის ალიხანოვ-ავარსკის მოკვლა, თუმცა მეფის გენერალი მაინც ვერ ასცდა რევოლუციონერთა განაჩენს – იგი ერევანში მოკლეს სომეხმა დაშნაკებმა.

1906 წლის 4 ივლისს საქართველოში მოქმედმა ესერებმა თავდასხმა მოაწყვეს თბილისის პოლიცმაისტერ მარტინოვზე. ხელისუფლებას ეგონა, რომ ტერორისტები ქართველი სოციალისტ-ფედერალისტები იყვნენ. ტერორისტული აქტის შემდეგ კაზაკები სათაუდანაწარმო გიმნაზიის შენობაში შეცვივდნენ და მოკლეს ცნობილი პედაგოგი და სოციალისტ-ფედერალისტთა პარტიის წევრი შიო ჩიტაძე. ამის შემდეგ ესერებმა ტერაქტზე პასუხისმგებლობა საკუთარ თავზე აიღეს და ქალაქში პროკლამაცია გაავრცელეს, რომელიც სხვათა შორის იუწყებოდა: „დაე იცოდნენ ყველა უფროსებმა, რომ მათი თვითნებობა დაუსჯელი არ დარჩება, რომ რევოლუციონერთა ბოიბი დაქვევა მათ იმ დროს, როცა ამას პარტია საჭიროდ მიიჩნევს“.

1917 წელს პირველი მსოფლიო ომით გატანჯულ ევროპას რევოლუციითა ტალღამ გადაუარა. რამდენიმე მონარქია დაემხო. როგორც გალაკტიონი იტყოდა „ტახტებს მოსცილდნენ ვიღველმე, კარლოს, / ნიკოლოზი და ფერდინანდი“. ასეა თუ ისე, XIX საუკუნისა და XX საუკუნის დასაწყისის პერიოდის ტერორიზმი რევოლუციური მოძრაობის ნაწილს წარმოადგენდა და სოციალურ-პოლიტიკური უსამართლობით იყო განპირობებული. ამიტომ დაჰკრავდა ამ ეპოქის ტერორიზმს რომანტიკული ელფერი.


(გარბელება შემდეგ ნომერში)

ბეზა ხუნია: უძველესი ხელნაწიხი ჩამა თაობა პიხვანდ სხუნდნსოზისას ნასა...



„ჩენი საზოგადოება უკვე გამოდის იმ სტერეოტიპის ტყვეობიდან, რომ მუზეუმი მოსაწყენი დაწესებულებაა, სადაც ექსპონატები ათეულობით წლების განმავლობაში ერთ ადგილას დევს“.

მდიდრულად ილუსტრირებული უნიკალური ხელნაწერები, ძველნაბეჭდი და რარიტეტული გამოცემები, მემორიალური ნივთები, ქართველ მწერალთა და საზოგადო მოღვაწეთა პირადი არქივები, საქართველოსა და საზღვარგარეთის სიძველეთსაცავებსა და კერძო კოლექციებში დაცულ ქართულ და უცხოენოვან ხელნაწერთა და ისტორიულ დოკუმენტთა ფოტოასლები და მიკროფირები — ეს ყველაფერი და ქართული კულტურისა თუ ისტორიის უმნიშვნელოვანესი სხვა არაერთი საგანძური ხელნაწერთა ეროვნულ ცენტრშია დაცული.



უძველესი ხელნაწერი წიგნებისა და ისტორიული საბუთების საცავი 1958 წლის 30 ივნისს პროფესორ ილია აბულაძის ინიციატივით დაარსდა. აქ დაცული უნიკალური კოლექცია მრავალ სფეროს მოიცავს — ისტორიას, გეოგრაფიას, მოგზაურობას, სამართალს, ლექსიკონებს, სამკურნალო წიგნებს, მხატვრულ ლიტერატურას, ბიბლიურ ტექსტებს, პაეოგრაფიას, საეკლესიო სამართალს, ფილოსოფიას, ასტროლოგიას, მათემატიკას, სამხედრო საქმეს და სხვ.



საქართველოს მომავალი კათოლიკოს-პატრიარქი ილია II და ხელნაწერთა ინსტიტუტის დირექტორი ელენე მეტრეველი 1974 წ.

აქვე ინახება ათონის ივერთა მონასტრის, სინას მთის წმინდა ეკატერინეს მონასტრისა და იერუსალიმის ბერძნული საპატრიარქოს ქართულ ხელნაწერთა ფოტოპირები, პირველი ქართული ნაბეჭდი წიგნი „ქართულიტალიური ლექსიკონი“ (1629), ვახტანგ VI-ს სტამბაში დაბეჭდილი სახარება (1709) და შოთა რუსთაველის „ვეფხისტყაოსნის“ პირველი გამოცემა (1712).

ვესაუბრებით ხელნაწერთა ეროვნული ცენტრის დირექტორს, ისტორიის დოქტორს, პროფესორ **ბეზა კუდაშას**:

— იცვლება დრო და იცვლება მოთხოვნებიც. ოთხი წლის წინ ქვეყანაში სამეცნიერო დაწესებულებათა რეორგანიზაცია დაიწყო. რეფორმის მნიშვნელოვანი დაფინანსება სჭირდებოდა, რუსურსი კი საკმარისი არ იყო. რეფორმის ნაწილი იყო შტატების შემცირებაც. ბევრგან შტატები შეიძლება მართლაც ხელოვნურად იყო გაზრდილი, მაგრამ ჩვენთან ასეთი ვითარება ნამდვილად არ გახლდათ და დამატებითი ზომების მიღება მოგვიხდა გამოცდილი კადრების მაქსიმალურად შესანარჩუნებლად. შემოვიღეთ აკადემიური სტიპენდია, რომელიც გაცილებით აღმატებოდა თანამშრომელთა ხელფასს. პრობლემა გახლდათ ის, რომ თანამშრომელთა უმეტესობა საპენსიო ასაკს, 60-65 წელს ზემოთ გახლ-

დათ. რეორგანიზაციის შედეგად მეტ-ნაკლებად შეუძელით და აღვადგინეთ ბალანსი თაობათა შორის, თუმცა არა ძველი, კვალიფიციური თანამშრომლების ხარჯზე. ეს საუკეთესო საშუალებაა ახალი თაობის აღსაზრდელად. ახალგაზრდამ უნივერსიტეტში რაც უნდა ღრმა განათლება მიიღოს, პრაქტიკული გამოცდილება მაინც სულ სხვაა.

გადავწყვიტეთ, მეტი ყურადღება დავუთმობთ საგამოფენო საქმეს, რესტავრაცია-კონსერვაციას, წყაროთმცოდნეობას და სხვ. პოსტსაბჭოთა პერიოდში ამ მიმართულებით თითქმის არაფერი კეთდებოდა. ნაკლები ყურადღება ექცეოდა საზოგადოებასთან ურთიერთობას. უნიკალურ საგანძურს რომ ვიცავთ, ეს თავისთავად კარგია, ხელნაწერთა ეროვნული ცენტრი სწორედ ამისთვის შეიქმნა, მაგრამ არანაკლებ მნიშვნელოვანია ამ ყველაფრის საზოგადოებამდე მიტანა. მით უფრო, რომ დღითი დღე იზრდება ინტერესი უძველესი ხელნაწერებისადმი.

— **საცავში განთავსებული უნიკალური ექსპონატების უმეტესობა საბჭოთა პერიოდში საზოგადოებისთვის მიუწვდომელი იყო...**

— ამ სახის დაწესებულებები მართლაც მაქსიმალურად ჩაკეტილი იყო. ეს სტერეოტიპი ჩვენი საზოგადოების ნაწილში, მათ შორის სამეცნიეროშიც, დღესაც არსებობს. ბევრი

ფიქრობს, რომ კოლექციაზე ზრუნვა მის მაქსიმალურ ხელშეუხებლობასა და ჩაკეტილობას ნიშნავს, რაც არ არის მართებული. თუმცა კი საბჭოთა პერიოდის ამგვარ „ჩაკეტილობას“ დადებითი ასპექტიც ჰქონდა და ბევრი რამ ამის წყალობით გადარჩა. რთული პერიოდი იყო, საკუთარი თავის პატრონი შენ არ იყავი და რა ბედი ელოდა შენს კოლექციას, კაცმა არ იცოდა.

დღეს კი ჩვენი საზოგადოება უკვე გამოდის იმ სტერეოტიპის ტყვეობიდან, რომ მუხეუმი მოსაწყენი დაწესებულებაა, სადაც ექსპონატები ათეულობით წლების განმავლობაში ერთ ადგილას დევს და არაფერი იცვლება.

ხელნაწერი ჩემმა თაობამ, მათ შორის მეც, პირველად, სამწუხაროდ, სტუდენტობისას ნახა. არადა, ამგვარ ფასეულობებს გაცილებით ადრე, სკოლაში სწავლისას უნდა ეცნობოდნენ. როცა ქართულ ჰაგიოგრაფიასა და „ვეფხისტყაოსანს“ სწავლობ, მაგრამ თვალთ არ გინახავს და წარმოდგენა არა გაქვს, როგორ გამოიყურება ხელნაწერები, რომელთაც ეს ძეგლები ჩვენამდე მოიტანა, მაშინ შენი განათლება ვერ იქნება სრულყოფილი...

— რა ტიპის მასალები და კოლექციები დაცული ეროვნულ ცენტრში?


— ეს გახლავთ ხელნაწერი წიგნები, ისტორიული მასალები, პირადი არქივები, განსაკუთრებული მნიშვნელობის გამოცემები... ასევე ჩვენთვის საინტერესო იმ მასალების ასლები, რომელთა ორიგინალები მსოფლიოს სხვადასხვა ქვეყანაშია დაცული.

რაც შეეხება წიგნებს, ჩვენთან დაახლოებით ათი ათასამდე ქართული, ხოლო ხუთი ათასამდე უცხოური ხელნაწერია. ასევე დაცულია ორმოცი ათასამდე ქართული და ხუთი ათასამდე უცხოური ისტორიული დოკუმენტი, ორასამდე მოღვაწის პირადი არქივი სრულად ან ნაწილობრივ.

შეიძლება ითქვას, რომ ქვეყნის მწიგნობრული მემკვიდრეობის დაახლოებით 90 პროცენტი ჩვენს ცენტრშია თავმოყრილი. დანარჩენი კი საქართველოს სხვადასხვა რეგიონში ან უცხოეთშია, მათ შორის სამონასტრო ცენტრებში, მცირე ნაწილი ბიბლიოთეკებშია გაბნეული.

— რა პერიოდს მოიცავს ისტორიული დოკუმენტები?

— ძირითადად V-XIX საუკუნეებს. ჩვენთან ინახება ილია ჭავჭავაძის, აკაკი წერეთლის, ვაჟა-ფშაველას, ივანე ჯავახიშვილის, იაკობ გოგებაშვილისა და სხვათა არქივები. ჩვენი ცენტრი ხომ იმისთვის არსებობს, რათა მაქსიმალურად დაიცვას, მოუაროს და შეისწავლოს ეს კოლექციები.



ილია აბულაძე და ელენე მაჭავარიანი

მალურად დაიცვას, მოუაროს და შეისწავლოს ეს კოლექციები.

— რამდენად რთული და შრომატევადია ამ კოლექციების მოვლა?

— ეს დაუსრულებელი და ამოუწურავი პროცესია. სიძველეთა საცავში ვერასოდეს იტყვი, რომ უკვე ყველაფერი გაკეთდა. თითოეული ექსპონატის მოვლა-პატრონობა საკმაოდ ძვირად ღირებული სამუშაოა. ამასთან, დროის სვლასთან ერთად ყველაფერს სჭირდება განახლება. თუმცა შეიძლება ითქვას, რომ ჩვენს დაწესებულებას არასოდეს ჰქონდა მისი სახელმწიფოებრივი მნიშვნელობის ადეკვატური ბიუჯეტი...

— ალბათ არც ისე იაფი ჯდება ამა თუ იმ ექსპონატის რესტავრაცია?

— ზოგიერთ სარესტავრაციო პროექტს შეიძლება ასეულ ათასობით ლარიც დასჭირდეს. ამდენად, ბუნებრივია, დახმარება გეჭირდება. ამ მიზნით უძველეს ქართულ ხელნაწერთა ბედი დაინტერესებული ბიზნესისა და კულტურის სფეროს წარმომადგენლები, ასევე პოლიტიკოსები აპირებენ ხელნაწერთა ეროვნული ცენტრის მეგობართა საზოგადოების დაფუძნებას.

— როგორ მიმდინარეობს საცავების შევსება ექსპონატებით?

— ჩვენთან დაცული მასალები სამ ძირითად



ბერძნული XII საუკუნის ოქროს გარეკანი.
ბეშქენ ოპიზარის ოქრომჭედლობა

კოლექციას ეფუძნება: წერა-კითხვის გამავრცელებელი საზოგადოების, საეკლესიო მუზეუმისა და საისტორიო-საეთნოგრაფიო საზოგადოებისა. ჩვენი კოლექციების შექმნის ისტორიას თუ თვალს გადავუვლებთ, აღმოვაჩინებთ, რომ ხელნაწერები, ძირითადად, შემოწირულობათა ხარჯზეა შეგროვებული. რა თქმა უნდა, იყო შემთხვევები, როდესაც ყიდულობდნენ ამ სიძველეებს, მაგრამ ყველაფერს ვერ გასწვდები. მადლობა ღმერთს, ბევრი ჩვენი თანამემამულე უსასყიდლოდ გადმოგვცემს პირად, საოჯახო რელიკვიას ან თავიანთი შექმნილს.

ჩვენთან ხშირად მოაქვთ შესაძენად ხელნაწერები, ისტორიული დოკუმენტები თუ საარქივო მასალა. ერთ ასეთ შემთხვევას გავიხსენებ: სომხეთის ერთ-ერთმა მოქალაქემ თამარის ეპოქის ხელნაწერი შემოგვტოვაზა, შეიძინეთო. ძნელი არ იყო იმის მიხედვრა, რომ ეს ხელნაწერი თამარის ეპოქისა ვერ იქნებოდა. მაგრამ მაინც დავინტერესდით და ნიმუშის სახით რამდენიმე გვერდის ასლის გამოგზავნა ვთხოვეთ. მათი გაცნობის შემდეგ აღმოჩნდა, რომ საქმე გვექონდა XVIII საუკუნის ასტრონომიულ-ასტროლოგიური ხასიათის ხელნაწერთან. რეალურ ღირებულებაზე მეტი თანხა შევთავაზეთ (თუმცა ეს თანხაც უნდა მოგვეძიებინა), მაგრამ ხელნაწერის მფლობელი მთელი ორი წელი აღარ გამოჩენილა. მერე კი გვითხრა, რომ ჩვენს შეთავაზებულ თანხაზე თანხმა იყო. თავიდან დავიწყეთ სპონსორის ძებნა. ერთ-ერთ ჩვენს გულშემატკივარს ამ თანხის დაფარვა მხოლოდ ნაწილ-ნაწილ შეეძლო. მშველელად მისივე მეგობარი მოგვევლინა. მათ არა მხოლოდ შეისყიდეს ეს ხელნაწერი, სომხეთიდან მის ჩამოტანაზეც თავად იზრუნეს...

იყო ასეთი შემთხვევაც, როცა ეროვნული ცენტრის დაარსების დღეს, 30 ივნისს, შემოწირულობათა ოფიციალურად გადმოცემის ცერემონიალს ვაწყობდით. ღონისძიებაზე დასასწრებად მოდიოდა ჩვენი კოლეგა ლუარსაბ ტოგონიძე, რომელმაც არაერთი სიძველე შემოგვწირა იმ წელს, მაგრამ გული ეთანადრებოდა, ხელცარიელი ხომ არ ჩამოვლო და ხელს კიდევ ერთი უძველესი ხელნაწერი „გამოაყოლა“. ამის შესახებ უთხრა კოლეგას, რამაზ ობოლაძეს, რომელმაც ასევე არ დაულოტოლი და XVIII საუკუნის ქართული მინიატიურა შემოგვწირა. ამით იმის თქმაც მიიღია, რომ სიკეთე ხშირად გადამდებია. მიიღია გითხრათ, რომ კერძო კოლექციებსა და მფლო-



ფსალმუნი
(XIII-XV სს.)

ბელობებში არსებული სიძველეები უმეტესწილად მაინც იფანტება, იბნევა და იკარგება, ვერც სათანადოდ უვლიან... მათი საბოლოო ადგილი ჩვენი ეროვნული ცენტრის ტიპის დაწესებულებებშია. ასე რომ, რაც მალე გადაწყვეტენ ასეთი სიძველეების შემოწირვას, მით უკეთესი იქნება ქვეყნისთვის.

— ახლაც მოაქვთ სიძველეები უსასყიდოდ?

— ასეთი შემთხვევა არცთუ იშვიათია. სამწუხაროდ, ჩვენი ბიუჯეტი დიდი არ არის და ამიტომ ხშირად დახმარებისთვის სხვადასხვა ორგანიზაციას მივმართავთ. ამას, რა თქმა უნდა, დრო მიაქვს და ზოგჯერ დონორის მოძებნა გვიჭირს. მაგრამ ხშირად, მადლობა ღმერთს, გამოჩნდებიან ქველმოქმედნი, რომელნიც შეისყიდიან ხოლმე ამ სიძველეებს და შემდეგ შემოწირულობის სახით გადმოგვცემენ. ჩვენი პრინციპი ასეთია, თუკი ფასი, რომელსაც ითხოვენ, სიძველის ღირებულების შესაბამისია, მაქსიმალურად ვცდილობთ, ის ნივთი აუცილებლად ჩვენს კოლექციაში მოხვდეს, რადგან ხელნაწერი თავისთავად უნიკალური და განუმეორებელია. განსხვავებით ბეჭდური გამოცემისგან, რომელიც რარიტეტულიც რომ იყოს, მისი ათი-ოცი ვგზემპლარი მაინც არსებობს. ზოგიერთი კი ასეულობით და ხელიდან თუ გაუშვებ, გული ისე არ დაგწყდება, რადგან სხვა დროსაც მოგვეცემა მისი შესყიდვის შესაძლებლობა.

ნინო ჯაფარიძე

მონანილობდა თუ არა სტალინი თბილისში გახმაურებულ ექსპროპრიაციაში?



ინტერნეტსაიტებზე, უცხოელ ავტორთა ძველ თუ ახალშექმნილ წიგნებში სტალინიზე, უმნიშვნელოვანეს და სკანდალურ ამბავთა შორის ლამის პირველ ადგილზეა ბესო ჯულაშვილის ახალგაზრდობის წლების „ცოდვა“ — ექსპროპრიაციად მონათლული ბანკის გაძარცვა თბილისში. ამ „ტერორისტულ აქტს“ ისე შთაბეჭდავად აღწერენ, რომ ძნელია არ ერწმუნო მაგანთა მტკიცებას. 1907 წლის 13 ივნისს, დილის 10 საათსა და 30 წუთზე თბილისის მაშინდელ მთავარ, ერევანის მოედანზე ბომბების აფეთქებამ მთელი ქალაქი შეაზანზარა. ხმა გაგარდა, რომ თანხის გადატანისას თავს დაესხნენ ფულით დატვირთულ თბილისის ბანკის ეტლს და თვალის დახამხამებაში გაძარცვეს! კარგად ორგანიზებულ მძარცველთა ბანდას კი ბესო ჯულაშვილი ხელმძღვანელობდაო... მეტიც, იმ გოგონების ვინაობასაც ასახელებენ, სტალინს რომ „გვერდით ედგნენ“ ტერაქტისას... ამ ტერაქტს თავის დროზე ფრანგული „ლე ტემპიც“ გამოეხმაურა და ინგლისური „დეილი მირორიც“...

კიდევ ერთხელ ვუბრუნდებით გასული საუკუნის დასაწყისში თბილისში განხორციელებული ტერაქტად შერაცხული ბანკის ძარცვის თემას და გვინდა მკითხველს შეეთავზოთ ჩვენეული ვერსია.

მოგესვენებათ, ექსპროპრიაცია ერთი კლასის მიერ მეორისთვის საკუთრებისა და, ამასთან ერთად, სოციალური მდგომარეობის ჩამორთმევას ნიშნავს. ექსპროპრიაციად მონათლა თბილისში გასული საუკუნის დასაწყისში მომხდარი ტერორისტული აქტი, რომელსაც სტალინს მიაწერენ. ეს ის პერიოდი, როდესაც ნოე ჟორდანიამ რუსეთის სოციალ-დემოკრატიულ ელიტაში მდგომარეობა განიმტკიცა. დამარცხებული იოსებ ჯულაშვილი ყრილობის მუშაობის დამთავრების შემდეგ (1907 წლის 19 მაისი) თბილისში დაბრუნდა. თბილისში მას აღარ ედგომებოდა და მალე ბაქოში გადავიდა. 1907 წლის 20 ივნისს ბაქოში გამომაგალი არალეგალური გაზეთის „ბაკინსკი პროლეტარის“ პირველ ნომერში დაიბეჭდა იოსებ ჯულაშვილის წერილი „სათათბიროს გარეკვა და პროლეტარიატის ამოცანები“. წერილი 1907 წლის 3 ივნისს იმპერატორ ნიკოლოზ II-ის მიერ რუსეთის მეორე სახელმწიფოს დათხოვნას ეძღვნებოდა. გაზეთის იმავე ნომერში დაიწყო და მეორე ნომერში (გამოვიდა 1907 წლის 10 ივლისს) დასრულდა იოსებ ჯულაშვილის ვრცელი წერ-

ილის ბეჭდვა „რუსეთის სოციალ-დემოკრატიული მუშათა პარტიის ლონდონის ყრილობა (დღევანდის წერილები)“.

...მანამდე კი თბილისში მოხდა ამბავი, რომელსაც დიდი რეზონანსი მოჰყვა რუსეთის იმპერიასა და მთელ მსოფლიოში.

1907 წლის 13 ივნისს თბილისში ერევანსკის (დღევანდელი თავისუფლების) მოედნიდან ტერორისტებმა გაიტაცეს რუსეთის იმპერიის ხაზინის კუთვნილი ფული — 250 ათასი მანეთი (ფულის ნიშნები და ბანკის საკრედიტო ბარათები). საყოველთაოდ გაურცელებული შეხედულების მიხედვით, ერევანსკის მოედანზე ექსპროპრიაცია განახორციელეს სოციალ-დემოკრატებმა (რსდმპ თბილისის კომიტეტმა). ოპერაციის საერთო ხელმძღვანელი იყო იოსებ ჯუღაშვილი, ხოლო უშუალო შემსრულებელი სიმონ ტერპეტროსიანი (კამო).

საარქივო მასალების შესწავლის შედეგად კი დადგინდა, რომ იოსებ ჯუღაშვილს 1907 წლის 13 ივნისს თბილისში განხორციელებულ ექსპროპრიაციასთან არავითარი კავშირი არ ჰქონია, მეტიც, ერევანსკის მოედნიდან ფული გაიტაცეს არა სოციალ-დემოკრატებმა, არამედ სოციალისტ-რევოლუციონერებმა (ესერებმა). ოპერაციას ხელმძღვანელობდნენ ესერთა პარტიის წევრები: 1) სარქის ალექსანდრეს ძე ოთაროვი — მეშხანი, 48 წლის, სომხურ-გრიგორიანული აღმსარებლობისა, ამიერკავკასიის ოლქის სადაზღვევო საზოგადოების აგენტი, მცხოვრები თბილისში, მალაკნების ქუჩაზე, №50 სახლში; 2) ვასილ ვასილის ძე პილევციკი — მემამულე, 22 წლის, ამ-

იერკავკასიის რკინიგზაზე ფოსტის გადაზიდვის მერვე განყოფილების თანამშრომელი, მცხოვრები თბილისში, სადგურის ქუჩაზე, №12 სახლში.

უფრო დაწვრილებით, საარქივო მასალების მიხედვით, საქმის ვითარება შემდეგნაირად წარმოგვიდგება.

ერევანსკის მოედნიდან გატაცებული ფულის საქმის ძიების პროცესში 1907 წლის 13 ივნისიდან 9 ნოემბრამდე ძიებას ეჭვიც კი არ აღძვრია ექსპროპრიაციაში სიმონ ტერპეტროსიანის (კამოს) მონაწილეობის თაობაზე. კამოს შესახებ ძიების მასალებში ცნობები ჩნდება 1907 წლის 9 ნოემბრიდან, მას შემდეგ, რაც იგი ბერლინში დააპატიმრეს. გერმანიის პოლიციამ კამოს ორი ბრალდება წაუყენა: ავსტრია-უნგრეთის მოქალაქის დიმიტრი მირსკის პასპორტით ცხოვრება (ეს პასპორტი კამომ თბილისში აბანოში მოპარა ავსტრია-უნგრეთის დიპლომატს დიმიტრი მირსკის) და ასაფეთქებელი ნივთიერების შენახვა. რაც შეეხება ერევანსკის მოედნიდან ფულის გატაცებას — კამოსთვის ეს ბრალდება არ წაუყენებიათ. 1908 წლის მარტში, ერევანსკის მოედანზე განხორციელებული ექსპროპრიაციიდან ცხრა თვის შემდეგ, ქუთაისის ციხეში მყოფმა პატიმარმა — ტერორისტმა არსენ ქარსიმე ქუთაისის დროებით გენერალ-გუბერნატორს წერილობით აცნობა, რომ ერევანსკის მოედნიდან ფული გაიტაცა სიმონ ტერპეტროსიანმა, იმავე კამომ. ძიებამ არსენ ქარსიმის ჩვენება მაშინვე სიმართლედ მიიღო და 1908 წლის 20 მარტისათვის კამოს მონაწილეობა ექსპროპრიაციაში დამტკიცე-




ლევ ტროცკი



სტალინი



კამო



ეს ფოტოები სტალინს რუსეთის პოლიციამ დააპატიმრებისას გადაუღო...

ბულად მიიჩნია. ამავე დროს კამო ოპერაციის ხელმძღვანელადაც მიიჩნიეს. საიდან უნდა სცოდნოდა არსენ ქარსიძეს ერევანსკის მოედანზე განხორციელებულ ექსპროპრიაციაში კამოს მონაწილეობის შესახებ? საარქივო მასალების შესწავლამ დაგვარწმუნა იმაში, რომ არსენ ქარსიძე ან პროვოკატორი იყო, ან უბრალოდ რაღაცას ურევდა. თავის ჩვენებაში არსენ ქარსიძე აღნიშნავდა, რომ კამო გენერალ ალიხან-აგარსკის მკვლელობაში მონაწილეობდაო. ცნობილია, რომ კამოს ამ მკვლელობასთან არავითარი კავშირი არ ჰქონია.

ძიების მასალებში თბილისში, ერევანსკის მოედანზე, განხორციელებულ ექსპროპრიაციასთან დაკავშირებით იოსებ ჯუღაშვილის

ხსენებაც კი არ არის — მასზე ეჭვიც არავის მიუტანია.

სოციალ-დემოკრატების (ბოლშევიკების) დაკავშირება 1907 წლის 13 ივნისს თბილისში ერევანსკის მოედანზე განხორციელებულ ექსპროპრიაციასთან შემდეგ ვითარებაში მოხდა: 1908 წელს ვლადიმერ ლენინის უახლოესი თანამებრძოლი მეერ ვალახი (იგივე მაქსიმ ლიტვინოვი, შემდეგში საბჭოთა კავშირის საგარეო საქმეთა სახალხო კომისარი) შვეიცარიაში დააპატიმრეს თბილისიდან გატაცებული ბანკის საკრედიტო ბარათების გადახურდავებისას. ეს ფაქტი გახმაურდა მთელ ევროპაში. მაინც, ვინ გაიტაცა ფული? — ამ კითხვას პასუხი თავისთავად გაეცა, რადგან გატაცებული ფული ბოლშევიკების ლიდერ ვლადიმერ ლენინთან აღმოჩნდა. ეს შეხედულება კიდევ უფრო განმტკიცდა მას შემდეგ, რაც თბილისიდან გატაცებული ბანკის საკრედიტო ბარათების გადახურდავებისას კვლავ დააპატიმრეს ვლადიმერ ლენინთან დაახლოებული პირები: ნიკოლაი სემაშო (შემდეგში საბჭოთა რუსეთის ჯანმრთელობის დაცვის სახალხო კომისარი), სარა რაჰიზი (ბოლშევიკ გრიგოლ ზინოვიევის მეუღლე) და სხვები, თუმცა ძიებას 1912 წელსაც კი არ ჰქონდა იმისი დამამტკიცებელი მასალა, რომ ექსპროპრიაცია თბილისში სოციალ-დემოკრატებმა — იოსებ ჯუ-

ლაშვილმა და სიმონ ტერ-პეტროსიანმა — განახორციელეს.

1907 წლის 13 ივნისს თბილისში განხორციელებულ ექსპროპრიაციასთან კამოს არავითარი საერთო არ ჰქონია, თუმცა გატაცებულ ფულთან მას კავშირი მართლაც ჰქონდა. ესერებმა ერევანსკის მოედნიდან გატაცებული ფული ქალაქიდან ვერ გაიტანეს და ავლაბარში გადამაღეს. ჟანდარმერიამ ფულის ადგილსამყოფელი იცოდა, მაგრამ სისხლის ღვრის თავიდან აცილების მიზნით, ტერორისტებს თავს არ ესხმოდა. სამაგიეროდ, თბილისიდან გამავალი ყველა გზა შეკრული იყო, ავლაბარიც ალყაში იყო მოქცეული. რამდენიმე დღის ლოდინის შემდეგ ესერები მიხვდნენ, რომ ფულს ქალაქიდან ვერ გაიტანდნენ და დახმარებისათვის ყველაზე შესაფერის კაცს — კამოს მიმართეს. თუმცა საარქივო მასალებიდან არა ჩანს, მაგრამ გამორიცხული არ არის, რომ კამომ საქმის კურსში ჩააყენა იოსებ ჯუღაშვილი, რომელიც იმხანად ბაქოდან თბილისში დაბრუნდა.

პრიაციაში იოსებ ჯუღაშვილს მონაწილეობა არ მიუღია...

იოსებ ჯუღაშვილს თბილისში განხორციელებული ექსპროპრიაცია მოგვიანებით, 1918 წელს, გაუსხენა ლევ ტროცკიმ (ბრონშტეინმა). მან იოსებ ჯუღაშვილს საჯაროდ დასდო ბრალი ტერორისტებთან კავშირში. ვლადიმერ ლენინმა საქმე განსახილველად პარტიულ სასამართლოს გადასცა. ბოლშევიკური პარტიისა და საბჭოთა რუსეთის ლიდერმა თავი დაიხდვია და ობიექტურობის დაცვის მიზნით პარტიული სასამართლოს თავმჯდომარედ იმხანად ემიგრაციიდან დაბრუნებული მენშევიზმის ერთ-ერთი აღიარებული ლიდერი იული მარტოვი (ცედერბაუმი) დაასახელა. იული მარტოვის სასამართლოს თავმჯდომარედ დანიშვნას კმაყოფილებით შეხვდა ლევ ტროცკი. პარტიულმა სასამართლომ გულმოდგინედ იმუშავა, მოუსმინა ლევ ტროცკისა და იოსებ ჯუღაშვილსაც. განაჩენი ასეთი იყო: იოსებ ჯუღაშვილს 1907 წლის 13 ივნისს თბილისში განხორციელებულ



სტალინი, ლენინი და კალინინი

კამომ თბილისიდან საზღვარგარეთ ფულის გატანის ოპერაცია უნაკლოდ განახორციელა, მაგრამ ესერები მოატყუა და ფული ვლადიმერ ლენინს მიუტანა. ცხადია, დამოუკიდებლად კამო ასეთ ნაბიჯს არ გადადგამდა, მას ვიღაც მართავდა. ვისი დაჯალბებით მოქმედებდა კამო, საარქივო მასალებიდან არც ეს დგინდება.

ამრიგად, აღნიშნული მასალების მიხედვით, 1907 წლის 13 ივნისს თბილისში, ერევანსკის მოედანზე განხორციელებულ ექსპრო-

ექსპროპრიაციასთან კავშირი არ ჰქონია! მიუხედავად ზემოთ აღნიშნულისა, 1907 წელს თბილისში განხორციელებულ ექსპროპრიაციას დღემდე იოსებ ჯუღაშვილს მიაწერენ. მემუარული ლიტერატურიდან, პუბლიცისტიკიდან და ისტორიოგრაფიიდან ამ თემამ მხატვრულ ფილმსა და ლიტერატურაში გადაინაცვლა. დაინტერესებულ პირთა ერთი ნაწილისათვის ის სიმართლეა, მეორე ნაწილისთვის — სიცრუე...

პირველი საფოსტო



ბევრმა როდი იცის, რომ მსოფლიოში ერთ-ერთი უიშვიათესი და ძვირად ღირებული საფოსტო მარკა „ტფილისის უნიკა“ (Тифлисская уника), რომელიც 1857 წელს დაიბეჭდა თბილისში, მცირე ტირაჟით. საქართველო მაშინ რუსეთის იმპერიაში შედიოდა და შესაბამისად „ტფილისის უნიკამ“ რუსეთის პირველი საფოსტო მარკის „სტატუსი“ შეიძინა. ამჟამად აღადგინდა ეს მარკა პირველია მსოფლიოში, რომელიც წნებით დაიბეჭდა და რელიეფური გამოსახულება აქვს. სწორედ „ტფილისის უნიკით“ იწყება საქართველოს საფოსტო მარკების ისტორია.


1856 წელს რუსეთის იმპერატორმა ალექსანდრე II-მ (1855-1881 წწ.) კავკასიის მეფისნაცვლად თავადი ალექსანდრე ბარიატინსკი (1856-1862 წწ.) დანიშნა. მის მიერ გატარებულ მნიშვნელოვან რეფორმათა შორის უპირველესი თბილისში დედაქალაქისთვის შესაფერისი ფოსტის დაარსება იყო. მომდევნო წლის 20 ივნისს, კავკასიის ოლქის ფოსტის მმართველის ნიკოლოზ კახანოვის ინიციატივით იბეჭდება საფოსტო მარკა „ტფილისის უნიკა“.

მეფისნაცვალმა თბილისში ცხოვრობდა, ზაფხულს კოჯორის აგარაკზე ატარებდა და სწორედ ამის გამო პირველი მარკა თბილისსა და კოჯორს შორის საფოსტო გზაზე დაიდგინა. თბილისში, ადგილობრივი საფოსტო გზაზე დაიდგინა ერთი მარკა იყო საკმარისი, კოჯორში გასაგზავნად — სამი.

მარკის აღწერილობა:

ნომინალი – 6 კაპიკი
ფორმა – კვადრატული
ბეჭდვა – მოყვითალო, თეთრ ქაღალდზე უფერო რელიეფური.
გამოსახულება – ტფილისის გუბერნიის გერბი, გერბის თავზე რუსეთის იმპერიის **სიმბოლო** — ორთავიანი არწივი.
წარწერები – მარკის ოთხივე მხარეს რუსულ ენაზე: «ТИФЛИС:», «ГОРОДС:», «ПОЧТА», «6 КОП:».

ზურგი – უკანა მხარე დაფარულია წებოს სქელი ფენით.



მახტა



თბილისის საქალაქო ფოსტა

„ტფილისის უნიკა“ რამდენიმე თვის შემდეგ, 1858 წლის პირველ მარტს რუსული მარკებით ჩაანაცვლეს. რუსეთის იმპერიას, რა თქმა უნდა, არ მოსწონდა ტფილისის პირველობა, ამიტომაც გადაწყდა, მარკებიც გაენადგურებინათ. მიუხედავად იმისა, რომ ეს მარკები მხოლოდ ტფილისის გუბერნიაში მოქმედებდა, მოიგონეს ვერსია, თითქოს სწორედ ამ მარკადაკრულმა კონვერტებმა შეუწყო ხელი იმ ზაფხულს თბილისში ეპიდემიის გავრცელებას. ამიტომ მარკის მთლიანი ტირაჟი დაწვეს.



ტფილისის კერბი

რადგან პირველი რუსული მარკის გამოცემის თარიღად 1857 წლის 10 დეკემბერი მიიჩნეოდა, კარგა ხანს „ირწმუნებოდნენ“, რომ „ტფილისის უნიკა“ 1857 წლის დეკემბრის ბოლოს გამოიცა. მეტიც, რუსული ფოსტის ისტორიის მკვლევარები ხშირად საერთოდ გვერდს უვლიან ამ მარკას.

დღეისათვის „ტფილისის უნიკის“ სულ სამი ეგზემპლარია შემონახული. ამ მარკებმა რამდენიმე კოლექციონერი გამოიცვალა. სამივე სუფთა, ანუ გამოუყენებელი ეგზემპლარია. XX საუკუნის დასაწყისში სამივე მარკამ ცნობილი ფილატელისტის აგაფონ ფაბერჟეს კოლექციაში მოიყარა თავი. ფაბერჟემ მარკები 1928 წელს ჰელსინგფორში (ფინეთი), ხოლო 1933 წელს ვენაში (ავსტრია), მის მიერვე მოწყობილ სენსაციურ გამოფენებზე წარმოადგინა.

1936 წელს „ტფილისის უნიკა“ ევროპის წამყვანი მარკების კატალოგში შევიდა. შემდგომ მრავალი კოლექცია მოიარა, მოგვიანებით ორი ეგზემპლარი შვეიცარიაში მცხოვრები ფილატელისტის ზბიგნევი მიკულსკის კოლექციაში მოხვდა. მარკები მიკულსკიმ 1997 წელს გამოფინა, ხოლო 2000 წელს აუქციონზე გამოიტანა, საწყის ფასად 500.000 ამერიკული დოლარი დასახელდა. ახალი მფლობელი ანონიმური დარჩა. მესამე, შედარებით შელახული ეგზემპლარი ლუქსემბურგელი ფილატელისტის ბელინჟერის კოლექციაში ინახება.

არსებობს XIX საუკუნეში დაშხადებული რამდენიმე ასლი, რომლებიც ერთმანეთისგანაც განსხვავდებიან და ორიგინალისგანაც.

ერთ-ერთი ყველაზე ცნობილია პარიზის ასლი, რომელიც 1870-1880 წლებში დაიბეჭდა. როგორც ჩანს, „ტფილისის უნიკა“ მისი ასლის დამაშხადებლისთვისაც კი მიუწვდომელი იყო.

1997 წელს „საქართველოს ფოსტამ“ „ტფილისის უნიკის“ 140 წლის იუბილეს მიუძღვნა ახალი „ტფილისის საქალაქო ფოსტის მარკა“. მარკაზე მცხეთის პეიზაჟის ფონზე „ტფილისის უნიკის“ გამოსახულებაა ჩასმული.

„ტფილისის უნიკა“ მსოფლიოს 40 იშვიათ და 10 უძვირფასეს საფოსტო მარკების რიცხვში შედის. შესაბამისად, „ტფილისის უნიკა“ დღეს მსოფლიოს ყველა ფილატელისტისთვის ცნობილი მარკაა. იგი ყველა კატალოგშია მოხსენიებული, როგორც მსოფლიოში იშვიათი და ძვირად ღირებული საფოსტო მარკა. ■

თბილისის ხედი
ტურნეფორის ნახატი,
1701 წელი



ქართული თეატრის სათავეებთან

შუა საუკუნეების განმავლობაში თეატრის მაგიერობას ჩვენში სხვადასხვაგვარი საჯარო-გასართობი ეწეოდა. მათგან ყველაზე პოპულარული ყოფილა მუშიათობა — თანამედროვე საცირკო სანახაობის მსგავსი, აგრეთვე ბურთაობა და ყაბახობა, რაც უფრო საწერტინელ-საყარჯიშო სანახაობას წააგავდა. „თეატრალური დრამატიზმი — აღნიშნავს აკად. კორნელი კეკელიძე — ამ სიტყვის ნამდვილი მნიშვნელობით, უფრო მეტია ეგრეთ წოდებულ ყეენობასა და ბერიკაობაში, რომელსაც ნახევრად სასცენო მოქმედების ხასიათი აქვს. ასეთი სახის წარმოდგენები მდიდარ მასალას იძლეოდა, რომ ამ პრიმიტიული ელემენტებიდან განვითარებულიყო ნაციონალური ქართული თეატრი“. ევროპის სახელმწიფოებში „აბსოლუტიზმის“ დამყარების შემდეგ შეიქმნა სამეფო თეატრები. იგი წარმოადგენდა არისტოკრატის გასართობს. დასავლეთ ევროპის მიბაძვით XVIII საუკუნეში რუსეთის იმპერიაშიც ჩნდება ანალოგიური თეატრი.

ისტორიული წყაროებიდან ირკვევა, რომ XVIII საუკუნის მიწურულს ქართლ-კახეთის სამეფოშიც დაარსდა თეატრი და განვითარდა დრამატურგია.

ქართლ-კახეთის მეფე ერეკლე II რუსეთსა და ევროპის ქალაქებში გზავნიდა ახალგაზრდებს განათლების მისაღებად. ცნობილია

ერთი ასეთი ჯგუფი დავით ბატონიშვილის, ერასტი თურქესტანიშვილის, გიორგი ავალიშვილისა და იოანე ორბელიანის შემადგენლობით. ისინი გაცნობიან რუსულ თეატრს, სავარაუდოა, რომ კავშირი ჰქონდათ იმ დროისათვის ცნობილ დრამატურგთან, ზანდუკოვთან. თეატრალურ ხელოვნებას ეუფლებოდა ცნობილი მწერალი და დიპლომატი გიორგი ავალიშვილი, რომელიც 1791 წელს დაბრუნდა თბილისში და დაიწყო წარმოდგენების გამართვა. საამისოდ შესაფერისი ბინაც მოუნახავთ: „სახლი მესხიშვილისა, ორბელიანისა და მელიქიშვილისა“. მკვლევართა ნაწილი მიიჩნევს, რომ სწორედ ამ დროს დაარსდა ქართული თეატრი და მისი დამაარსებელი გიორგი ავალიშვილი იყო. ეს უკანასკნელი მართლაც უდიდესი ფიგურაა ქართული თეატრის ისტორიაში. იგი არის აგრეთვე ქართული დრამატურგიის ერთ-ერთი ფუძემდებელი. მან რუსულიდან თარგმნა სუმაროკოვის ცნობილი პიესები: „რქის მატარებელი“, „დედა რაყიფი ქალისა“, „სახუბარი“ და „უბნობა მკვდართა“. აგრეთვე დაუწერია ორიგინალური ქართული პიესები, მათ შორის „თეიმურაზ II“, რომელსაც ჩვენამდე არ მოუღწევია და მისი მხოლოდ მოკლე შინაარსია ცნობილი. ამ პერიოდშივე მოღვაწეობდა დრამატურგი, მდივანბეგი დავით ჯიმშერის ძე ჩოლოყაშვილი, რომელსაც რასინის „ეფიღენია“ უთარგმნია.

თეატრალურ წარმოდგენებს მალევე მიუქცევია ხალხის ყურადღება და, შესაბამისად, დიდი პოპულარობითაც სარგებლობდა. ზაქარია ჭიჭინაძის ცნობით, „პიესა „რქის მატარებლის“ წარმოდგენისას „დაუწყიათ თხოვნა, რომ კიდევ „ასახის-მეტყველეთ“. შემდეგ ბევრჯელაც წარმოუდგენიათ. წარმოდგენაში მონაწილეობა მიუღიათ: დავით ბატონიშვილს, დავით ჩოლოყაშვილს, გიორგი ავალიშვილს, თამაზ ანდრონიკაშვილს, გიორგი მეფისა და ირაკლი ბატონიშვილის ქალებს“.

ერეკლე II-ის დროინდელ ქართულ თეატრს უკავშირდება აგრეთვე არტილერიის მაიორი გაბრიელი. მის შესახებ ალექსანდრე ორბელიანი წერს: „თელავსა და თბილისში ქართულ კომედიებსაც თამაშობდნენ მეფის ირაკლის დროში, რომლისაცა გამმართველი იყო გაბრიელ მაიორი, სომეხი“. გაზეთ „კავკაზის“ 1858 წლის 28-ე ნომერში ნიკო ბერძენოვის სტატიას „О быте Грузин старого времени“ ყურადღება გამახვილებულია ერეკლე II-ის დროინდელ თეატრსა და გაბრიელ მაიორზე. ამ შემთხვევაში ნ. ბერძენოვის წყაროს ერეკლე მეფის შვილი, თეკლა ბატონიშვილი წარ-

მოადგენდა. სტატიის მოკლე თარგმანი ასეთია: „...ვინმე გაბრიელი, სომეხი, რომელიც იმყოფებოდა რუსეთში თავად ანდრონიკაშვილის ელჩობასთან, დაბრუნებულია რა საქართველოში მაიორის ჩინით, მოუწყვია სასახლესთან ახლოს თეატრი. არიგებდა ბილეთებს ლაკონიური ქართული წარწერით, რომელიც ორი სტროფისაგან შედგებოდა, სადაც იხსენიებოდა დამდგმელი ოსტატის სახელი და ბილეთის ფასი. ბილეთს ეწერა: „შაური ორი, გაბრიელ მაიორი“. ზაქარია ჭიჭინაძის ცნობით, გაბრიელ მაიორი პიესებსაც წერდა.

სხვა იმდროინდელი მსახიობებიდან ცნობილია მღვდელი იოსებ ამირიძე, ქეშიმდარდიმანდად წოდებული და მაჩაბელა.

როგორც ვხედავთ, XVIII საუკუნის ბოლოს თეატრალური წარმოდგენების ინიციატორებად გიორგი ავალიშვილი და გაბრიელ მაიორი გვევლინებიან. ისინი დაახლოებით ერთ პერიოდში მოღვაწეობდნენ, რადგან გიორგი ავალიშვილი 1791 წელს, ხოლო გაბრიელ მაიორი 1788 წლის შემდეგ ჩამოვიდა თბილისში. საინტერესოა ის ფაქტი, რომ არ იკვეთება მათი ურთიერთობა. ცხადია, სხვა-





დასხვა სახის წარმოდგენებს მართავდნენ. როგორ ავხსნათ ეს?

ამისათვის მოგვყავს მკვლევარ ამბერკი გაჩეჩილაძის მიერ თელავში აღმოჩენილი XVIII საუკუნის იშვიათი ხელნაწერი. ეს ხელნაწერი სხვადასხვა ნაშრომისგან შედგება, მათ შორის „დრამატიკა ქართულსა ენასა ზედა თქმული ზურაბ შანშოვანის ტფილისელისგან“, „ბერ-არმენი“ და სხვ. ეს ნაშრომები 1730-იან წლებშია დაწერილი. ხელნაწერს ახლავს უცხო პირის მიერ შესრულებული

ბული 1778 წლის მინაწერი. მინაწერში ავტორი, სხვა საკითხებთან ერთად, ქართულ თეატრსაც ეხება. იგი ასხვავებს საეკლესიო და საერო თეატრს. თავის მხრივ, საერო თეატრი, ამ მინაწერის მიხედვით, იყოფა „ეზოას“ და „ქალაქის“ თეატრებად.

როგორც ცნობილია, შუა საუკუნეების ევროპაში მრევლის მისაზიდად იმართებოდა საეკლესიო წარმოდგენები — მისტერიები. მართლმადიდებლური ეკლესიისათვის კი ეს მიუღებელი იყო. თუმცა, ასეთი სახის თეატრალური წარმოდგენები ევროპული კულტურის გავლენით რუსეთშიც ეწეობოდა. როგორც ჩანს, XVIII საუკუნის II ნახევარში, კულტურული აღმავლობის ფონზე, ვერც ქართული ეკლესია ასცდა მას. მის განვითარებას ხელი შეუწყვეს კათოლიკე-მისიონერებმა, რომლებიც საქართველოში აარსებდნენ სკოლებს, ეკლესიებს და საგარეულოდ, დგამდნენ მისტერიებსაც. ასეთი სახის წარმოდგენების დანერგვაში განსაკუთრებული როლი უნდა შეესრულებინა თბილისის და თელავის სასულიერო სემინარიებს, სადაც სწავლა

ქართული თეატრი არ შექმნილა ერთ კონკრეტულ წელს. XVIII საუკუნის 70-იან წლებში ეკონომიკურ აღმავლობასთან ერთად განვითარდა ქართული კულტურა. ევროპასთან კავშირით და მათი მიღწევების გამოცდილების გაზიარებით, ქართლ-კახეთში მრავალი სიახლე დაინერგა. მათ შორის ჩაისახა ქართული თეატრი.

რუსული ანალოგიური სასწავლებლების მიხედვით მიმდინარეობდა. ყოველ შემთხვევაში, ამ მინაწერის მიხედვით ირკვევა, რომ ქართლ-კახეთის სამეფოში სასულიერო თეატრიც არსებობდა.

საერო თეატრი კი ორი ნაწილისგან შედგება: მინაწერში დაფიქსირებული „ეზოას“ თეატრი უნდა აღნიშნავდეს სასახლის თეატრს (ანალოგიური სახელი აქვს რუსეთის სამეფო თეატრს — „Придворный театр“). „ქალაქის“ თეატრი კი უნდა იყოს ჩვეულებრივი საერო თეატრი, სადაც დასწრება ნებისმიერ მსურველს შეეძლო.

თუ დავეყრდნობით მინაწერის კლასიფიკაციას, მაშინ გიორგი ავალიშვილის მიერ მოწყობილი თეატრალური წარმოდგენები უნდა მივაკუთვნოთ „ეზოას“ თეატრს, სადაც მსახიობის როლში სამეფო ოჯახის წარმომადგენლებიც გვევლინებიან. ე.წ. გაბრიელ მაიორის თეატრი კი უნდა იყოს „ქალაქის“ თეატრი, რომლის ბილეთები იყიდებოდა და ნებისმიერ მსურველს შეეძლო წამოდგენაზე დასწრება. ცხადია, სამეფო თეატრში ეს შეუძლებელი იქნებოდა. გაბრიელ მაიორის თეატრალურ დასში, რომელიც წარმოდგენებს აღექსანდრე ორბელიანის ცნობით თბილისსა და თელავში მართავდა, გამოდიოდნენ მღვდელი იოსებ ამირიძე — იფივე ქეშიშ დარდიმანდი, მაჩაბელა და სხვები.

როდის შეიქმნა ქართული თეატრი? — ამის შესახებ სხვადასხვაგვარი მოსაზრებაა. როგორც აღვნიშნეთ, ერთ-ერთი ვარაუდით იგი 1791 წელს დაარსდა, ზოგიერთი მოსაზრებით 1780 წელია ქართული თეატრის დაარსების თარიღი და მის შექმნაში დიდი წვლილი შეიტანეს იმ პერიოდში თბილისში მყოფმა გრაფმა კოჰარმა (ვენის თეატრალური დასის ანტერპრენიორმა) და იაკობ რაინეგსმა.

ქართული თეატრი არ შექმნილა ერთ კონკრეტულ წელს. XVIII საუკუნის 70-იან წლებში ეკონომიკურ აღმავლობასთან ერთად განვითარდა ქართული კულტურა. ევროპასთან კავშირით და მათი მიღწევების გამოცდილების გაზიარებით, ქართლ-კახეთში მრავალი სიახლე დაინერგა. მათ შორის ჩაისახა ქართული თეატრი. ევროპელთა, კერძოდ რაინეგსისა და კოჰარის დახმარებით კი ის კიდევ უფრო განვითარდა, ხოლო იმავე საუკუნის 90-იან წლებში საბოლოო სახე მიიღო. ამ პერიოდშივე განვითარდა დრამა-

ტრაგიკული გამოდგა თეატრისა და მისი დასისათვის კრწანისის ბრძოლა. თეიმურაზ ბატონიშვილის გადმოცემით, კრწანისის ბრძოლაში გმირულად დაიღუპა არტილერის მაიორი გაბრიელი, ასევე „უფროსი მსახიობი“ მაჩაბელა, თავის თეატრალურ დასთან ერთად, რომლებიც „შადიანის“ სიმღერით ამხნევებდნენ ქართველებს ბრძოლის ველზე.



ერეკლე II

ტურგიაც. ითარგმნება რუსი, ფრანგი და სხვა ეროვნების გამოჩენილ ავტორთა პიესები. იწერებოდა ორიგინალური ქართული პიესებიც. საერთოდ უნდა აღინიშნოს, რომ ქართული თეატრის ფუძემდებლებს ბრმად არ მიუღიათ უცხოური გამოცდილება. მათ მართალია გადმონერგეს რუსული სცენის კულტურა, მაგრამ ამავე დროს გამოიყენეს ქართული სახიობის ტრადიციები. გიორგი ავალიშვილის აზრით, თეატრის დანიშნულება იყო ადამიანის მდაბალ თვისებებთან ბრძოლა, ზნეობრივი სრულყოფა და სხვ. XVIII საუკუნის II ნახევრის საქართველოში თეატრი ასეთი სახით არსებობდა.

ტრაგიკული გამოდგა თეატრისა და მისი დასისათვის კრწანისის ბრძოლა. თეიმურაზ ბატონიშვილის გადმოცემით, კრწანისის ბრძოლაში გმირულად დაიღუპა არტილერის მაიორი გაბრიელი, ასევე „უფროსი მსახიობი“ მაჩაბელა, თავის თეატრალურ დასთან ერთად, რომლებიც „შადიანის“ სიმღერით ამხნევებდნენ ქართველებს ბრძოლის ველზე. ქართლ-კახეთის სამეფოს მოშლის შემდეგ თავისთავად გაუქმდებოდა „ეზოას“ ანუ სასახლის თეატრიც. იმპერიამ დახურა აგრეთვე ქართული სემინარიები, სადაც, რაღა თქმა უნდა, შეწყდებოდა წარმოდგენების გამართვა. ყოველივე ამან, ბუნებრივია, შეაფერხა ქართული თეატრის შემდგომი განვითარება. ■



აბესანომ ვეჯუა: ქახბუჩივით ხასი ვიყავი!..

**დმანისელი პომინიდების „მზინასა და ზეზვას“ სახელებზე
უცხოელი მემკვიდრეები ენას უკვე აღარ იტყვიან...**

„პალეონტოლოგია, რომელიც პრეისტორიულ, მილიონობით წლების წინ გადაშენებულ ცხოველებსა და მცენარეებს შეისწავლის, აზარტული სპეციალობაა, თუმცა მე არა ვარ მანცადამანც აზარტული. ნარდში ხუთ ხელს ვერ მათამაშებ მიყოლებით. ჩემს მასწავლებელს, აკადემიკოს ლეო გაბუნას უთქვამს, აბესანოში პალეონტოლოგადაა დაბადებულიო და ამით ვამაყობ კიდევ. ხეირიანი შედარება არ არის, მაგრამ ნაცემი ძაღლებივით ვიყავით, თუ ველზე მუშაობისას რამეს ვერ ვიპოვიდით ძვალზე ფიქრი გამუდმებით თან მდევს. ახლაც, მედიისხელა პრეისტორიული ცხოველის ქვედა ყბა გვაქვს დმანისიდან და თავს ვიმტკვრევთ...“

ძიული ჩემი ხანგრძლივი საველე და სამეცნიერო მუშაობის პერიოდში ყოველთვის მღრღნინდა და ხელს მიშლიდა ერთი რამ – უცხო ენა სათანადოდ არ ვიცო (რუსულს არ ვეულისხმობ, რუსულად არაერთი სამეცნიერო ნაშრომი დამიწერია). ამიტომ ახალგაზრდა მეცნიერებს ყოველთვის ჩაეჩიჩინებ, სპეციალობასთან ერთად უცხო ენაც კარგად უნდა ისწავლოთ-მეთქი“.

გულაზდლიად საუბრობს ბატონი აბესანომ ვეჯუა – გეოლოგია-მინერალოგიის დოქტორი, ეროვნული აკადემიის წევრ-კორესპონდენტი, პალეობიოლოგიის ინსტიტუტის დირექტორი, სახელმწიფო პრემიის ლაურეატი... ეს სრული ჩამონათვალი როდია. ეროვნულ მუზეუმშიც მუშაობს, დმანისის პალეონტოლოგიური გათხრების ხელმძღვანელიცაა. თუმცა, უმჯობესია, ყველაფერს თავიდან მივეყვით.

ზვის დასაწყისი

ფოტოში დაიბადა. მამა პორტში მუშაობდა. 1937 წელს კარულია-ფინეთში რომ გადაუსახლეს კომუნისტებმა, 12 წლისა იყო. და-მმასთან ერთად ცდილობდა დედას დახმარებოდა და სახერხ პარხანაშიც კი მუშაობდა. დიდი გატაცება ჰქონდა — თვითმფრინავის მოდელებს აშხადებდა და მფრინავობაზე ოცნებობდა. გადასახლებულ მამას რომ გაუგია, რაღა მინცდამინც ამ სახიფათო პროფესიას ირჩევო, მოსწერა. ეს მამის ბოლო წერილი აღმოჩნდა.

თბილისის საჰაერო სპეცსკოლა დაამთავრა, მაშინდელ პლექანოვზე იყო ეს სკოლა, გმირი მფრინავის, ჭიჭიკო ბენდელიანის სახელს ატარებდა. ფრენა ნაფარეულის ესკადრიაში ისწავლა. ფრენა ტუ-2-ით ისწავლა, მერე კი ტამბოუმი ილ-2-ით დაფრინავდა. გერმანელები ამ ავიამოიერიშეს „შავ ჭირს“ ეძახდნენ. არ უოძია, ასაკი არ უწყობდა ხელს. დემობილიზებული 47-ში დაბრუნდა თბილისში და მიხვდა, რომ მფრინავობა აღარ უნდოდა. იურიდიულ ინსტიტუტში გააგრძელა სწავლა. ორი წლის შემდეგ სასწავლებელი მოსკოვში გადაიტანეს. დედამ, გვეოფა რუსეთში ხეტიალიო და... მომდევნო წელს უნივერსიტეტში ჩაირიცხა გეოლოგია-გეოგრაფიის ფაკულტეტზე.



ნაფარეულის ესკადრიაში — მარცხნიდან პირველი აბესალომ ვეკუა

„აფთარი-აბესალომი“

„Crocuta-აბესალომი“ ანუ „აფთარი-აბესალომი“ მსოფლიო პალეონტოლოგიაში კარგა ხანია ცნობილია. საქართველოში კი ბევრმა როდი იცის, რომ ეს 17 მლნ წლის წინანდელი მტაცებლის სახელია, რომლის ქვედა ყბაც მესამეკურსელმა აბესალომ ვეკუამ აღმოაჩინა ჩრდილოკავკასიაში ექსპედიციისას. სახელი კი იმ დროისთვის უკვე მსოფლიოში ცნობილმა პალეონტოლოგმა, ექსპედიციის ხელმძღვანელმა ლეო გაბუნამ შეურჩია.

— ლეო ჩემზე მხოლოდ 5 წლით იყო უფროსი, ჩემი ლექტორიც იყო, — იხსენებს ბატონი აბესალომი, — თავიდანვე მითხრა, მთელი წლები ერთად უნდა ვიყოთ, ბატონობა და თქვენობით მიმართვა არ გვჭირდებაო. მართლაც ასე გავლიეთ ერთად ათწლეულები. ლეო წელს 90 წლისა გახდებოდა. არც მე ვარ ჯველი, 1-ელ ნოემბერს 85-ს გადავაბიჯე...

— გილოცავთ, ბატონო აბესალომ, საიუბილეო თარიღია...

— იუბილები არ მიყვარს... მთხოვეს ახლაც, მაგრამ არ დავთანხმდი...

— მითხრეს, თავს ქედბედიანად თვლისო...

— მართლა ქედბედიანი გამოვდექი. სადაც კი მივიდოდი, ყველგან ახალ აღმოჩენას ვაწყვდებოდი. პირველივე ექსპედიციაში ნაპოვნ აფთარის ნაშთებს იმავე ადგილსაპოუბელში რქიანი ღორის თავის ქალა მოჰყვა. მეცნიერებაში მანამდე ცნობილი არც ყოფილა მსგავსი ცხოველის ნაშთები. ეს იმდენად გასაკვირი იყო, რომ პუბლიკაციები მსოფლიოს მოედო. შეიძლება იცით, ძველები ამბობდნენ, ღმერთს რომ ღორისთვის რქა მიეცა, ქვეყნიერებას გადაჩიქნიდაო. არადა, თურმე მიუცია — ერთი შუბლზე და ორიც გვერდზე!

— თქვენს სახელს არაერთი აღმოჩენა უკავშირდება.

— ჰო, ასეა. დღეს მსოფლიო პალეონტოლოგიაში ათამდე ცხოველს ჩემი სახელი ან გვარი დაერქვა. ოღონდ ყველა მე არ მომინათლავს. ლენინგრადელმა მეცნიერმა ირინა კუზმინამ პრეისტორიული ცხენების ახალი გვარი გამოყო, გერმანელმა პალეონტოლოგმა პანს დიტრიხ კალკმ დმანისში ნაპოვნ ირემს აბესალომის ირემი დაარქვა. საქართველოში ნაპოვნ ერთი მილიონი წლის ბეჰემოთს კი სახელი მე დავარქვი.

ქარბუქებით კაცი ვიყავიო, წამოსცდა... არა, არა, მე კი არ ვამბობ ასე, მეგობრებმა შემაცდინესო, დაუმატა. ახლაც ჩქარა დადის, ხელჯოხით, მაგრამ მაინც სწრაფი ნაბიჯით. დროს არ უნდა ჩამორჩეო, მეუბნება და ლაბადის ჩაცმაშიც მუხმარება. მასთან მივდივართ, შინ, გოთუას ქუჩაზე. ფოტოები უნდა ამირჩიოს და მეუღლეც გამაცნოს.

მსოფლიოში ერთ-ერთი უდიდესი პალეონტოლოგი სამსახურში ყვითელი ავტობუსით დადის. ამჯერად ტაქსის აჩერებს და კარის გაღებასაც მასწრებს. ვერაფერს იტყვი, 85 წლის ასაკშიც ნამდვილი ჯენტლმენია!..

— ექსპედიციასა და მუშეუეში მის გვერდით

შვილიშვილთან, ელენე ვეკუასთან ერთად



გოგონები ყოველთვის იმედიანად ვგრძნობთ თავს, — მეტყვის მოგვიანებით ახალგაზრდა რესტავრატორი სოფო კილაძე, — თუ რამეზე დავიწუწუნეთ და ყური მოჰკრა, გვისაყვედურებს, დროზე რატომ არ მითხარით, მე აქ რისთვის ვარო...

ოჯახში...

ქალბატონი იზოლდა ენუქიძე სპეციალობით სამიო ინჟინერია.

— ერთი მარკშიდერი ხომ გვჭირდება ოჯახშიო, — „ალიარა“ ბატონმა აბესალომმა და დასძინა, — არ მინდოდა, ჩემი პროფესიის მთელი სირთულე სცოდნოდა. მაგრამ წლების წინ საერთაშორისო სიმპოზიუმში მოქყყო იერი-სპირეთის ქვაბების ფაუნასთან დაკავშირებით. მაშინ ნახა, რას ვაკეთებდი, როგორ მკაცრ პირობებში „მიმუშავია“ მრავალი წელი: უდაბურ, ლამის ფეხდაუდგამ ადგილას, კარავს რომ ხან ქარი დაგაფხრეწოს თავზე, ხან თავსხმა ჩაგრეცხავს და ხანაც შხამიანი გიურნა ჩაის-რიალებს ზედ შენი კარვის წინ. ხომ იცით, იერი-სპირზე დღევანდელი აფრიკის საჯანის წინაპარი ფაუნა დასტურდება...

— მინდოდა მეთქვა, ამ გადაშენებული ცხოველების ძებნას თავი დაანებე-მეთქი, მაგრამ ისე ყვარს თავისი საქმე, ხმას როგორ ამოვიღებ-

დი. ახალგაზრდობაში ხანდახან კი ვსაყვედურობდი, ბავშვების გაზრდაში არ მქნებარებ-მეთქი, მაგრამ... — საუბარში ქალბატონი იზოლდა ჩაგვერთო.

— მდიდრები არასოდეს ვყოფილვართ, თუმცა არც ბედს ვუწიოდით, — მეუღლეს სიტყვა ჩამოართვა ბატონმა აბესალომმა, — რა დამავიწყებს იმ სიხარულს, მარეღისის საავეჯო ფაბრიკის 6 ცალი სკამის ჩეკი რომ მივიტანე შინ... თუმცა კი მაშინ ნაქირავე ბინაში ვცხოვრობდით.

— შარშან ჯვარი დავიწერეთ წმინდა ივლიტასა და კვირიკეს ტაძარში. როდის იყო, აბესალომ? — გამომცდელად გადახედა მეუღლეს ქალბატონმა იზოლდამ.

— 12 სექტემბერს, ქორწინებიდან 50 წლისთაზე! მეჯვარეებად შვილიშვილები გვეყვოდა, სამიენი: ელენე და სანდრო ვეკუები და გიგი ჯგუშია. „ქორწილი“ შვილებმა — ზაზამ და ლალიმ გადაგვიხადეს, საგურამოში, აგარაკზე. მთელი ჩენი ნათესაობა იყო. ასე დიდი სუფრა ჩენს ცხოვრებაში პირველად გვქონდა. სიმართლე გითხრაო, არ მიყვარს პომპეზური ქეიფები, მაგრამ ოქროს ქორწილი ხომ ოქროს ქორწილი უნდა იყოს!..

პირველი „დიაგნოზი“!

ახლა დმანისში გადავინაცვლოთ.

1982 წელს, დმანისის შუა საუკუნეების არქეოლოგიური ექსპედიციის ხელმძღვანელებმა ვახტანგ ჯაფარიძემ და ჯუმბერ კოპალიანმა პალეობიოლოგიის ინსტიტუტს აცნობეს, რომ ნაქალაქარის ტერიტორიაზე, ორმოში „საეჭვო“ ძვლები აღმოჩნდა.

აბესალომ ვეკუა: — რამდენიმე საათში უკვე ნაქალაქარზე ვიყავი, ორმოშიც ჩავძვერი და „დიაგნოზიც“ მაშინვე დაესვი: — აღმოჩენილია მილიონ წელზე ადრინდელი ხერხემლიანთა ფაუნა, რომლის გათხრა და შესწავლა საშური საქმეა.

ასე შემოვიდა მის ცხოვრებაში დმანისი. ასე გროვდებოდა ათასობით ნამარხი ძვალი პრეისტორიული სპილოს, ჟირაფის, ადრეული ცხენის, ხმალკილა ვეფხვის, აფთრის, გიგანტური სირაქლეების...

მოგვიანებით ნოვოსიბირსკში ჩატარდა არქეოლოგთა და პალეონტოლოგთა საერთაშორისო სიმპოზიუმი, რომელსაც საქართველოდან დავით ლორთქიფანიძე ესწრებოდა. დათო იქ დაუმეგობრდა მსოფლიოში სახელგანთქმულ ქვედა პალეოლითის სპეციალისტს,



დედოფლისწყაროში, ტარიბანაში სამხრეთის სპილოს ჩონჩხის აღმოჩენა აბესალომ ვეკუას საზელოს უკავშირდება. ეს უნიკალური ჩონჩხი მუზეუმის რეკონსტრუქციის შემდგომ კვლავ თავის ადგილს დაიკავებს...

გერმანელ პროფესორს გერჰარდ ბოსინსკის, რომელსაც მოუყვა დმანისის აღმოჩენების შესახებ. ისიც დაამატა, რომ პრეისტორიული ცხოველების ძვლებთან ერთად ნაპოვნია პირველყოფილ ადამიანთა ქვის იარაღებიც. ბოსინსკი სულ მალე თვითონვე ჩამოვიდა თბილისში.

— როცა გერმანელმა მეცნიერმა ჩვენი აღმოჩენები დაათვალიერა, — იხსენებს ბატონი აბესალომი, — აღტაცება ვერ დაფარა. არქეოლოგიური ცენტრის მაშინდელ დირექტორს, აკადემიკოს ოთარ ლორთქიფანიძეს სთხოვა, დმანისის ქვის ხანის გათხრებში ჩამართეთო. „ქრთამიც“ შეაძლია — გათხრებს მთლიანად გერმანული მხარე დააფინანსებსო. რაღა თქმა უნდა, ამ „ქრთამმა“ გაჭრა — სამეცნიერო ექსპედიციებისთვის მოგეხსენებათ, იმხანად ქვეყანაში არავის ეცალა. თითქმის ათი წელი გერმანელთა „ხარჯზე“ ვთხრიდით და ვიკვლევდით დმანისს.

პირველი ევროპელის წინაპრის კვალი დმანისში პირველად ევროპელმა ძალმა შენიშნა...

1991 წლის სექტემბერი. ექსპედიცია უკვე ამთავრებს მუშაობას. ბოსინსკის თანაშემწე, ახალგაზრდა არქეოლოგი ანთია იუსტუსი ვერ შელევია გათხრების „პოლიგონს“ და...

აბესალომ ვეკუა: — ის-ის იყო თბილისში დავბრუნდი, რომ ანთია მირეკავს, — ჰერ, აბესალომ, მგონი ძალიან უცნაურ ძვალს მივაკვ-



ქართული პალეონტოლოგიისა და პალეოანთროპოლოგიის „ტრიუმფირატი“ — დავით ლორთქიფანიძე, ლეო გაბუნია და აბესალომ ვეკუა

ლიეო. სადამო ხანი იყო, მაგრამ თბილისში რა გაგვჩერებდა. დმანისში ჩასულს, შემოგვაღამ-და კიდევ. თითქოს გრძობდნენ, რომ სენსაცი-ური აღმოჩენა გველოდა და იქ მყოფთ კოცონი დაენთოთ... ინათა თუ არა, გათხრები დაიწყეთ, მთელი ორი დღე მოუწადით. მოსალოდნელი სერიოზული აღმოჩენის შესახებ ყველას ვაც-ნობეთ, ტელეკორპორაციებიც „გვადარაჯობდ-ნენ“. და აი, ხელთ მქონდა მსოფლიოს ყველა პალეონტოლოგის ოცნების საგანი — 1 მლნ 800 ათასი წლის წინანდელი 22-25 წლის ადამიანის ქვედა ყბა! ეს იცი, რას ნიშნავდა? შემოტრიალე-ბას მსოფლიო პალეოანთროპოლოგიაში. მან-ამდე ითვლებოდა, რომ აფრიკაში 2,5 მლნ წლის წინ წარმოშობილმა ადამიანმა 1 მლნ ან 600 ათასი წლის წინ ჩამოაღწია ევროპაში. ჩვენ კი ერთ მშვენიერ დღეს ვასკნით, რომ 1 მლნ 800 ათასი წლის წინ საქართველოში უკვე ბი-ნადრობდა იმ უძველესი აფრიკელის მსგავსი ად-

ზეზა და მზია

თემცა პირველ თავის ქალამდე „მისვლას“ კიდევ ორი წელი დასჭირდა.

— იმ სეზონზე, — იხსენებს ბატონი აბე-სალომი, — გათხრები ადრე დაიწყეთ, მაგრამ მაისში ისეთი წვიმები დაიწყო, დროებით გაჩ-ერდით ერთ დღესაც, ჩემს უძეგროს კოლეგებს გონა კილაძესა და დავით ჟვანიას უცხოელი მოსწავლეები წაუყვანიათ ექსკურსიაზე დმანის-ში საგანმანათლებლო პროგრამით და ყურა-დლება მიუქცევიათ წვიმისგან ჩამოშლილი გა-ნათხარის ჭრილისთვის. გოჩამ ძვლის შაური-ანისხელა ნატეხი ჩამოძიტანა... ადამიანის თავის ქალისა იყო. მეორე დღითაც თავსხმა იყო, მა-გრამ მე, ჯუმბერ კოპალიანი და კახა კახაძე მაინც წავედით. ადგილზე მუშაობა შეუძლებე-ლი იყო. ამოჭყურით მოზრდილი ბლოკი გა-ნათხარი ორმოდან და თბილისში წამოვიღეთ. რა დამაძინებდა, მთელი ღამე დიდი სიფრთხი-

„დმანისში აღმოჩენილმა ორმა მარტყმა თავის ქალამ მსოფლიოს ყველა პრეისტორიკოსი საჯდომზე მოსვა...“ — ასე შეაფასა დმანისური აღმოჩენა ფრანკ ულმა „ლიბერასიონმა“



ამიანი. და რომ პირველი ევროპელის წინაპარ-იც სწორედ ის იყო. ბევრი როდი გვიჯერებდა და აკადემიკოსმა ლეო გაბუნიაშვილმა და დავით ლორთქიფანიძემ ფრანკ ულმის წიაღის „ქართველი“ ჰომინიდის ქვედა ყბა, სამეცნიერ-ო კონფერენციაზე. ზოგიერთმა ბოლომდე არც მაშინ დაგვიჯერა.

ამის შემდეგ მთელი ექვსი წელი გავიდა და ხელშესახებები არაფერი აღმოჩენილა. ერთ დღესაც ისევ ანთია მივიდა ქართველ შეფთან და ყუთში მოთავსებული ძვლის ნამტვრევები აჩვენა: — ჰერ აბესალომ, ეს ძვლები შევინახოთ თუ გადავყარო. მეცნიერის მახვილ თვალს არ გამოჰპარვია ადამიანის ტერფის ძვლის ფრაგ-მენტები...

ლით ვწმენდდი იმ ბლოკს (ოღონდ მუშაობაში ხელს ჯუმბერის ზარები მიშლიდა, — ჰა, რას შერები, აბესალომ, მართლა პრეისტორიული თავის ქალაა?). დღით უკვე აღარც ძილი მახ-სოვდა და აღარც დაღლა! დმანისელი ჰომინი-დის თავის ქალა უკვე თამამად მაძლევდა იმის თქმის უფლებას, რომ საქართველო არა მხო-ლოდ ჩვენი, არამედ პირველვეროპელთა „სამ-შობლოა“.

ერთ თვეში ჩემი უძეგროსი კოლეგა გიორგი ნიორაძე წააწყდა მეორე თავის ქალას. ხელი არ უხლია, ჩვენ დაგველოდა... ამის შემდეგ დაიწყო და დაიწყო მსოფლიო მეცნიერთა გამოხმაუ-რებები.



ახალი აღმოჩენის აღსანიშნავ ფრანგული შამპანურის წვიმასაც ხშირად მოელოდა...

მოგვიანებით კონკურსი გამოაცხადეთ და დმანისელი პომინიდებიც „მოუნათლეთ“. ახლა ყველა იცნობს „შზიასა და ზეზვას“. ქართულ სახელებზე უცხოელი მეცნიერები ენას უკვე აღარ იტყვენ.

აღმოჩენათა სერია ფრანგული შამპანურის თანხლებით...

ცნობილმა ამერიკელმა სამეცნიერო ჟურნალმა „საიენსმა“ 2000 წლის მსოფლიო საოცრებათა ათეულში მესამე აღმოჩენად დმანისის ახალი პალეოანთროპოლოგიური მონაპოვარი დაასახელა. მაშინ იმ ორ თავის ქალას არც სახელები ერქვა და არც ხორცშესხმულნი იყვნენ. პომინიდების თავის ქალები ფრანგმა მოქანდაკე ელიზაბეტ დენმა გააცოცხლა.

აბესალომ ვეკუა: — სხვადასხვა დროს კიდევ ერთი მამაკაცისა და ქალის თავის ქალები აღმოვაჩინეთ, ასევე მონარდი გოგონასი, პრეისტორიულ ოთხ ქვედა ყბასაც მივაკვლიეთ... სხვათა შორის, მშვენიერი ტრადიცია გვაქვს. ახალ აღმოჩენას აუცილებლად ფრანგული შამპანური „ვასელებით“, თუმცა არცთუ იშვიათად შამპანურის წვიმამში მეც მოვყვები სოლმე, როგორც ერთ-ერთი მთავარი „დამნაშავე“. რომ იცოდეთ, საფრანგეთის ყოფილი ელჩი მირეი მიუსო დმანისის ექსპედიციის ხშირი სტუმარი იყო და ნამდელი შამპანურითაც ხშირად გვაჯილდოებდა.

— ბატონო აბესალომ, ფოტოებზე თქვენ გვერდით ხშირად ვხედავთ დავით ლორთქიფანიძეს, მსოფლიოს არაერთი უნივერსიტეტის პროფესორს, საქართველოს ეროვნული მუზეუმის გენერალურ დირექტორს...

— არა მხოლოდ ფოტოებზე... დათო ძალიან მიზანსწრაფულია. უცხოელებთან კონტაქტის არაჩვეულებრივი ალღო აქვს, კარგი ორგანიზატორია და ახალგაზრდებს მხარში უდგას...

— თქვენ როგორი დირექტორი ხართ?

— იცი, რა ცუდია დირექტორობა? ველზე მთელი წლის მუშაობა მირჩენია სამსახურში თუნდაც ერთი თანამშრომლის „შემცირებას“...

— რას ეტყვის „ისტორიანის“ მკითხველს აკადემიკოსი აბესალომ ვეკუა?

— აუცილებლად გამოვიწერ. მინდა ისეთი პოპულარული გახდეს, როგორიც „სიანისი“ ან თუნდაც „ლიბერასიონია“.

— დასასრულ, ფიქრობთ, რომ მართლა ქულებიანი ხართ?

— ბედნიერი ვარ იმით, რომ შევქმენი ტრადიციული ქართული ოჯახი, ხოლო პალეონტოლოგიასა და გეოლოგიაში დავსაქმდი ისე, რომ მუდამ მაქვს მიზანი, რომლის მიღწევაში ძალიან ხშირად ბედიც მწყალობს. მიმაჩნია, რომ მე ჩემს ადგილზე ვარ. ჩემი სურვილი და ნატვრა ჩემი ხალხის კეთილდღეობა და საქართველოს ერთიანობაა. პირადად მე კი თითქმის ყველაფერს მივალწიე...



კუბის კრიზისი

**მართალია სივი ომი —
ეს იყო ომი შეიარაღებული
დაპირისპირების გაკაშვი,
თუმცა ყოველთვის არსებობდა
მისი „გაცხელების“
რეალური საფრთხე...**

მეორე მსოფლიო ომის დასრულებას ცივი ომის ეპოქის დასაწყისი მოჰყვა. ერთ დროს ნაციონალური გერმანიის წინააღმდეგ გაერთიანებული ძალები დაპირისპირებულ პოლიტიკურ ბანაკებში აღმოჩნდნენ. მართალია ცივი ომი — ეს იყო ომი შეიარაღებული დაპირისპირების გარეშე, თუმცა ყოველთვის არსებობდა მისი „გაცხელების“ რეალური საფრთხე.

მსოფლიო ყველაზე ახლოს ბირთვული კატასტროფის წინაშე 1962 წელს დადგა, ე.წ. კუბის კრიზისის დღეებში. ყველაფერი კი სამი წლით ადრე დაიწყო, როდესაც სამხედრო გადატრიალების გზით ხელისუფლებაში ფიდელ კასტრო მოვიდა. კასტროს კომუნისტურმა რეჟიმმა ბრძოლა გამოუცხადა აშშ-ის

სავაჭრო ინტერესებს. ამერიკამ კუბიდან შაქრის მიღება და მისთვის ნავთობის მიწოდება შეწყვიტა. 1961 წლიდან, რაც აშშ-ის ხელისუფლების სათავეში ჯონ ფიცჯერალდ კენედის ადმინისტრაცია მოვიდა, კუბაში პოლიტიკური რეჟიმის შეცვლა ერთ-ერთ ძირითად ამოცანად გადაიქცა.



პრეზიდენტი ჯონ კენედი თავის მრჩეველებთან ერთად „ექსკომის“ სხდომის დასრულების შემდეგ. 1962 წლის 29 ოქტომბერი

ამერიკელებმა ორჯერ სცადეს კასტროს რეჟიმის ჩამოგდება. 1961 წლის აპრილში აშშ-ის ცენტრალური სადაზვერვო სამმართველოს მიერ (CIA) საგანგებოდ გაწვრთნილ კუბელ ემიგრანტთა ჯგუფი ღორების ყურის გავლით გადასხდა კუნძულზე, მაგრამ კუბის თავდაცვის ძალებმა იოლად მოახერხეს მათი განადგურება. ასევე წარუმატებელი აღმოჩნდა 1962 წელს ჩატარებული ოპერაცია „ორტსაკ“ (ORT-SAC), ანუ „კასტრო“ თუ მას უკუდმა წავიკითხავთ. ამ ორმა წარუმატებელმა ოპერაციამ გამოუვალ მდგომარეობამდე მიიყვანა ისედაც დაძაბული აშშ-ისა და კუბის ურთიერთობა.

ასევე პრობლემას ქმნიდა ამერიკელთა მიერ ევროპის ტერიტორიაზე განთავსებული იუპიტერის ტიპის რაკეტები. იტალიასა და ინგლისში განთავსებულ რაკეტებზე საბჭოთა კავშირს შეეძლო თვალი დაესუჭა, მაგრამ თურქეთის ქალაქ იზმირში საშუალო მოქმედების რადიუსის 15 რაკეტა მის პრესტიჟსა და უსაფრთხოებაზე დადებითად ნამდვილად ვერ იმოქმედებდა. იზმირის ბირთვულ არსენალს შეეძლო საფრთხე შეექმნა თვით იმპერიის დედაქალაქისთვის. კონფლიქტის უკიდურესი ესკალაციის შემთხვევაში რაკეტები დამიზნებული იყო თბილისზეც.

1962 წლის ზაფხულში საბჭოთა კავშირმა კუბაში ბირთვული ქობინების განთავსება დაიწყო. ამ დროს აშშ-ის ცენტრალური სადაზვერვო სამმართველოს შეფი ჯონ მაკკონი თავლობის თვეს ატარებდა პარიზში. საგანგაშო ინფორმაცია მან სასწრაფოდ გადასცა პრეზიდენტ კენედის. ამერიკელებს კი საბჭოთა დიპლომატები ამშვიდებდნენ, მსგავსი არაფერი ხდებაო. სწორედ ეს განაცხადა კენედიმ 4 სექტემბერს კონგრესზე გამოსვლისას. 8 და 16 სექტემბერს საბჭოელებმა კუნძულზე SS-4 ტიპის რაკეტების ორი პარტია შეიტანეს. ცხრა ბაზის აშენებას გეგმავენენ, მათ შორის ექვსს SS-4, ხოლო სამს — SS-5 ტიპის რაკეტებისთვის.

დამაიმედებელი ინფორმაციის მიუხედავად, ამერიკელებმა U-2 ტიპის თვითმფრინავებით სადაზვერვო ფრენები დაიწყეს. 14 ოქტომბერს U-2-ის მიერ გადაღებულ ფოტოებზე აღბეჭდილი იყო სან კრისტობალის მახლობლად მდებარე საბჭოთა სამხედრო ბაზა. აღნიშნული ფოტოები პრეზიდენტს 16 ოქტომბერს წარუდგინეს. სწორედ 16 ოქტომბერს ითვლება კუბის ბირთვული კრიზისის დაწყების თარიღად.

ამის შემდეგ მოვლენათა განვითარების ქრონოლოგია ასეთია: კენედიმ სასწრაფოდ შეკრიბა მრჩეველთა საბჭო, რომელსაც მოგვიანებით „ექსკომი“ (სახელმწიფო უშიშროების საბჭოს აღმასრულებელი კომიტეტი — ExComm, Executive Committee of the National Security Council) ეწოდა. მის შემადგენლობაში შედიოდნენ: ამერიკის შვერთებული შტატების პრეზიდენტი ჯონ ფიცჯერალდ კენედი, ვიცე-პრეზიდენტი — ლინდონ ჯონსონი, სახელმწიფო მდივანი — დენ რაკი, ფინანსთა მინისტრი — დუგლას დაილონი, თავდაცვის მდივანი — რობერტ მაკნამარა, გენერალური პროკურორი — რობერტ ფიცჯერალდ კენედი, ცენტრალური სადაზვერვო სამმართველოს დირექტორი — ჯონ მაკკონი, შეიარაღებული ძალების შტაბის მეთაური — გენერალი მაქსველ ტეილორი და სხვა ოფიციალური პირები თეთრი სახლიდან, აშშ-ის სახელმწიფო დეპარტამენტიდან, ცენტრალური სადაზვერვო სამმართველოდან და პენტაგონიდან. ექსკომი სიტუაციის შესაძლო განვითარების რამდენიმე სცენარს განიხილა: ევროპიდან ამერიკული რაკეტების გატანით დაწყებული, კუბაზე ან საბჭოთა კავშირზე სწრაფი ბირთვული იერიშის მიტანით დასრულებული, მაგრამ საბოლოოდ თეთრმა სახლმა სულ სხვა გადაწყვეტილება მიიღო.

19 ოქტომბერს გადაღებულმა აეროფოტოებმა დაადასტურა, რომ კუბაში უკვე მოქმედებდა ოთხი საბჭოთა ბაზა. მიუხედავად იმისა, რომ იმ დროისათვის აშშ-ის ბირთვული პოტენციალი რვაჯერ აღემატებოდა საბჭოთა კავშირისას, რადიკალური გადაწყვეტილების მიღებისგან თეთრ სახლში თავს იკავებდნენ.

22 ოქტომბერს კენედიმ კონგრესზე გამოსვლისას კუბაზე არსებული სიტუაცია მკაცრად შეაფასა და იმავე დღეს კუბის წინააღმდეგ საზღვაო კარანტინი გამოაცხადა. სატელევიზიო გამოსვლაში კი განაცხადა, რომ კუბის მხრიდან ნებისმიერი თავდასხმა აშშ-ზე გაგებული იქნებოდა, როგორც სსრკ-ის თავდასხმა და მას სათანადო პასუხი გაეცემოდა.

თავის მხრივ ზრუშჩოვმა საზღვაო კარანტინი უკანონო აქტად შეაფასა და განაცხადა, რომ საბჭოელები არ დაემორჩილებოდნენ კენედის ბრძანებას. მიუხედავად ამისა, 24 ოქტომბერს რამდენიმე საბჭოთა გემი კარანტინის ზონასთან ახლოს გაჩერდა. სიტუაცი-



ფიდელ კასტრო და ნიკიტა ხრუშჩოვი

ის გამწვავებას საბჭოელებიც ვერიდებოდნენ. ხრუშჩოვმა ამის შესახებ მისწერა კიდევ კენედის, თუმცა მისმა წერილებმა სიტუაციის გამოსწორება ვერ შეძლო. 25 ოქტომბერს გამართულ გაეროს უშიშროების საბჭოს სხდომაზე ამერიკის ელჩმა ალდაი სტივენსონმა კითხვით მიმართა საბჭოთა კავშირის ელჩს ვალერიან ზორინს, იყო თუ არა განთავსებული კუნძულ კუბაზე მათი ბირთვული შეიარ-


ალება. მას შემდეგ რაც საბჭოთა დიპლომატმა დასმულ შეკითხვას არ უპასუხა, სტივენსონმა უშიშროების საბჭოს მხვერავი თვითმფრინავის მიერ გადაღებული ფოტოები წარუდგინა, რომელზეც კარგად ჩანდა კუნძულზე საბჭოთა სამხედრო ბაზები.

26 ოქტომბერს თეთრი სახლიდან კრემლში წერილი გაიგზავნა იმის შესახებ, რომ კუბიდან ბირთვული შეიარაღების გატანა იქნებოდა ორ სახელმწიფოს შორის ურთიერთობათა მოგვარების საწინდარი, თუმცა მეორედღეს ამერიკელებს დიდი სიურპრიზი ელოდათ.

27 ოქტომბერს კუბის თავდაცვის ძალებმა ამერიკული მხვერავი U-2 ჩამოაგდეს. ამ ფაქტმა უკიდურესად დაძაბა მდგომარეობა. საჭირო იყო დათმობებზე წასვლა ორივე სახელმწიფოს მხრიდან. წინააღმდეგ შემთხვევაში, ბირთვული კატასტროფა გარდაუვალი ხდებოდა. იმავე დღეს ამერიკელებმა კრემლს აუწყეს, რომ თანახმა იყვნენ ექვს თვეში თურქეთიდან გაეტანათ თავიანთი ბირთვული არსენალი იმ შემთხვევაში, თუ საბჭოთა კავშირი კუბიდან გაიტანდა თავის რაკეტებს. პარალელურად პრეზიდენტმა ვანშინგტონში საბჭოთა კავშირის საელჩოში მოლაპარაკებებზე გაგზავნა თავისი ძმა, იუსტიციის მდივანი და გენერალური პროკურორი რობერტ კენედი.



გაეროს უშიშროების საბჭოს სხდომა, 25.10.1962



28 ოქტომბერს ხრუშჩოვმა გასცა ბრძანება, კუბიდან ბირთვული შეიარაღების გატანის შესახებ.

სწორედ 28 ოქტომბერი ითვლება კარიბის კრიზისის დასრულების თარიღად. საბოლოოდ სანქციები კუბისადმი აშშ-მა 20 ნოემბერს შეწყვიტა, როდესაც კენედიმ კუბის წინააღმდეგ საზღვაო კარანტინის გაუქმების ბრძანება გასცა. ცოტა ხანში საბჭოთა კავშირმა კუნძულიდან თავისი შეიარაღება გაიტანა. პირობის შესაბამისად, ექვს თვეში აშშ-მა თურქეთიდან უკანასკნელი „იუპიტერი“ გაიტანა.

კრიზისის დასრულების შემდეგ ამ მოვლენებს აშშ-სა და საბჭოთა კავშირში განსხვავებული შეფასება მიეცა. ორივე მხარემ გამარჯვებულად საკუთარი თავი გამოაცხადა და ორივეს ჰქონდა თავისი ლოგიკა. ისტორიკოსთა შორის ამ თემის გარშემო კამათი დღემდე არ წყდება, თუმცა გაცილებით საინტერესოა რას ამბობდნენ ამაზე აშშ-ისა და სსრკ-ის ლიდერები.

კრიზისის დასრულების შემდეგ ნიკიტა ხრუშჩოვი აცხადებდა, რომ საჭირო იყო აზრთა გაცვლა ატომური და თერმობირთვული შეიარაღების აკრძალვის შესახებ... საერთაშორისო დამაბულობის თავიდან ასაცილებლად. პირველ ნოემბერს კენედისადმი გაგზავნილ წერილში იგი წერდა: „ჩვენ გადავბიჯეთ ჩვენს თავმოყვარეობას და ორივე კმაყოფილი დავრჩით... მე ვიტყოდი – ჩვენ, ორივემ,

დავუთმეთ გონიერებას და გამოვანახეთ ნათელი გამოსავალი, რომელმაც ყველას მისცა მშვიდობის გარანტია“.

რაც შეეხება კენედის, მან ერთი წლის შემდეგ სტუდენტების წინაშე გამოსვლისას ბირთვულ კრიზისს ასეთი შეფასება მისცა: „საბოლოოდ მთავარი, რაც ჩვენ გვაკავშირებს, ეს არის პლანეტა, რომელზეც ვცხოვრობთ, პაერი, რომლითაც ვსუნთქავთ. ჩვენთვის, ყველასთვის უმთავრესია შვილების მომავალი და, რაც მთავარია, არ უნდა დავივიწყოთ, რომ ყველანი მოკვდავნი ვართ“.

მნელია არ დაეთანხმო კენედის. ■



ჯონ კენედი და ნიკიტა ხრუშჩოვი



**ახალმეკვლეული
1710 წლის
ქველნახაჭდი
კონდაკი
საინტორიო
მინაწარავით
(XVIII-XIX სს.)**

2009 წელი საქართველოში სასტამბო ხელოვნების საიუბილეო წელი იყო. სასტამბო საქმეს ჩვენში სამასწლოვანი ისტორია აქვს. ქართული სტამბის დაარსება ქართლის გამგებლის, შემდგომში მეფის ვახტანგ VI-ს (1716-1724) სახელს უკავშირდება. ვახტანგის სტამბაში დაბეჭდილი წიგნებისათვის დართული ანდერძები ძვირფას ცნობებს გვაწვდიან ამ საქმის მოთავეებისა და მონაწილეების შესახებ. სწორედ აღნიშნული ანდერძებიდან ირკვევა, რომ იმხანად ქართლის გამგებლად მყოფი ვახტანგ VI-ს (1703-1712) ინიციატივით, იერუსალიმის პატრიარქის ხრისანთეს ხელშეწყობითა და ვლახეთში მოღვაწე წმ. ანთიმოზ ივერიელის (1650-1717) მონაწილეობით თბილისში გამოიგზავნა ანთიმოზის მოწაფე უნგროვლახელი მიხეილ იშტვანოვიჩი, რომელმაც 1708-1709 წლებში თბილისში მტკვრის პირას, მეფის სასახლის ახლოს, პირველი ქართული სტამბა გაართა. 1709 წელს თბილისის სტამბაში დაიბეჭდა „სახარება“, „დავითნი“ და „სამოციქულო“. ვახტანგის სტამბის რევით მეოთხე გამოცემა 1710 წლის კონდაკი იყო. ამის შემდეგ 1710-1722 წლებში სულ თოთხმე-

ტი დასახელების სასულიერო, სასწავლო და საერო ხასიათის წიგნი დაიბეჭდა. ვახტანგის სტამბამ 1722 წლამდე იარსება. მისი რუსეთში ემიგრაციის შემდეგ თბილისის სტამბამ არსებობა შეწყვიტა. ამთავითვე უნდა ითქვას, რომ თბილისის სტამბაში დაბეჭდილი ყველა წიგნი რარიტეტული თვალსაზრისით თანაბრად მნიშვნელოვანია, მაგრამ ამჟამად ჩვენი ინტერესის საგანს 1710 წლის კონდაკი წარმოადგენს.

2007 წლის 19 იანვარს ისტორიულ სიძველეთა ძიებისას დუშეთის რაიონის სოფელ ჭართალში ჩიტაურების საოჯახო ბიბლიოთეკაში მივაკვლიე ბიბლიოგრაფიულ იშვიათობად ქცეულ 1710 წლის კონდაკის კიდევ ერთ, რიგით მეთხუთმეტე ვგზემპლარს. წიგნი მეპატრონის, ნელი ჩიტაურის სურვილით ხელნაწერთა ეროვნულ ცენტრს გადაეცა. კონდაკთან ერთად აღმოჩნდა, საუარაუდოდ, XIX საუკუნის კურთხევანი, რომელიც თავის მხრივ მერმინდელ მინაწერებს შეიცავს.

1710 წლის კონდაკის შესახებ სამეცნიერო საზოგადოებას პირველი, ზოგადი ხასიათის ცნობები მიაწოდა დიმიტრი ბაქრაძემ, რომელ-

მაც 1873 წელს ქუთაისში, სვიმონ აბაშიძის ოჯახში მიაკვლია კონდაკის ერთ-ერთ ეგზემპლარს და რამდენიმე ცნობა გამოაქვეყნა წიგნში: „არქეოლოგიური მოგზაურობა გურიასა და აჭარაში“. 1875 წელს გაზეთ „დროების“ №38-ში დაიბეჭდა დავით წერეთლის სტატია, რომელსაც ამავე წელს საჩხერეში უნახავს კონდაკის ერთი ეგზემპლარი. მოგვიანებით ისტორიკოსი დიმიტრი ბაქრაძე მოკლედ აღწერს ამ წიგნს. 1710 წლის კონდაკს მეცნიერი ალფურთოვანებია, რაც გასაკვირი ნამდვილად არ არის, ვინაიდან წიგნში გამოყენებული შრიფტის მრავალფეროვნება და მისი შემკულობა ქართული სასტამბო საქმის დიდ წარმატებაზე მეტყველებს.

1710 წლის კონდაკს XIX-XX საუკუნის ქართველ მკვლევართა პუბლიკაციებში მნიშვნელოვანი ადგილი უჭირავს. წიგნი ხისაა ტყავის გარეკანით, რომელიც გემოვნებითაა დამუშავებული. ძირითადი ტექსტი ნაბეჭდია ნუსხახუცურით. ასევე გამოყენებულია ქართული ასომთავრული და მხედრული, აგრეთვე ბერძნული შრიფტი. გამოცემა თავფურცლიდან მოყოლებული ბოლო გვერდამდე ბეჭდვითი ხელოვნების იშვიათი ნიმუშია. წიგნის გაფორმების ტექნიკა დახვეწილია და ცალკეული ფურცელი ორნამენტული დეკორითაა შემკული.

კონდაკის თავფურცლის ტექსტი საინტერესო ინფორმაციას გვაწვდის ამ წიგნის რაობის, მისი დაბეჭდვის ადგილის, დროისა და უშუალო მონაწილეთა შესახებ.

დასაწყისში აღნიშნულია წიგნში თავმოყრილი ტექსტების შესახებ. კრებული სასულიერო ხასიათისაა, სადაც შესულია სამი დიდი წმინდა მამის — იოანე ოქროპირის, ბასილი დიდისა და გრიგოლ დილოლოს ლიტურგია და ასევე სამღვდელმსახურო დანიშნულების ტექსტები.

თავფურცელზე მოიხსენიებიან ისტორიული პირები:

„აწ ახალი დაბეჭდილი ქართულსა ენასა ზედა, ჟამსა ამაღლებულისა მეფისა უფლისა უფლისა ქაიხოსროსსა.

შრომითა წარსაგებელითა საფასეთათა განმგებლისა მისისა ბატონის შვილის უფლისა უფლისა ვახტანგისსა.

გაიმართა ხელითა გერმანე მღვდელ-მონაზონისათა.

ხელითა მესტამბე მიხაილ სტეფანე შვილისა უნგროვლახელისა.

ქალაქსა ტფილისისასა ქრისტეს აქეთ ჩლი“.


აქ მოხსენიებული მღვდელ-მონაზონი გერმანე სარედაქციო საქმეს ეწეოდა. მან 1711 წელს სტამბაში დაბეჭდა წიგნი: „სწავლა, თუ ვითარ ჰმართებს მოძღვარსა სწავლება მოწაფისა“, რომელიც ერთგვარი სახელმძღვანელოა.

თავფურცლის მეორე გვერდზე წარმოდგენილია ბაგრატიონთა საგვარეულო გერბი. გერბის გარშემო წარწერაა: „ფეუცა უფალი დავითს ჭეშმარიტებითა და არა შეურაცხყოს იგი ნაყოფისაგან მუცლისა შენისა დაესვა საყდართა შენთა“.

გერბის ცენტრალურ არეზე გამოსახულია ოთხკუთხა ჩარჩოში ჩასმული უფლის კართი, რომელიც მთის მწვერვალზე აქეთ-იქიდან უჭირავს ორ ლომს წინა თათებით. დავითის ქნარი და შურდული ატანილია ჩარჩოს მალა, გადაჯვარედინებულ სკიპტრასა და ხმალს ზემოთ მდებარე გვირგვინის ქვეშ. მარცხნივ



ვახტანგ VI-ს მინიატიურა კონდაკის ფურცელზე



მინაწერი, რომელშიც იხსენიება გიორგი, ლევანი, თუთა და ვახტანგი

გამოსახულია ჯვრიანი სფერო, მარჯვნივ კი — სასწორი. ბაგრატიონთა გერბის ქვეშ მისი სიმბოლიკის განმარტებაა ლექსად, რომელშიც მინიშნებულია ბაგრატიონთა დინასტიის ღვთაებრივი წარმოშობის შესახებ:

„ამ შურდულითა დავით სძლო გოლიათს,
არ თუ ზაგებდა.
ლომნი ტახტისა სოლომონს შვიდ
სიბრძნეს მოუსწავებდა.
მხსნელი, ვინ აღთქმას უდებდა,
ქმნულთ ვერე გაუთავებდა
და, ვით ძალედვა და შეჰგვანდა,
მის მტერზედ ვერე დაგებდა.
ქართველთ მეფენი დავითის გვარტომობით,
მოდგამობითა,
თვით ყოვლად წმიდა, უბიწო არს
მათ ძირთაგან შობითა.
ვართ მისთვის წილად ზღომილნი და
მისის იმედობითა;
და ამაღ არ ვიქმნეთ უხილველ, მტერთაგან
ლაზვარ სობითა“.

ტექსტის მიხედვით ბაგრატიონები ებრაელთა მეფის დავით წინასწარმეტყველის ხორციელი შთამომავლები და ღვთისმშობლის ნათესავები არიან.

წიგნის მომდევნო გვერდზე წარმოდგენილია ვახტანგ VI-ს ანდერძი, რომელშიც მოხსენიებულია მისი გვირგვინოსანი წინაპრები, მშობლები და მეუღლე. ასევე ანდერძიდან ვიგებთ, თუ რა მიზანს ემსახურებოდა სტამბის დაარსება.

„სადიდებელად წმიდისა სამებისა, მე, გვარტომობით, ძირმოდგმობით დავითიანმან,

ძის ძემან სახელგანთქმულის მეფის ვახტანგ-ისამან, ძმის წულმან ქებულის მეფის არჩილისამან და დიდად სახელოვანის ქართველთ მეფისა გიორგისამან და ძემან დიდად პატიოსანის ლევანისამან, გამგებელმან ქართლისამან, ბატონის შვილმან ვახტანგ, მოვიყვანე მესტამბე ვლახეთით და გავაკეთე სტამბა სახსრად სულთა წინათქმულთა მეფეთასა, მამისა და დედისა ჩემისა გურიელის ასულის თუთასათვის, სალხინებელად სულისა ჩემისა და მეუღლისა ჩემისა ჩერქეზის ბატონის ასულის რუსუდანიისა, ძეთა და ასულთა ჩემთა აღსაზრდელად“.


ამდენად, სტამბის მოწყობა და მისი ფუნქციონირება ერთობლივად ხელს უწყობდა როგორც სულის სასარგებლო, ასევე საზოგადოების სწავლა-განათლების საქმეს.

შემდეგ სამ გვერდზე მხედრული შრიფტითა დაბეჭდილი უნგროვლახელი მიხეილ იშტვანოვიჩის, ქართულად სტეფანეშვილის ანდერძი.

წიგნში გვხვდება სულთმოფენობის და ჯვარცმის სახარებისეული სცენები, აგრეთვე მაცხოვრისა და დიდი საეკლესიო მამების ბასილი დიდის, იოანე ოქროპირისა და გრიგოლ დიოლოლოსის იკონოგრაფიული გამოსახულებები.

წიგნის ბოლო ფურცლის verso-ზე ვახტანგ VI-ს ცნობილი გრაფიკული პორტრეტი დასტამებული. პორტრეტის ირგვლივ ასომთავრული წარწერაა:

„მადიდებელი წმინდისა სამებისა და ერთარსებისა, ძე, გვარტომობით, დავითიან სო-



ლომონიან პანკრატიონი, ძე, ძირითადან კეთილოვანთა, ძის ძე მეფეთა, გამგებელი ქართლისა ბატონისშვილი ვახტანგ, მოძღუბი ბეჭდისა ამის, — უფალო! დაიცვე ორთავე შინა ცხოვრებასა მეუღლით, ძით და ასულით“. გამოცემაში პორტრეტის მოთავსება უნდა აღნიშნავდეს ვახტანგის პირად დამსახურებას სტამბის მოწყობის საქმეში.

აქვე მხედრული ასოებით დაბეჭდილია რუმინული ლექსი, ხოლო მის ზემოთ ამავე ლექსის ქართული ვარიანტია:

**„ვითარცა უცხონი იხარებენ ხილვასა
ზედა თავისთა სამკვიდრებელთასა
და ზღვათა შინა მავალნი ხილვასა ზედა
ნავთსაყუდელთასა,
ვერცა მესტამბენი იხარებენ
განსრულებასა ზედა წიგნთასა“.**

წიგნის ისტორიულ ღირებულებასა და მის მნიშვნელობას თავის მხრივ განსაზღვრავს არშიებზე დატანილი XVIII-XIX საუკუნეების მინაწერები, რომლებიც ძირითადად წიგნის გვიანდელ მეპატრონეთა მიერაა შესრულებული. თუმცა აქვე გვხვდება სრულიად განსხვავებული ხელნაწერი ტექსტი, რომელიც თვით კონდაკსე ადრეულია და ამ კონკრეტულ შემთხვევაში, მოსაზრებას გვიქმნის ბეჭდვის პროცესისა ქაღალდის გამოყენების თავისებურებებზე.

ადრეული ხელნაწერი ტექსტი დაშლილია ცალ-ცალკე და ამგვარად იკითხება: „უნდა სწიროს მეფის გიორგისათვის, ლევანისათვის, თუთასათვის, ვახტანგისათვის“.

აღსანიშნავია, რომ წარწერა ფურცლის ზედა კიდეზეა შესრულებული, ხოლო ასოების ზედა ნაწილი ერთხაზოვნად წაჭრილია. როგორც ჩანს, მესტამბეს უკვე ხმარებული ქაღალდი, სადაც აღნიშნული ტექსტი იყო შესრულებული, დაუჭრია და თავისი მიზნებისათვის დასაბეჭდად გაუმზადებია. გვირგვინოსანი მეფე გიორგი XI აქ ცოცხლად იხსენიება. მისი მეფობა 1702-1709 წლებით განისაზღვრება, შესაბამისად, ტექსტიც ამავე პერიოდს უნდა განეკუთვნებოდეს.

მინაწერები კალიგრაფიითა და წერითი სტილით ერთმანეთისგან განირჩევა. ამ კოლოფონებიდან ყველაზე ადრეული უნდა იყოს იოსებ ბერიძის ხელით შესრულებული მინაწერები, რომელიც საუარაუდოდ, XVIII საუკუნისა უნდა იყოს. აქვე იხსენიება ზაქარია, რომელიც XIX საუკუნის I ნახევარში ჭართლის თორმეტი მოციქულის სახელობის ტაძარში წირავდა, ხოლო მისი ვაჟი იაკობ ჩიტაური, რომლის სახელიც ამავე მინაწერებში დასტურდება, XIX საუკუნის II ნახევარში მოღვაწეობს. ხალხში შემონახული გადმოცემით, იგი საკმაოდ განსწავლული და გავლენიანი პიროვნება ყოფილა.

ამჟამად, ჩვენ მიერ მიკვლეული 1710 წლის კონდაკი ხელნაწერთა ეროვნულ ცენტრშია დაცული. წიგნი ძლიერ იყო დაზიანებული. აღსანიშნავია, რომ დღეს წიგნს რესტავრაცია უტარდება. ვინ იცის, კიდევ რამდენ ასეთ ისტორიული მნიშვნელობის ხელნაწერს, დოკუმენტს თუ ნივთს ინახავს ჩვენი მადლიანი და კურთხეული მთა. ■

ინგუშებს ახს ხანები ჰყოციათ, ახს ბაბები და ახს თაჰალები...

თუ ინგუშს ვაჟი მოუკვდებოდა, მასთან მივიდოდა იმავე წელს გარდაცვლილი ქალიშვილის მამა. ეს უკანასკნელი ვაჟის მამას ეუბნებოდა, შენს შვილს იმ ქვეყანაში ცოლი სჭირდება და მე მას ჩემი ქალიშვილის ხელს ვაძლევო. არ შეიძლებოდა გარდაცვლილი ქალიშვილის მამისთვის უარი ეთქვათ. ამ შემთხვევაშიც გარდაცვლილი ვაჟის მამა ჩვეულებრივ ურვადს იხდიდა, სასიძოსთვის დაწესებულ საკმაოდ დიდ საქონრწინო გადასახადს.

ინგუშები

სტუმრის ეთნიკურობასა და სარწმუნოებას მნიშვნელობა არ ჰქონდა. ოჯახის უფროსი პასუხისმგებელი იყო სტუმრის სიცოცხლეზე.

სტუმართმოყვარეობის დამრღვევი მკაცრად გაიციცხებოდა და თემი ისე სჯიდა, როგორც დამნაშავეს.

სტუმართმოყვარეობის ცრადიცია ინგუშეთში ფაქტობრივად არ ირღვეოდა. სტუმართმოყვარეობის კანონი სისხლის აღების კანონზე მაღლა იდგა.

ინგუშები კავკასიის ერთ-ერთი უძველესი ხალხია. ინგუშების თვითსახელწოდებაა ღალღაი. 2002 წლის მონაცემებით რუსეთის ფედერაციაში 412 ათასი ინგუში ცხოვრობდა. გარდა ინგუშეთისა ისინი კომპაქტურად მკვიდრობენ ჩრდილოეთ ოსეთშიც. ეს ტერიტორია — პრიგოროდნის რაიონი — ოსებს საბჭოთა ხელისუფლებამ მეორე მსოფლიო ომის ბოლოს, ინგუშთა შუა აზიაში გადასახლების შემდეგ გადასცა. 1989 წლის მო-

ნაცემებით, ჩრდილოეთ ოსეთში 32,8 ათასი ინგუში ცხოვრობდა. მცირე ჯგუფებად მკვიდრობენ ყაზახეთში, შუა აზიასა და მას-ლობელი აღმოსავლეთის ქვეყნებში.

ინგუშები ჩაჩნების მონათესავენი არიან. ინგუშური და ჩაჩნური ენები იბერიულ-კავკასიურ ენათა ოჯახის ნახურ ჯგუფში შედის. ინგუშების თვითსახელწოდება მათი ერთ-ერთი ლოკალური ტერიტორიული ჯგუფის სახელიდან — ღალღებიდან მომდინარეობს, რომლებსაც სხვანაირად ხამხელებსაც უწოდებდნენ. ლეგენდის თანახმად, ინგუშების (ღალღაელების) წინაპარს ერქვა ღა, რომელსაც ორი შვილი — ღალღაი და ღაბერტე ჰყავდა. გარდა ღალღებისა (ხამხელებისა) ინგუშების ლოკალური (ტერიტორიული) ჯგუფები იყო აგრეთვე: ჯარიახელები, მეცხალელები (იწოდებოდნენ ქისტებადაც), ცორიელები, გალაშელები, ნაზრანელები. ქართული საისტორიო წყაროებით, ინგუშები ღლიღვებად იწოდებოდნენ. მათ მეზობელი ქართველი მთიელები ქისტებადაც მოიხსენიებდნენ, თუმცა ეს ეთნონიმი ჩაჩნებსაც აღნიშნავდა. რაც შეეხება ეთნონიმს „ინგუში“, ის წყაროებში

XVIII საუკუნის დასაწყისში გაჩნდა და მომდინარეობს სოფელ ანგუშტის სახელწოდებით. რუსებმა ანგუშტის სწორედ ამ სოფლის — ანგუშტის საშუალებით გაიცნეს და ხალხსაც მთლიანად სოფლის სახელიდან გამომდინარე „ანგუშები“ დაარქვეს, რაც შემდეგ საყოველთაოდ გავრცელდა.

ოდესღაც ანგუშები და ჩაჩები კავკასიის მთისწინეთსა და ბარშიც მკვიდრობდნენ. მთებში საბოლოოდ ირანული, თურქული და მონღოლური მომთაბარე ტომების თარეშის შედეგად შევიდნენ. ანგუშური (და ჩაჩური) გადმოცემებით, მათი წინაპრები ებრძოდნენ იურტებში მცხოვრებ მოსულთა დიდ ურდოებს.

ანგუშების მთიდან ბარში მიგრაცია XVI-XVII საუკუნეებში დაიწყო. დღევანდელი განსახლების არეალი კი XVII საუკუნიდან ჩამოყალიბდა. ანგუშებს XVI-XVIII საუკუნეებში უცხოვრიათ ლარსის მიდამოებში. XVIII საუკუნის 20-იან წლებამდე ვაინახური მოსახლეობა აქ ოსურმა შეცვალა. XVIII საუკუნეში ლარსში, ჩშიში და ბალთაში მცხოვრები ოსები ანგუშებს მიწის სარგებლობისთვის გადასახადს უხდიდნენ. ანგუშებს უცხოვრიათ ქურთათისა და დარგვის ხეობებშიც, საიდან-

აც ყაბარდოელთა და ოსთა ზეწოლის გამო, აყრილან და სანიბის ხეობაში დასახლებულან, შემდეგ კი — ჩმის გავლით, თურგის მარჯვენა ნაპირზე. იგივე შეიძლება ითქვას მდ. არმზის ხეობაზე, სადაც XVIII საუკუნეში ოსები დასახლდნენ.

ანგუშებისა იყო თანამედროვე ვლადიკავკაზის ტერიტორიაც. აქ არსებულ ანგუშურ სოფელს ზაუროო (ზაურეგი) ერქვა, რომელშიც შერეული იყო გამოქცეული ოსური გვარებიც. ამ ადგილზე შემდეგ რუსული ციხესიმაგრე ვლადიკავკაზი გაჩნდა, რომელიც დღეს ჩრდილო ოსეთის დედაქალაქია. ანგუშური იყო ვლადიკავკაზის პრიგოროდნის რაიონიც.

ანგუშეთი რუსეთის შემადგენლობაში 1810 წელს შევიდა. ხელშეკრულება, რომელსაც ანგუშების მხრიდან ხელს შეიდი გავლენიანი გვარის წარმომადგენელი აწერდა, საშუალებას აძლევდა მათ გადასახლებულიყვნენ ბარში, რუსეთის ქვეშევრდომობაში გადასვლის პირობით. 1810 წლის შემდეგ ნაზრანის რაიონში და უფრო ჩრდილოეთითაც წარმოიქმნა მრავალრიცხოვანი ანგუშური დასახლება. XIX საუკუნის II ნახევარში ანგუშური მო-

ანგუშეთში შემორჩენილია მრავალი ქრისტიანული ძეგლი. ანგუშეთის მთებში ჯერ კიდევ XVII-XVIII საუკუნეებში მოსახლეობა ქრისტიანულ რელიგიას აღიარებდა. ის აქ საქართველოდან XII საუკუნეში გავრცელდა. შემორჩენილია ტაძრები: თზაბა-ერდი, ალი-ერდი, თარგიმი...



თზაბა-ერდის ძველი ეკლესია



წარმოადგენდა. მთაში წამყვანი მესაქონლეობა იყო, დაბლობში — მიწათმოქმედება. მოშენებული ჰყავდათ მთის პირობებთან შეგუებული ადგილობრივი ჯიშის პირუტყვი. მთის მიწათმოქმედების განვითარებულობაზე მიუთითებს თითქმის ყველგან შემორჩენილი ხელოვნური ტერასებიც. ბარში მიწის სათემო საკუთრება არსებობდა და სახნავე მიწა გადანაწილდებოდა 3-6 წელიწადში ერთხელ. მთაში მიწას ძირითადად ნაცვალგარდად ამუშავებდნენ. მთაში წამყვანი სასოფლო-სამეურნეო კულტურა ქერი და ხორბალი იყო, ბარში — სიმინდი.

ძველი ინგუშური სოფლები მთის ციცაბო ფერდობებსა და ჩაკტილ ხეობებში იყო განლაგებული. ისინი ერთმანეთსა და გარე სამყაროს ვიწრო ბილიკებით უკავშირდებოდნენ. სოფელი ჩვეულებრივ 6-10 კომლისგან შედგებოდა და ძირითადად ერთი პატრონიმით (სანათესაო წრე, გვარის დანაყოფი) იყო

სახლეობის უმეტესობა უკვე დაბლობში მკვიდრობდა.

1924 წელს შეიქმნა ინგუშეთის ავტონომიური ოლქი, რომლის ადმინისტრაციული ცენტრი ქალაქ ვლადიკავკაზში მდებარეობდა. 1934 წელს ის შეუერთდა ჩაჩნეთის ავტონომიური ოლქს. 1936 წელს ჩაჩნეთ-ინგუშეთის ავტონომიური ოლქი გარდაიქმნა ავტონომიურ რესპუბლიკად. 1944 წელს ინგუშები, ჩაჩნებთან ერთად გადაასახლეს შუა აზიასა და ყაზახეთში; რესპუბლიკა გაუქმდა. ტოტალური რეჟიმის პირობებში ინგუშთა ეთნოსი გაქრობის წინაშე დადგა. 1957 წელს ჩაჩნეთ-ინგუშეთის რესპუბლიკა აღადგინეს, ხალხი დაბრუნდა თავის მიწა-წყალზე. მიუხედავად ამისა, პროგნოზის რაიონი, რომელიც დაბლობის ინგუშეთის ნახევარს შეადგენდა, საბჭოთა იმპერიამ ჩრდილო ოსეთის რესპუბლიკას დაუტოვა, რაც ინგუშებსა და ოსებს შორის კონფლიქტის მიზეზად იქცა. ოსებმა მთელი ამ პერიოდის განმავლობაში ინგუშთა მიწები და სახლები მიითვისეს. 1992 წელს, რუსეთის შემადგენლობაში, დამოუკიდებელი ინგუშეთის რესპუბლიკა ჩამოყალიბდა. ჩრდილოეთ ოსეთთან შეიარაღებული კონფლიქტისა და ჩაჩნეთში ომის გამო დაახლოებით 60 ათასი ინგუში შესახლდა ინგუშეთში.

XIX საუკუნესა და XX საუკუნის დასაწყისში ინგუშების ძირითად სამეურნეო საქმიანობას მესაქონლეობა და მიწათმოქმედება



დასახლებული. ზოგიერთი გვარი ერთ-მანეთისგან ახლოს მდებარე რამდენიმე სოფელში მკვიდრობდა. თითქმის ყველა სოფელში იყო თავდასაცავი, საცხოვრებელი და სათვალთვალო კოშკები. საცხოვრებლის გავრცელებული ტიპი ქვის ორსართულიანი სახლი იყო. ქვედა სართული, ჩვეულებრივ, პირუტყვის სადგომს წარმოადგენდა, ზედა კი — საცხოვრებელს. სასტუმრო სახლი საცხოვრებელი სახლისგან მოშორებით იდგა. დიდი რაოდენობით გვხვდებოდა სამსართულიანი საცხოვრებელი კოშკებიც, რომლებშიც გაუყოფელი, დიდი ოჯახები ცხოვრობდნენ. ყველა ინგუშური საბრძოლო კოშკი არქიტექტურის ღირსშესანიშნავ ძეგლს წარმოადგენს. თუ საცხოვრებელი კოშკების სიმაღლე 10 მეტრს აღწევდა, ნახევრად საბრძოლო კოშკების სიმაღლე 12-დან 16 მეტრამდე მერყეობდა. კლასიკური საბრძოლო კოშკები, რომლებსაც პირამიდული გადახურვა ჰქონდა, 5-6-

სართულიანი იყო და მათი სიმაღლე 25-27 მეტრს აღწარბებდა. ინგუშები კოშკებსა და სხვა ნაგებობებს თავიანთ საზღვრებს გარეთაც აშენებდნენ. გადმოცემით ინგუშებს ბევრი კოშკი აუშენებიათ ოსეთში.

XIX-XX საუკუნეების მიჯნაზე ინგუშების ტანსაცმელი თითქმის ისეთივე იყო, როგორც ჩრდილოეთკავკასიელი მეზობელი ხალხებისა. მამაკაცის კოსტიუმის სპეციფიკური ელემენტია თავსაბურავი — მაღალი, ზედა ნაწილისაკენ გაფართოებული ფაფახი. ინგუში ქალების თავსაბურავი რქის მოყვანილობის იყო. ასეთი სახის თავსაბურავი XV-XVII საუკუნეების აკლდამებშიც (მიწისზედა დასაკრძალავ ნაგებობებში) არის დაფიქსირებული.

შუა საუკუნეების ინგუშეთში განვითარებული იყო საიუველირო საქმიანობა. ინგუშები იარაღის (ფარი და მახვილი, საბრძოლო დანა, ხანჯალი, ხის მშვილდ-ისარი) შესანიშნავი ოსტატებიც იყვნენ. მჭედლები ამზადებდნენ ცხვრის საკრეჭ მაკრატლებს, დანებს, ქვაბებს, ნამგლებს და სხვ. მნიშვნელოვანი ადგილი ეკავა აგრეთვე ხის, ქვის, ტყავის დამუშავებას. XVIII საუკუნეში ინგუშები ტყავგადაკრულ ხის მრგვალ ფარებს, პირდაპირ და მოღუნულტარიან ხანჯლებს ატარებდნენ.

ინგუშეთის მოსახლეობა სოციალურად დიფერენცირებული არ ყოფილა. მათ არც ხანები, ბეგები და თავადები ჰყოლიათ. სოციალური დიფერენციაციის ტენდენციებს თემი ძირშივე სპობდა. ინგუშეთის მთის საზოგადოების მთავარ ფიგურას თავისუფალი მეთემე წარმოადგენდა. ადგილობრივი თვითმმართველობის ძირითადი ორგანო სასოფლო თემი იყო. საოჯახო ურთიერთობებში შემორჩენილი იყო დიდი ოჯახი, პატრონიმია, ლევირატი, მრავალცოლიანობა. დიდი ოჯახები უფრო მეტი რაოდენობით მთაში არსებობდა. ინგუშებში ქორწინება ეგზოგამიური იყო, რაც მათი ყოფისათვის დღესაც დამახასიათებელია. ნათესაებს შორის საქორწინო კავშირები მერვე და მეთორმეტე თაობამდეც იკრძალებოდა. დასაქორწინებლად საჭირო იყო არა მხოლოდ მამის, არამედ პატრონიმიის უხუცესის თანხმობაც. ქორწინებისას ერთგვარ დაბრკოლებას წარმოადგენდა ურვალი, სასიძოსთვის დაწესებული საკმაოდ დიდი გადასახადი. XIX საუკუნეში ინგუშთა ყოფაში საინტერესო წეს-ჩვეულება დაუფიქსირებიათ. თუ ინგუშს ვაჟი მოუკვდებოდა, მასთან



კოშკები ინგუშთა სიამაყეა!..



მივიდოდა იმავე წელს გარდაცვლილი ქალიშვილის მამა. ეს უკანასკნელი ვაჟის მამას ეუბნებოდა, შენს შვილს იმ ქვეყანაში ცოლი სჭირდება და მე მას ჩემი ქალიშვილის ხელს ვაძლევო. არ შეიძლებოდა გარდაცვლილი ქალიშვილის მამისათვის უარი ეთქვათ. ამ შემთხვევაშიც გარდაცვლილი ვაჟის მამა ჩვეულებრივ ურვადს იხდიდა.

საინტერესოა პირმშოსთვის სახელის დარქმევის წეს-ჩვეულება. პირველი ვაჟისადმი მიძღვნილ ლხინზე სახელს ნათესავი მამაკაცები არქმევენ. ისინი კოჭს აგდებდნენ. ვისაც კოჭი აღჩუზე დაუჯდებოდა, სახელსაც ის დაარქმევდა.

სისხლის ადება მთელი გვარის ვალდებულებას წარმოადგენდა, მაგრამ პირველ რიგში, ის ახლო ნათესავების — პატრონიმის წევრების საქმე იყო. ხშირად შურისძიება თაობიდან თაობაზე გადადიოდა. ინგუშეთში სრული სისხლის გადასახადი დაახლოებით 130 ძროხა იყო. ასეთ შემთხვევაში ახლო ნათესავები რვა-რვა ძროხას იხდიდნენ, ყველაზე შორეული ნათესავები კი — თითო თხას.

დაკრძალვაში მთელი გვარი მონაწილეობდა. წარსულში, როდესაც ინგუშები სინკრეტული — ნახევრად წარმართული და ნახევრად ქრისტიანული რწმენა-წარმოდგენების მიმდევრები იყვნენ, დაკრძალვის ცერემონია თითქმის ისეთივე ჰქონდათ, როგორც ქართ-

ველ მთიელებს (აწეობდნენ დოღს, ისროდნენ მიზანში, მართავენენ ქელქეს).

ინგუშეთში იყო ტრადიცია მიცვალებულის მიწისზედა ნაგებობაში ანუ აკლდამაში დაკრძალვისა. გადმოცემებით, ინგუშები მიწისზედა აკლდამებს არა მარტო ინგუშეთში, არამედ მეზობელ ოსეთშიც აგებდნენ. აქ ასეთი თქმაც ყოფილა: „აღამიანს სიცოცხლეში სჭირდება კოჭი, სიკვდილის შემდეგ კი — აკლდამა“. ინგუშები მიწისზედა დასაკრძალავ ნაგებობას „მალხ-კატს“-ს („მზის სამარეს“) უწოდებდნენ. მთის ბუნებრივ-გეოგრაფიულ პირობებში აკლდამაში ჩასვენებული მიცვალებული მუმიფიცირდებოდა. ინგუშეთში აკლდამები ოთხფერდა სახურავიანი და ფიქალით გადახურული იყო. ერთი შეხედვით, ისინი საბრძოლო გადაკვეთილ კოშკებს წააგავდნენ. ყველა ასეთ აკლდამას ორი ან სამი საძრომი ჰქონდა, საიდანაც მიცვალებულს ასვენებდნენ. თითოეული აკლდამის შიგნით მოწყობილი იყო ხის ან ქვის ტახტები, რომლებზედაც მიცვალებულს შეასვენებდნენ. ინგუშეთში მიწისზედა აკლდამები, ძირითადად, საგვარეულო იყო.

ინგუშთა საზოგადოებრივ ყოფაში უმნიშვნელოვანესია სტუმართმოყვარეობის ტრადიცია. სტუმრის ეთნიკურობასა და სარწმუნოებას მნიშვნელობა არ ჰქონდა. ოჯახის უფროსი პასუხისმგებელი იყო სტუმრის სიცოცხლეზე. სტუმართმოყვარეობის დამრღვევი მკაცრად

*სისხლის აღება მთელი გვარის
ვალდებულებას წარმოადგენდა, მაგრამ
პირველ რიგში, ის ახლო ნათესაების —
პატრონიმის წევრების საქმე იყო.
ხშირად შურიძიება თაობიდან თაობაზე
გადადიოდა. ინგუშეთში სრული
სისხლის გადასახადი და ხლოებით
130 ძროხა იყო. ასეთ შემთხვევაში
ახლო ნათესაები რვა-რვა ძროხას
იხდიდნენ, ყველაზე შორეული
ნათესაები კი — თითო თხას.*

გაიკიცხებოდა და თუმი ისე სჯიდა, როგორც
დამნაშავეს. სტუმართმოყვარეობის ტრადიცია
ინგუშეთში ფაქტობრივად არ ირღვეოდა. სტუ-
მართმოყვარეობის კანონი სისხლის აღების
კანონზე მაღლა იდგა.

ინგუშები სუნიტი მაჰმადიანები არიან. მა-
გრამ ეს სარწმუნოება მათთან საკმაოდ გვი-
ან შეიჭრა და საბოლოოდ XIX საუკუნის
პირველ ნახევარში განმტკიცდა. ინგუშეთში
შემორჩენილია მრავალი ქრისტიანული
ძეგლი. ინგუშეთის მთებში ჯერ კიდევ XVII-
XVIII საუკუნეებში მოსახლეობა ქრისტიან-
ულ რელიგიას აღიარებდა. ის აქ საქართვე-

ლოდან XII საუკუნეში გავრცელდა. შემორჩე-
ნილია ტაძრები: თხაბა-ერდი, ალი-ერდი,
თარგიმი...

ინგუშეთში ყველაზე გავრცელებული იყო
მოსავლის მფარველის „მიაცელას“ კულტი,
რომელსაც იენისის ბოლოს მსხვერპლს სწი-
რავენენ.

ინგუშთა მუსიკალურ შემოქმედებას ბევრი
რამ საერთო აქვს მეზობელი ხალხების მუსი-
კასთან. ყველაზე გავრცელებული მუსიკა-
ლური ინსტრუმენტი იყო სამსიმიანი ფან-
დური („პანდირ“). ინგუშებში ძალიან პოპუ-
ლარული იყო მასობრივი ცეკვა („სიმდი“).
ცეკვები სიმღერების თანხლებით სრულდებოდა.

ინგუშებს საუკუნეების განმავლობაში
მჭიდრო ურთიერთობა ჰქონდათ ოსებსა და
ქართველ მთიელებთან. არა ერთი და ორი
გვარია ინგუშეთსა და ოსეთში, რომლებსაც
საერთო წარმომავლობა აქვთ. ქართულ-ინგუ-
შური საუკუნოვანი მჭიდრო ურთიერთობის
დამადასტურებელია ინგუშეთში ქართული
ქრისტიანული ძეგლების არსებობა. საუკუნეე-
ბის განმავლობაში ინტენსიური მიგრაციული
პროცესები მიმდინარეობდა ინგუშეთიდან
საქართველოში და პირიქით. ინგუშური წარ-
მომავლობის გვარებიდან ხამხაძისა და ლლილ-
ვაშვილის დასახელებაც საკმარისია. ■



ინგუშების ქორწილი

ამბები გოდერძი ჩოხელი ცხოვრებიდან...

სიკვდილთან დამპობილებული გინახავთ ვინმე?

სიკვდილის შეფარება შეძლება ვინმე კაცთაგანს?

გოდერძი ჩოხელმა შეძლო. ზომ გახსოვთ, მისი ადამიანად მიწაზე ჩამოსული ზორციელი სიკვდილი რამხელა სიყვარულს ატარებდა. ისიც ზომ გახსოვთ, საფლავის ქვებს როგორ ელაპარაკებოდა, სიკვდილით დათრგუნვილი კაცის სასწარკვეთილება კი არა, დიდი სილაღე და სევდა იყო მის ყოველ ფრაზაში. „ეჰე! არაგველებო, სადა ხართ?“ ისმოდა ექოსავით თვითონ რეჟისორის ხმა და ეს კითხვა ბოლომდე თან დაჰყვებოდა. სულეთის ზღვაშიც ამ კითხვით დამძიმებული გულით გადაეშვა...

„უცებ მდინარის ტალღებისაგან მოტივტივე საფლავის ქვას მოჰკრა სებამ თვალი და დააკვირდა წარწერას.

— რა აწერია მამავ? — ჰკითხა შვილმა.

— რისთვის ბადებ უბედურსა, რისთვის შაჰყრი მთვარე-მზესა, — წაუკითხა მამამ.

— ვისია, მამავ?

— არ ვიცი, შვილო, ალბათ ვიდაც უბედურის, თავის სიცოცხლეში ვერაფერი სიხარული რომ ვერ ნახა ამ მზისა და მთვარის ქვეშ, წავიდა და მიწას ამოეფარა.

— ჩვენც უბედურები ვართ, მამავ?

— რატო, შვილო?

— ყველაფერი გაგვტაცა მდინარემ, სახლიც

და საქონელიც. ბროლიაც, შენი მუხუმიც.

— ნუ გეშინია შვილო, მთავარია, რომ ეს ფარდაგი არ გაუატანეთ მდინარეს, სახლსაც აუაშენებთ, მუხუმიცაც, უფრო საიმედო ადგილას და ძველებურ ნივთებსაც კიდევ შევაგროვებთ.

— კიღობანი ზღვაში წაიღო, მამა?

— სულეთის ზღვაში წაიღო, მამა

გენაცვალოს.

— მერე სად არის სულეთის ზღვა?

— ხმელეთი რომ გათავდება, ცის ნაპირი რომ გათავდება, აი, იქ არის სულეთის ზღვა...“

გოდერძი ჩოხელი უბედური არ ყოფილა.

სიმდიდრე და უზრუნველი ცხოვრება არასოდეს ჰქონია, მაგრამ მზისა და მთვარის ქვეშ რასაც მისი თვალი მისწვდებოდა, ყველაფერი მისი არ იყო?

სამზეოს იყო და ყველაფერი უყვარდა:

ნაძვიცა და კესანეც, ბილიკიცა და გულთაბობიც. ეს კი ისეთი ბედნიერებაა!

სულეთს გავიდა და მჯერა, იქაც

სიყვარულით საესეა. ჩვენთვის ხილული

დარჩა მისი დედამიწაზე გატარებული 53 წელი. მთლიანად, ცხადია, ვერც ერთი წიგნი

ვერ მოიცავს კაცის ცხოვრებას, მაგრამ ის ამბები, რომლებიც გოდერძიმ გაიხსენა

თავის წარსულზე და რომლებიც სულ მალე წიგნად გამოიცემა, კიდევ ერთხელ

დაგაბრუნებთ მისი ცხოვრების

ამაღლებულ უბრალოებაში.

იაშა ტრიპოლსკი — ჩემი ძია...

დედაჩემი ლელა წიკლაური და ძია იაშა ტრიპოლსკი და-ძმის შვილები იყვნენ. წიკლაურებად იწერებოდნენ, თორემ ისე ხომ ბუბუნაურები ყოფილან. სისხლი ჰმართებდათ ვიღაცის და წიკლაურებს შეჰფარებინ, მათი გვარი მიუღიათ. ხშირად იყვნენ ერთად დედაჩემი და ძია იაშა ბუბუნაურთა დიდ სახლში, რომელიც ბურსაჭირის ფერდობზე დგას. ახლა იმ სახლის ერთი კუთხეა დარჩა და მთელი სახლის ანგელოზები ალბათ იქ იყრიან თავს. მჯერა, ვისაც ბურსაჭირის ფერდობზე ფეხშიშველს გაუვლია, უკვალოდ არ ჩაივლის. ეს თითქოს ღმერთის ფერდობია. ძია იაშა ობოლი იყო.

მაინცა და მაინც არც ფეხსაცმელი ექნებოდა, მოუწევდა ფეხშიშველი სიარული. ეგეც არ იყოს, ეგ ფერდობი ისეთი მოქარგულია, რომც გქონდეს ფეხსაცმელი, მაინც ფეხშველი ირბენ... ამ ფერდობზე ვიწრო, ვიწრო შესასვლელია გუდამაყრის მხრიდან, მერე იშლება ფერდობი, იქიდან გადადის ხევში, ხევსურეთში და ჭიუხებით მთავრდება. ვიწრო შემოსასვლელიდან, ჩოხის მხრიდან, როგორც გველი, ისე შემოიკლანება ხოლმე ნისლი. ნელ-ნელა მიდის ხოლმე მიხვეულ-მოხვეულში გველმაპოვით. დედაჩემი ჰყვებოდა, იაშას მა-

გრად ეშინოდა მაგ ნისლისო, არ ვიცი, რა ეგონა, დაიძახებდა თურმე — მოდის, მოდისო და დიდ, თხილით მოწნულ გოლორში იმაღლებოდა.

ეტყობა, ბუბუნაურები მაგარი ნიჭიერები იყვნენ. ერთი ბიძა მყავდა, ძია იაშას ტოლი იყო, ყველაზე ნიჭიერი ის იყო, — ძია იაშა ამბობდა. ირაკლი რქმეცია. კომუნისტებს სადღაც გაუგზავნიათ, გაციებულა, ტვინის ანთება დამართნია და მომკვდარა. ძია იაშას იმის დახატული ცხენი ჰქონდა შენახული... დედაჩემი და ბებო ირინე — იაშას დედა ბევრი რამით ჰგავდნენ ერთმანეთს, თითქოს ბუნებას ელაპარაკებოდნენ და ბუნებაც პასუხობდა მათ. ბებო ირინეს ძმა ჰყოლია — გაგილა. მეჯვარედ იყო და შემთხვევით გასროლილ ტყვიას მოუკლავს. ბებო ირინე მოჰყვა: ქვრივი ვიყავი, ქმრის ნაწუქარი ბეჭედი დავკარგეო. შევთხოვე გაგილას სულს — რა იქნება, ის ბეჭედი მაპოვნინეო. უცებ გავიგონე წკრიალიო. გავიხედე გარეთ, ვხედავ ქათამი რაღაცას აგდებს ნისკარტით, ჩამოვარდება, გაიწკრიალებსო... ვნახე, ჩემი ბეჭედი იყო. გაგილას სულმა მაპოვნინაო.

ძია იაშას მამა ფასანაურიდან თბილისისკენ მოდიოდა ველოსიპედით. გაღმა ტყეში, ვიღაც თოფიანი კაცი ყოფილა. სულ არაფრის გულისთვის გამოუშვერია თოფი. მოვარტყამ, თუ არ მოვარტყამო და ასე უბრალოდ მოუკლავს. 19 წლისა დაქვრივდა ბებო ირინე...



...მთაში თავს ყველაზე
ბედნიერად გრძნობდა



აი, ისინიც: გოდერძი ჩოხელი „მოთხრობები“

ძია იაშა მოსიარულე სიკეთე იყო. იმდენად კეთილი იყო, რომ მამის მკვლელის შვილს, რომელიც ციხეში იჯდა და ჭკუაზე თითქოს ვერ იყო, პატრონობდა. ციხიდან გამოიყვანა. მიჰყავდა ხოლმე შინ, აჭმევდა, ასმევდა, წამლებს ყიდულობდა. ძია იაშას ორივე შვილიც ეგეთია... იმათშიც გაგრძელდა მისი სიკეთე.

ერთხელ ძია იაშა ბურსაჭირში სათევზაოდ ამოვიდა, პატარა ვიყავი. იმ დღეს საშინელი დელგმა დაიწყო, ჩამოიქცა ქვეყანა. ის ნისლიც დაიძრა ძია იაშას შესაშინებლად. ბანიანი სახლი გექონდა და სახლშიც კი წვიმდა. რა თევზაობა, რის თევზაობა, ისე აღიდა შავი არაგვი, სულ დანგრია ყველაფერი. ძია იაშას ჩონში ჰყავდა მანქანა დატოვებული, იმის იქით სამანქანო გზა აღარ მოდიოდა, ბურსაჭირამდე 7 კილომეტრი ფეხით ველო. მეორე დღეს ჩამოვაცილეთ ჩონამდე მე და დედაჩემმა. იქ მეორე მდინარე უერთდება შავ არაგვს. ისიც აღიდებულიყო, კალაპოტი შეეცვალა და გადაფარდნილა სხვა მხარეს. იმდენი თევზი დარჩენილა...

პირველად ვნახე მამინ იმხელა ოქროსწინწკლებიანი კალმახები. ხალხმა ხომ იცოდა, რომ ძია იაშა იყო სათევზაოდ ამოსული. გამოსულიყვნენ, კრეფდნენ თევზს და ძია იაშას მანქანასთან იდგა კალათების, გოდრების ჯარი სულ კალმახებით სავსე. ძია იაშა უყურებდა გაბადრული სახით ხალხს, რამხელა სიყვარულს ხედავდა!..

არაჩვეულებრივი მოსაუბრე იყო, რომ

ჩამოდიოდა ფასანაურში, ყველა მასთან გამოვბოდა, მისი მოყოლილი ამბავი მთელი სანახაობა იყო. თუატრშიც ასე ელოდებოდნენ თურმე ძია იაშას...

დასაყრდენი

მე რომ წერა დავიწყე, ძალიან უხაროდა ძია იაშას. ეს თითქოს მეც გადმომედო და რამეს რომ დავწერდი, სულ ვფიქრობდი, ამას რომ ძია იაშა წაიკითხავს, რას იფიქრებს, თუ გაეხარდება-მეთქი. წერის დროს აღტკინებული ვიყავი. ძია იაშა ჩემს მოთხრობებს მხატვრულად კითხულობდა რადიოში. მერე მონდომა ჩემი მოთხრობის მიხედვით პიესის გაკეთება. არ დასცალდა...

არაჩვეულებრივად შექმლო ფილმის გახმოვანებაზე მუშაობა. თითქმის ყველა გახმოვანებაზე იწვევდნენ კინოსტუდიაში.

შესასრულებელია ასეთი სამუშაო: ტექსტის დაწვობა, ეკრანზე მსახიობი რომ ლაპარაკობს, სულ სხვა სიტყვებს ამბობს. გახმოვანებისას ისეთი სიტყვა უნდა მოძებნო, რომ მსახიობის ტუჩების მოძრაობას დაემთხვეს. ამას უნაკლოდ აკეთებდა ძია იაშა. რამდენი ფილმი აქვს ასე გახმოვანებული... ირაკლი კვირიკაძის „ქვევრის“ სიტყვები სულ მისია, ოთარ იოსელიანის „პასტორალისაც“, „გიორგობის თვისაც“... სცენარის თანაავტორადაც კი დაწერა ოთარ იოსელიანმა...

„ბაკურხვევლი ხევსური“ რომ გადავიღე, მინდოდა უხმო ფილმი ყოფილიყო. ძია იაშას დაუინებულ თხოვნას — აუცილებლად ტექსტი უნდა გაუკეთო, დაეთანხმდი. დაჯდა და მთელი ტექსტი დამიწერა „შო ნინათი“ დაწვეული... ახლა ვფიქრობ, ტექსტის გარეშე რა უნდა ყოფილიყო „ბაკურხვევლი ხევსური“...

მე და ირაკლი ტრიპოლსკისაც რამდენიმე სცენარი ერთად გვაქვს დაწერილი... ისეა გაკეთებული ის ტექსტები, დღესაც ვერაფერს შეცვლი. „სამოთხის გვრიტებიც“ ირაკლისთან ერთად გვაკეთე. სცენარის ავტორად გოდერძი ჩოხელი და ირაკლი ტრიპოლსკი დაუწერე. არ ქნა ირაკლიმ... თავისი სახელი ამომალებინა...

ესეთები არიან, კეთილები, დასაყრდენები...

ძია იაშა ძალიან მაკლია, მენატრება... იმისი სიკვდილის შემდეგ დავობლდი თბილისში... მერე ეგეთი სიზმარი ვნახე: ტელეფონით ველაპარაკებოდი ძია იაშას. იქიდანაც მამშვიდებდა და ბედნიერებას მჩუქნიდა...

ყაზბეგული დედოფალი

დედაჩემი რო გარდაიცვალა, ძალიან დამაკლდა. გუდამაყარში შეხვევა აღარ მინდოდა, აქედან რო მივიდიოდი. გული სულ ყაზბეგში მეზიდებოდა. ყაზბეგში მყავს მეგობარი გოდერძი მარსაგიშვილი. ყავს დედა, არაჩვეულებრივი, დედაჩემივით თბილი და მოსიყვარულე. ახლა 88 წლისაა. ეგეთი ლამაზი მოზუცი ქალი იშვიათად შემხვედრია. სათნო, თითქოს ღვთის ანგელოზიაო, უწყინარი. იმან დედა შემეცვალა. იმის მერე გავანებე თავი გუდამაყარს და ყაზბეგში დავიწყე გადაღებები, რო იმასთან დიდხანს ვყოფილიყავი.

მე და გოდერძი, როცა დრო გვქონდა, ვსვამდით. ერთ ოთახში ჩვენ გვეძინა, მეორეში — გოდერძის დედას — დეიდა ბაბალეს. რო აუღვებოდით, შემოვიდოდა შემოწმებაზე: აბა, წუხელ მთვრალეები მოხვედით თუ ფხიზლებიო. გუგუელიანი გადასაფარებლები ჰქონდა. დიდი გუგულები ეხატა. ვერ იტანდა რო შგებრუნებოდა. ჩვენ ავსურევდით ხოლმე. ხან ერთ გუგულს ჰქონდა თავიკვე თავი. ხან მეორეს აღმა. ის ვერ იტანდა. ორივე გუგულს თავს აღმა დაუწყობდა. თუ გუგულს თავი დაბლა ჰქონდა — ეეე... დაგიღვებით წუხელ და ვეღარ გაგიგიათ, გუგულს თავი საით უნდა ჰქონდესო.

გოდერძი ცდოელი დამარქვეს. მთლად ვერ გაუხდი ცდოელი, მაგრამ მაინც. ჩოხი ისე მიყვარს... გვარიც და კუთხეც.



გოდერძი
სტუდენტობისას

თარევა

მასსოვს ერთხელ ჩემი მამალი მოიტაცა მელიამ. გააქანა. გამოვედევნეთ. რას დაეწევი მელიას. ძაღლი არა გვყავდა მაშინ. დედამ ატეხა ყვირილი, მუზობლის ძაღლს ეძახდა, — თარეშ, თარეშო, წაგვართვა მელიამ დონკინოლიო. გამოვარდა თარეშამაც სადღაცდიდან — კალოში ეძინა, ეტყობა. დაეწია მელიას და

გააგდებინა მამალი.

მასსოვს, კარგა ხანს დიდ პატივში მყავდა თარეშა. წავისვამდი პურზე კარაქს ან ერბოს,

დედაჩემის დასანახად ერთ ლუკმას მოგვკბენდი, გამოვოვლიდი კარს და სადაც იყო, მივუტანდი, თარეშას ვაჭმევდი ეროიან პურს.

მამალი დონკინოლი კიდე დიდხანს კოჭლობით დადიოდა...

მელიასაც რა გვემები ჩაეშალა, არა? დამეჩასაფრდა, გამოვლენ დედლებიო, მერე მზე მოვაო... მელიაც ხო თავისას ფიქრობდა.

თარეშამაც კარგა ათრია აქეთ-იქით.

პირველი გღივნის მოსაცდელი

ერთხელ კიდე რაღაცაზე დამიბარა ედუარდ შევარდნაძემ და მითხრა, მოსკოვში უნდა გაგაგზავნოთ პარტიულ სკოლაშიო.

— პარტიული არ ვარ-მეთქი, — ვუთხარი.

— მაგას არ აქვს მნიშვნელობა, ჩვენ მიგიღებთ პარტიაში, — მითხრა წვრთად.

— მოვიფიქრებ-მეთქი, — ვუთხარი მოულოდნელობისაგან დაბნეულმა.

— მოფიქრებისთვის რამდენი ხანი დაგჭირდება? ერთი საათი გყოფა?...

— არ ვიცო-მეთქი.

— გადი მოსაცდელში, მოიფიქრე.

გავიდა ერთი საათი. გამოვიდა ჟიული შარტავა შევარდნაძის კაბინეტიდან.

— გოდერძი, რა ქენი, რა გადაწყვიტე? — მკითხა.

— არა, პარტიული ვერ გავხდები-მეთქი. ჟიულიმ მხარზე წამომარტყა ხელი:

— წადი, წადი, გოდერძი, შენ არ ხარ მაგის კაციო, — ისეთი სითბოთი მითხრა, გული გამითბო.

საერთოდ, თბილისში ყველა სიყვარულით დამხვდა. ედუარდიც, პარტიულებიც. ჩემი ლექტორებიც.

რუსული არ ვიცოდით. რუსული კინოს გარჩევა უნდა დაგვეწერა. მე ლექსი დავწერე გარჩევის მაგივრად. ხუთიანი დამიწერეს.

დიდი სიყვარული დამახვედრეს.

მაშინ ხმაც გავარდა ინსტიტუტში, პატარა ვაჟა-ფშაველა ჩამოვიდაო. მეორე გამოცდაზე ვიღაც კაცი მოვიდა. გამომკითხეს, ვინ ხარ, საიდან ხარო. შვილო, მიგიღებთ, ოღონდ თბილისმა არ გააფუჭოსო. მერე გავიგე, ეს კაცი რექტორი — ილია თაფაძე ყოფილა — ნაფორთხალი კაცი. სიყვარულით მეცხვარეს მეძახდა საშა კიკნაძე. ჩოხელო, შე მეცხვარე შენაო...

გული მწყდება, რომ ამ სიყვარულის დაბრუნება მთლად ვერ შევძელიო... ■



„ქამი ნადირთად“ ანუ ნადირობა საქართველოში

ძველ ქართულ წერილობით ძეგლებს საინტერესო და საყურადღებო ცნობები დაუცავთ ნადირობის შესახებ. თუმცა ამ ცნობებში სრულყოფილად არ ჩანს, თუ როგორ მიმდინარეობდა ნადირობა, რა საშუალებებსა და მეთოდებს მიმართავდნენ, რაზე ნადირობდნენ უპირატესად და წელიწადის რომელ დროს. ასეთი ცნობები მხოლოდ ცოცხალი ეთნოგრაფიული გარემოს პირობებში შეიძლება შეიკრიბოს.

ნადირობას, გარდა სამეურნეო დანიშნულებისა და გართობისა, სამხედრო წვრთნის, მოლაშქრეთა სამხედრო ვარჯიშის მნიშვნელობაც ენიჭებოდა. ივანე ჯავახიშვილის დასკვნით, ნადირობას „მარტო კერძო გართობის თვისება არ ჰქონდა, არამედ სამხედრო ვარჯიშის მაგიერი იყო“.

ნადირობის ფაქტი დასტურდება უძველეს ქართულ ლიტერატურულ ძეგლში, იაკობ ცურტაველის „შუშანიკის წამებაში“, რომელშიც აღნიშნულია, რომ ვარსქენ პიტიახმა ნაცემ-ნაგვეში შუშანიკი მსახურების ამარა დააგლო „და თვით ნადირობად წარვიდა“. აქ ჩანს, რომ პიტიახში სანადიროდ უფრო გულის მოსაოხებლად, არეული საოჯახო საქმეებისგან თავის გასარიდებლად მიემართება და ამ შემთხვევაში მისი წასვლა სანადიროდ თითქოს არ იყო გამოწვეული სამეურნეო-ეკონომიკური აუცილებლობით. საერთოდ კი შეუძლებელია ვივარაუდოთ, რომ იმ დროს ნადირობა მხოლოდ გართობისა და დროის ტარების მიზნით იმართებოდა — მას უდავოდ გააჩნდა ეკონომიკური საფუძვლები და საკვე-



მამუკა ბისკაია სანადიროდ
(ქრისტოფორო
დე კასტელის სურათებიდან)

ბის მოპოვების ერთ-ერთ, დამხმარე საშუალებასა და წყაროს წარმოადგენდა.

მონადირეობის ტრადიციებისა და ნადირის ჩვევებზე დაკვირვების მაჩვენებელია ის ფაქტი, რომ ჰქონდათ ნადირის შესაკრები ადგილები. „სერაპიონ ზარზმელის ცხოვრებაში“ აღნიშნულია, რომ სერაპიონის შეკითხვაზე ერთ-ერთი „ტყიანი და ლოდონი“ ადგილის შე-

სახებ, მისი გამყოლი პასუხობს: „რამეთუ არს ესე შესაკრებელი ნადირთა ველისათა ბაკთა ეწოდების“. ამ პასუხიდან აშკარაა, რომ განასხვავებენ ველისა და ტყის ნადირს. ამასთანავე, ნადირობა დღის განსაზღვრულ მონაკვეთში, დადგენილ დროს იყო შესაძლებელი, რომელსაც „უამი ნადირთაჲ“ ეწოდებოდა.

როგორც წერილობითი წყაროებიდან

ჩანს, წარჩინებული პირის, მისი ოჯახის საცხოვრებელს ტაძარი ან პალატი ეწოდებოდა. ხოლო სადგომის, დროებითი საცხოვრებლის ან ღამის გასათევია ადგილის სახელწოდებად მიღებული ყოფილა სახლი. საინტერესოა, რომ ასეთი სახლი, დაკავშირებული ნადირობასთან და ნადირობის წესთან, IX საუკუნის წარჩინებულ ხელისუფალს გიორგი ჩორჩანელსაც ჰქონია („სერაპიონ ზარზმელის ცხოვრება“).

„გრიგოლ ხანძთელის ცხოვრებაში“ მოთხრობილია, რომ ნადირობდნენ ირემზე, გარეთხაზე, თახეზე.

სანადირო იარაღად, ძირითადად გამოიყენებოდა შვიილდ-ისარი, რომლის დაშხადების ხალხური წესები თითქმის ბოლო დრომდე შემორჩა ქართულ ყოფაში. ასევე გაერცელებული ყოფილა ქორით, მწვერებით, მეძებრებით ნადირობა.

ფრანგი მოგზაური ჟან შარდენი, რომელიც საქართველოს XVII საუკუნის 70-იან წლებში ესტუმრა, აი რას წერს სამეგრელოში ნადირობის შესახებ: „ძირითადად ნადირობენ მტაცებელი ფრინველებით, რომელთაც იშინაურებენ და შემდეგ სანადიროდ იყენებენ. დარწმუნებით შეიძლება ითქვას, რომ მსოფლიოში არ არსებობს სხვა ქვეყანა, სადაც ასეთი რაოდენობით შეიძლება იყოს მტაცებელი ფრინველი“. მისივე ცნობით, დიდი რაოდენო-

ბით იჭერენ ამ ფრინველთა ახალგამოჩეკილ ბარტყებს და ხუთ-ექვს დღეში იშინაურებენ. შარდენი აღნიშნავს, რომ შავარდნით ნადირობენ წეროზე, მიმინოთი — წყლის ფრინველებსა და ხოხობზე.

ქორ-შავარდნით ნადირობას კარგად იცნობდა უახლესი წარსულის ქართული ეთნოგრაფიული ყოფაც. გურიაში მიმინოებს განასხვავებდნენ ფერისა და მჭირავობის მიხედვით. ულამაზესად თეთრი მიმინო ითვლებოდა, ხოლო მჭირავობით საუკეთესო იყო ჩხარტისფერი. დედალ მიმინოს, რომელიც უკეთესად იყო მიჩნეული ნადირობისათვის — ნარდი, ხოლო მამალს გეზელა ეწოდებოდა. გასაწვრთნელი მიმინოს დასაჭერად სხვადასხვა მისატყუებელ ჩიტს (ბელურას, მებოლოკიეს, ღაჟოს) იყენებდნენ. ამათგან საუკეთესო მისატყუარ ფრინველად ირაო ღაჟო (მამალი მაფრენალი) იყო მიჩნეული.


ჩიტბადობა, ანუ მიმინოს დაჭერა ფერისცვალობას იწვებოდა, რაც ფრინველის მასობრივ წამოსვლასთან (ირაობასთან) იყო დაკავშირებული.

გურიაში თითქმის ყველგან არსებობდა საგანგებო საიარაო ადგილები, სადაც სანადირო მიმინოს იჭერდნენ.

დაჭერილ მიმინოს გამართვას (გაწვრთნას) პირველ დამესვე შეუდგებოდნენ. ეს იყო პირველი საფეხურის დასაწყისი, რადგან



მოისარი მონადირე ამორბალები (ქრისტოფორო დე კასტელის სურათებიდან)



ფრინველს ადამიანსა და მის გარემოს აჩვევდნენ უძილობისა და დაღლის მოქმედებით.

მიმინოს გაწვრთნის მეორე საფეხურზე, როდესაც მას საქნიერზე მოსვლას ასწავლიდნენ, მასზე მოქმედების ძირითადი საშუალება მიმშილი იყო.

მიმინოს გაწვრთნის უკანასკნელი, მესამე საფეხური იყო ბავლის გაგდება. ამ დროს მწყერზე სანადიროდ გაწვრთნილ მიმინოს შეაჩვევდნენ დაჭერილი ფრინველის მხოლოდ თვალისა და ტვინის შეჭმას, რასაც დათვალტვინება ეწოდებოდა.

ადრეული ხანისათვის ასეთი ცნობები კანტიკუნტად მოგვეპოვება. ამიტომ ჩვენთვის საინტერესოა IX საუკუნის ერთ-ერთ ისტორიულ საბუთში („ნასყიდობა დაწერილი ფაენელის შიომღვიმისადმი“) შემონახული ცნობა იმ დროის საქართველოში გავრცელებული ნადირობის ხერხებისა და საშუალებების შესახებ. საბუთში აღნიშნულია, რომ ფაენელმა თევდორემ მთავარმეძღვიემს მიუთვალა სოფელნი, ხოლო თევდორემ მას სამაგიეროდ ოქრო-ვერცხლთან ერთად გადასცა

„შუდი ქორი კაპოეტი, შუდი მეძებარი, შუდი მწვეარი წაუვალი“.

ნათელია, რომ სანადიროდ გაწვრთნილი ფრინველი და სანადირო ცხოველები ძვირად ფასობდა და შეიძლებოდა ვაჭრობის ან გაცვლის საგანი ყოფილიყო.

კაპოეტი ეწოდებოდა წელიწადგამოვლილ ფრინველს და სანადიროდ გაწვრთნილი ქორიც, როგორც აღნიშნული საბუთიდან ჩანს, ასეთი უნდა ყოფილიყო. გურიის თანამედროვე ეთნოგრაფიულ ყოფაშიც კაპოეტი ეწოდება ორი წლის (გამოზამთრებულ და „ბურღლანაყარ“) მიმინოს განურჩევლად სქესისა. ასეთი მიმინო, გურიაშივე შემონახული ეთნოგრაფიული მასალებით, ნარდ მიმინოს (ე.ი. ახალგაწვრთნილს, ზამთარგამოვალს) ბევრად სჯავს: უფრო დამჯავრია (მომხედვარია) მონადირისა, გამძლეა და მეტი შემტვეცია. თანაც ის უპირატესობა აქვს, რომ თუ ნარდი მიმინოთი მხოლოდ ნაშუადღევს, დღის 4 საათის შემდეგ („რადგან დღე ცხელა“) შეიძლება ნადირობა, კაპოეტით ნადირობა დილიდანვე იციან, ოღონდ სიცხეს ამ შემთხვევაშიც ერიდებიან.

ნადირობის ერთ-ერთი სახეობა ძველად ყოფილა ჩასაფრებით ნადირობა. „სერაპიონ ზარზმელის ცხოვრებაში“ აღნიშნულია, რომ როდესაც სერაპიონი და მისი თანამგზავრები სათხვე ტბის სანაპიროზე გაველენ, მათთან მიდის უცნობი და სთხოვს, მცირე ხნით დაყოვნდით „რამეთუ ჟამი არსო ნადირთაჲ, რომელნი მოვლენ ტბასა ამას, რამეთუ მზა არიან მონადირენი ადგილთა ამით“.

საყურადღებოა ისიც, რომ ნადირობა ძველ საქართველოში ბეგარის სახედაც ითვლებოდა. ერთ-ერთ საეკლესიო საბუთში შიომღვიმის მონასტრის კუთვნილ სოფელ ცხევერეთს წინამძღვარმა დაუწესა შემდეგი: „წელიწადსა შიგა ერთი დღე ნადირობა არის ბეგარა — ჩვენი მოსაცემელი: კაცისა თავსა ორ-ორი ჯამი შეჭამადი, ორ-ორი პური, ორ-ორი პირი ღვინო“. ცხადია, წელიწადში ერთხელ ნადირობის დღეს სოფელს მონადირეები უნდა უზრუნველყო საბუთში ჩამოთვლილი სურსათ-სანოვაგით.

შესწავლილი მასალიდან ჩანს, რომ ძველ საქართველოში მონადირეობა გამოირჩეოდა მრავალფეროვნებით, ეყრდნობოდა ხანგრძლივ ტრადიციებს და შესაბამისად, მნიშვნელოვან როლს ასრულებდა სამეურნეო და ეკონომიკურ საქმიანობაში.



ბუდიზმი ერთ-ერთი უდიდესი მსოფლიო რელიგიაა, გაცილებით ადრეული წარმომობის, ვიდრე ქრისტიანობა და ისლამი.

პირველ წერილობით ძეგლში, რომელშიც ბუდიზმია მოხსენიებული, იგი წარმოგვიდგება ძლიერ რელიგიურ მიმართულებად თავისი სატაძრო ორგანიზაციით, დოგმატიკითა და წესთმსახურებით.

ბუდიზმის ისტორიისათვის განსაკუთრებით საინტერესოა ადრეული ნაწარმოებები ტიპიტაკას სახელწოდებით (სანსკრიტული „ტრიპიტაკა“ სიტყვასიტყვით სამ კალათას ნიშნავს), რომელიც ბუდისტური კანონიკური ლიტერატურის ძეგლია. ესაა წიგნები, რომლებიც

დაწერილია პალის ენაზე (შემორჩა ცეილონზე). ტიპიტაკა შედგება სამი ნაწილისგან. პირველში მოცემულია ბუდისტური თემის კანონიკური წესები, მეორეში – ბუდას საუბრები და გამონათქვამები და მესამეში – მეტაფიზიკური განსჯანი რელიგიისა და სამყაროს შესახებ.

ტიპიტაკას მიხედვით, ბუდისტური რელიგიის დამფუძნებელი იყო ჩრდილოინდური სახელმწიფოს მეფის შვილი. იგი მიეკუთვნებოდა ჰიმალაის მთების ძირში მცხოვრებ შაკიას ტომს. მეფისწულს ეძახდნენ სიდჰარტჰას, მოგვიანებით კი ცნობილი გახდა როგორც გაუტამა და შაკიამუნი. თუმცა, გადმოცემანი



მაკატიმა ბანდი:

„თუ თითოეული
აღამიანი თავისი
სარწმუნოების
თაყვანისცემისა და
სიყვარულის ფონზე
სხვა რელიგიებსაც არ
შეისწავლის,
ქვეყნიერებაზე
არასოდეს იქნება
მშვიდობა და
პარმონიული
თანაცხოვრების
სრული გარანტია. თუ
მართლა გვწამს ჩვენი
სარწმუნოებისა, თუ
ღრმად ღვთისმოსაენი
ვართ, სხვათა
სარწმუნოებასაც
პატივითა და
მოკრძალებით უნდა
მოვეკიდოთ“.

*ბუღას გამოსახულება
სერას მონასტრიდან. ტიბეტი*

სხვადასხვა სახელითაც მოიხსენიებს (ტაკტა-გატა, ბჰაგავატა, ჯინა და ა.შ.). მეფე შვილს ფუფუნებაში აცხოვრებდა და ყოველნაირად უწყობდა ხელს, რომ საწყენი არაფერი შეხვედროდა. ასეთ პირობებში აღზრდილისთვის თითქმის უცნობი იყო ყველა ცხოვრებისეული განსაცდელი. იგი დროს ატარებდა დიდებულ სასახლეებსა და ბაღში, ღვინისა და დღესასწაულთა გარემოცვაში. სიდჰარტჰა დაქორწინდა საყვარელ ქალზე და მათ შვიდნათ ვაჟი. ამქვეყნიურ უხეშ სინამდვილესთან სიდჰარტჰას მალე მოუხდა შეჯახება, რამაც მის სულში დიდი გადატრიალება მოახდინა. ერთხელ მან ნახა ღრმად მოხუცებული,

რომელიც იტანჯებოდა ტკივილისგან; იხილა მკვდარი, რომელსაც მიასვენებდნენ და სიდჰარტჰამ პირველად გაიგო, რომ ამქვეყნად მცირე სიამეთა გვერდით არსებობს უფრო დიდი და დამაფიქრებელი გარემოებანი, რომელნიც შეუქმნია ავადმყოფობას, სიბერესა და სიკვდილს და რომ ადამიანის გზა სიკვდილისკენ მიემართება.

ამქვეყნიური არარაობის შეგნებამ სიდჰარტჰას განსაცდელის უკიდურესობა აგრძობინა და ისე, როგორც ერთ დროს გილგამეშის სულში, მასშიც დაისადგურა წარმავლობის მძაფრმა განცდამ. გამოსავლის ძებნაში შემთხვევით შეხვდა ერთ განდევნილს,



რომელსაც ხელი აეღო ამქვეყნიურ სიამონებებაზე და სულიერი სიმშვიდის მოსაპოვებლად ასკეტური ცხოვრებისთვის მიემართა. სიდჰარტჰამ ჩუმად დატოვა თავისი ძვირფასი სასახლე ცოლ-შვილითურთ და გაჰყვა ასკეტ ბერს. შვიდი წელი გაატარა ტყეში, განსაკუთრებულ ასკეტურ პირობებში, რათა მიეღწია სულიერი სიმშვიდისთვის და ხორციელი ზრუნვა საბოლოოდ ჩაეკლა თავის თავში, მაგრამ ასეთმა უკიდურესმა ზომებმაც ვერ მოუტანეს მის სულს შვევა და დაასკვნა, რომ ასეთ ქმედებაშიც არ არის ხსნა.

ერთხელ, ღამით, როცა ხის ძირას იჯდა და წარმავლობაზე მწარე ფიქრით მოცულიყო, უცებ ეზიარა სულიერ სინათლეს („ბოდჰი“ — შემეცნება) და მას განუცხადდა ნამდვილი ჭეშმარიტება. ამის შემდგომ სიდჰარტჰა გახდა ბუდა, ანუ განმანათლებელი. დარწმუნდა, რომ ორივე უკიდურესობა, რომელიც მან გამოსცადა, ჭეშმარიტი გზიდან საკმაოდ შორს არის. მიხვდა, რომ ცხოვრებაში უმთავრესია თვითჩაღრმავება, სულიერი კრელოს შემეცნება, რომელმაც ადამიანი უნდა მიიყვანოს სულიერ სიმშვიდესა და სულიერ სინათლესთან. სიდჰარტჰამ ანუ გაუტამამ, მას შემდეგ, რაც დარწმუნდა ჭეშმარიტი გზის არჩევაში, დაიწყო წინასწარმეტყველური მოღვაწეობა მთელ ჩრდილო-აღმოსავლეთ ინდოეთში. შემოიკრიბა თანამოაზრენი, რომელთა მეშვეობით

სწრაფად ვრცელდებოდა ბუდისტური მოძღვრება. გაუტამა ბუდამ თითქმის ორმოცი წელი იქადაგა თავისი მოძღვრება. მისი სიცოცხლის დასასრულს მოძღვრებას უკვე დიდი ავტორიტეტი ჰქონდა მოხვეჭილი. ბუდამ ასე ქადაგებასა და ხეტიალში გაატარა უკანასკნელი წლებიც. გარდაცვალების შემდეგ კი, ინდური წესის მიხედვით, მისმა მოწაფეებმა იგი კოცონზე დაწვეს.

ბუდას შესახებ მოგვიანებით ბევრი ლეგენდა შეიქმნა. მას მიაწერდნენ სხვადასხვა არარეალურ ამბავს. გამოითქვა მოსაზრებანი, თითქოს ბუდა გამოხატავდა მზის ღმერთის მითოლოგიურ სახეს, მაგრამ ყველაზე მიღებულია შეხედულება, რომლის თანახმად, ბუდა უნდა ყოფილიყო ისტორიული პირი, თუმცა მისი ცხოვრების პერიოდის დადგენა ბევრ შესაბამობას შეიცავს: ერთნი ამტკიცებენ, რომ იგი ცხოვრობდა ძვ.წ. VI ს-ში, ხოლო სხვები მისი მოღვაწეობის პერიოდს ძვ.წ. XXV ს-ს აკუთვნებენ. თუმცა ისტორიული მომენტის გათვალისწინებით პირველი თარიღი უფრო ახლოსაა სინამდვილესთან.

ბუდიზმი თავისი განვითარების ადრეულ ეტაპზე იყო არა მხოლოდ რელიგიური, არამედ ფილოსოფიურ-ეთიკური მიმდინარეობა. ადრეული ბუდიზმის მსოფლმხედველობა ეფუძნება ე.წ. „ოთხ ამაღლებულ ჭეშმარიტებას“, რომელთა ამოცნობამაც გაანათლა

სიდჰარტჰა და საფუძველი დაუდო მისი მოძღვრების საყოველთაობას. ესენია: მოძღვრება ტანჯვის შესახებ, მოძღვრება ტანჯვის მიზეზების შესახებ, მოძღვრება ტანჯვის შეწყვეტისა და მოძღვრება ტანჯვის დაძლევის შესახებ. ბუდას მოძღვრების მიხედვით, მთელი ცხოვრება ტანჯვაა: „დაბადება ტანჯვაა, — ამბობს ის, — სიბერე ტანჯვაა, ავადმყოფობა ტანჯვაა, საქულველთან შეერთება ტანჯვაა, საყვარელთან განშორება ტანჯვაა, სასურველის მიუწვდომლობაც ტანჯვაა“. ტანჯვის მიზეზი ცხოვრების სურვილში დევს. ესაა მატერიალური, გრძნობადი სამყარო, ანუ სანსარა, რომელსაც უნდა გაექცეს ადამიანი და თუ გვინდა, ეს ტანჯვა ავიცილოთ, უნდა აღვიკვეთოთ ჩვენი სურვილები, რა რიგისაც უნდა იყოს ისინი. მაგრამ რა გზით მიიღწევა სურვილების აღკვეთა, რა ძალას შეუძლია შეარყიოს ბუნებრივი მოთხოვნილებანი, დაბადებიდან რომ დაჰყვება ადამიანს?

სამისოდ ბუდიზმში აყალობებს სულიერი ხსნის რვაშეგზას, რომელიც მიმართულია ტანჯვის შეწყვეტისკენ. იგი მორწმუნეს მოუწოდებს, დაიცვას უბიწო შეხედულებანი და თავისი მისწრაფებით, მოქცევით, საუბრით და, საერთოდ, კეთილშობილი ყოფით დაადგეს ხსნის გზას, რომლის მწვერვალადაც ნირვანა, ანუ ადამიანური ზრუნვისა და მისწრაფებათაგან სრული განთავისუფლებით გამოწვეული სულიერი ნეტარება გვევლინება. ბუდიზმის ერთ-ერთი მახასიათებელია ის გარემოება, რომ მისი აღმსარებელი არ შეიძლება იყოს მონა — მხოლოდ თავისუფალ ადამიანს შეუძლია იყოს ბატონი თავისი სურვილებისა, მხოლოდ შინაგანად და პიროვნულად თავისუფალ ადამიანს ძალუძს თავის მიწიერ სურვილებზე ამაღლება და მათი მოთოკვა. ბუდისტებისათვის უმთავრესია: მართალი სიტყვა, მართალი გადაწყვეტილება, მართალი რწმენა, ცხოვრების მართალი წესი, მართალი საქმე,



*შუიდაგონის კომპლექსი
— ერთ-ერთი ყველაზე
განთქმული სტუპა ქალაქ
პავანში (ბირმა)*



იაპონიაში, ტოდაიძის ტაძარში, წელიწადში ერთხელ იმართება 15-მეტრიანი ბუდას წმინდა სხეულის განწმენდის რიტუალი. ბერებს, რომლებიც მტვერს აცილებენ ქანდაკებას, სწამთ, რომ მთელ წელიწადს დაცული იქნებიან ყოველგვარი უბედურებისგან

მართალი სწრაფვა, მართალი აზრები და მართალი ჭკრეტა — ეს არის რვა გზა, რომლის ჭკმარიტი აღსრულებით მიიღწევა ადამიანი ნირვანას — იდეალურ მდგომარეობას, როცა სულს აღარ აწვალვებს ვნებანი, ადამიანი დანთქმულია სულიერი სინათლით, ზოგადად სულიერებით, რომლის მიღწევა სულით ძლიერსა და ბრძენს ძალუძს.

ნირვანა ზუსტად არ არის განსაზღვრული თვით ინდურ მწერლობაშიც კი. ყოველ შემთხვევაში ამ მდგომარეობის აღწერა უშუალოდ ადამიანის განცდაზეა დამოკიდებული და, აქედან გამომდინარე, საეხებით ზუსტი ახსნა არ მოეპოვება. უფრო მიღებულია ის შეფასება, რომელიც ნირვანას მიიჩნევს იმ გარდაქმნის ჯაჭვის შეწყვეტად, რომელიც ყველა ცოცხალ არსებას უძლად ადევს სიცოცხლეში და მისი ხვედრია.

ბუდისტების მიხედვით, ადამიანი ერთი სახეობიდან გარდაიქმნება მეორე ცოცხალ არსებად — ეს იგივე სანსარაა. სიკვდილი არ ათავისუფლებს ადამიანს ტანჯვისგან, რადგან ახალი გარდაქმნისას მას თან გააყვება ეს ტანჯვები. ასეთი წრიდან გამოსვლა კი მას შეუძლია, ვინც მიიღწევა სულიერ განწმენდას — სინათლეს. ადამიანის გარდაცვალება, ანუ ახალ მდგომარეობაში გადასვლა, გულისხმობს მის გარდაქმნას სხვა სულიერ არსებად (შესაძლოა განსხეულება მოხდეს მცენარეშიც), ხოლო ის, ვინც ბუდისტურ ფილოსოფიას ეზიარა, ვინც შეძლებს მისი ჭკმარიტების ზიარებას, ამ გარდაქმნას ასცდება, დარჩება ადამიანად. მხოლოდ ამ ფორმაში მყოფ ცოცხალ არსებას შეუძლია მიიღწიოს ნირვანას მდგომარეობას. ბუდისტების მიხედვით, თავად გაუტაძა დედამიწაზე ცხოვრობდა უფრო

ადრე, სხვადასხვა კასტისა და პროფესიის ადამიანის რანგში, მაგრამ მან პირველმა ადამიანთაგან შეძლო გაბრწყინება-გასხივოსნება და ამდენად მას უკვე აღარ ელის ახალი დაბადება. ბუდას გარდაქმნა — ესაა უშუალოდ გადასვლა ნირვანაში.

ბუდა ადამიანის ხსნას არ იჩემებს, მხოლოდ მიუთითებს თავისი მაგალითით იმ გზის შესახებ, რომელსაც უნდა დაადგეს. იგი მაგალითია ყველა მორწმუნისათვის. სიკვდილისგან თავდახსნის გზა ნანახია — ეუბნება ბუდა თავის მოწაფეებს, — გაგვიცნობიერებთ ჩემს მოძღვრებას და თუ მიჰყვებით ჩემს დადგენილებას, მალე მიადლწევთ უწმიდესი ლტოლვის დაგვირგვინებას, ამავე ცხოვრებაში შეიმეცნებთ ჭეშმარიტებას და დაუდგებით მას პირისპირ.

ბუდისტების მორალური აღთქმით, აკრძალულია ნებისმიერი ცოცხალი არსების მოკვლა, სხვისი საკუთრების მითვისება, სხვისი ცოლის შეყვარება, სიცრუის თქმა და ღვინის სმა. მაგრამ მისთვის, ვისაც გადაწყვეტილი აქვს შემდეგი სრულყოფა, ასეთი აკრძალვების რიცხვი ძალზე ბევრია და ზოგჯერ მდგომარეობა უკიდურესობასაც აღწევდა (მაგალითად, არ შეიძლებოდა მიწის მოხვნა, რადგან შეიძლება მხვნელმა თავისდაუნებურად ჭიები მოკლას). საკვების რაციონიც მინიმუმამდეა შემცირებული.

ბუდისტების უმთავრესი ცნებაა ლმობიერება, რომელიც მიმართულია ყველა ცოცხალი არსებისადმი, ბოროტისადმიც კი. ავს ავით ნუ

მიეგება, რადგან ამით კი არ ითრგუნება ბოროტება, არამედ უფრო ვრცელდება იგი.

ბუდისტები უარყოფენ სულის უკვდავებას. სიცოცხლის საფუძველს სული კი არა, ცალკეული დპარმები წარმოადგენენ. დპარმა აღნიშნავს რელიგიას, მოძღვრებას, კანონს, ჭეშმარიტებას, ხარისხს და ა.შ. მისი მახასიათებელია სულიერი თვისება, რაც ადამიანს ბევრი აქვს და იგი ამძიმებს მისი მიაზლოების პროცესს ნირვანასთან. ამ ყოფიერების ბოროტიდან თავის დაღწევა შესაძლებელი ხდება მხოლოდ ბუდას ცნებების აღსრულებით და მისი მაგალითის მიბაძვით.

მოძღვრება დპარმების შესახებ უმთავრესი საფუძველია ბუდისტური რელიგიისა და ფილოსოფიისა.

ბუდისტური ცხოვრების წესი მოითხოვდა ბერძონაზვნურ ცხოვრებას, იქმნებოდა კასტები, რომლებშიც არ მიიღებოდნენ მონები, ჯარისკაცები, დამნაშავენი, მევალეები, აგრეთვე ბავშვები მშობლების ნებართვის გარეშე. წესი ძალზე მკაცრი იყო. ორგანიზაციის წევრს აკრძალული ჰქონდა კერძო საკუთრების გაჩენა, თავს ირჩენდა მათხოვრობით. დღეში ერთხელ მზის ჩასვლისას ჭამდა და სხე აქვე უნდა ითქვას, რომ ბევრ ბუდისტს არ შეეძლო ყველა აკრძალვა შეესრულებინა. ასეთებისთვის სავალდებულო იყო ხუთი ძირითადი მცნების შესრულება. დიდი აკრძალვების განხორციელება შეეძლოთ მხოლოდ განსაკუთრებული ნებისყოფის მქონეთ.



ბუდიზმის
მომავალი
მსახურები

ბუდიზმის გავრცელებას ხელი შეუწყო იმ დროს ინდოეთში არსებულმა სოციალურმა პირობებმა. ბუდიზმი პასუხობდა დაბალი ფენის ინტერესებს და მიმართული იყო ბრაჰმანული არისტოკრატის წინააღმდეგ. თავის მხრივ ბრაჰმანები ეწინააღმდეგებოდნენ ახალი რელიგიის დაქვედრებას, მაგრამ ამან არათუ შეასუსტა, არამედ გააძლიერა ბუდისტური მოძრაობა.

ძვ.წ. III ს-ში ბუდისტური რელიგია ინდოეთის დიდ ნაწილში გაბატონდა, რასაც ხელი შეუწყო მაგადჰას სახელმწიფოს გაძლიერებამ, განსაკუთრებით მაურთა დინასტიის მეფობის დროს. ისინი წარმომავლობით ეკუთვნოდნენ დაბალ კასტას და დიდგვაროვან ბრაჰმანებს უპირისპირდებოდნენ. მათ ხელში ბუდიზმი საუკეთესო იარაღი შეიქნა ბრაჰმანთა წინააღმდეგ საბრძოლველად. ბუდისტების თემა ცხოვრობდა მონასტრებში და ამასთანავე, აგებდნენ საცავეებს წმინდა რელიკვიათა დასაცავად.

ჩვენს ერამდე III ს-ში ბუდიზმი გავრცელდა შრი-ლანკაში, მოგვიანებით ინდოჩინეთში, ინდონეზიაში, შუა აზიასა და ჩინეთში. აღმავლობას განიცდის ბუდიზმი I-II საუკუნეებში, უცხოური წარმოშობის კუშანების

სამეფო დინასტიის დროს, რომელნიც მტრულად იყვნენ განწყობილი ბრაჰმანებისადმი და ბუდიზმში დასაყრდენს ხედავდნენ.

როგორც რელიგიათა უმეტესობაში ხდება, ბუდიზმის განვითარების მომდევნო ეტაპზე ბუდისტური მოძღვრების ნიადაგზე მოხდა განხეთქილება, რაც ძირითადად შეეხებოდა დოგმატიკისა და სარიტუალო ჩვეულებათა ჩამოყალიბების სხვადასხვა ასპექტს. საბოლოოდ კი ჩამოყალიბდა 30-მდე სექტა. დიდი განხეთქილება მოხდა I საუკუნეში, როდესაც ბუდიზმი გაიყო ორ ძირითად მიმდინარეობად: ჰინაიანად (პატარა ეტლი) — ხსნის ვიწრო გზა და მაჰაიანად (დიდი ეტლი) — ხსნის ფართო გზა. ჰინაიანელები თვლიდნენ, რომ ნირვანის მიღწევა მხოლოდ ბერული ცხოვრებითაა შესაძლებელი, რაც გამოიხატება ასკეტიზმითა და დოგმატის მკაცრი დაცვით. ბუდას ისინი მიიჩნევენ არა როგორც ღმერთს, არამედ როგორც მოძღვარს. პატევს მიაგებენ ადგილებს, რომელნიც ბუდას ცხოვრებას უკავშირდება და იმ ნაგებობებს, სადაც ბუდისტური რელიკვიები ინახება.

მაჰაიანას ფუძემდებლად ითვლება სამხრეთინდოელი, ბრაჰმანთა კასტის წარმომადგენელი ნაგარჯუნა (I საუკუნე). მისი მოძ-



ღვრებით ნირვანას მიღწევა ასკეტური გზით ყველას არ შეუძლია და ფართო მასებისთვის იგი დაუძღველი რჩება. მორწმუნისთვის კი აუცილებელია ღმერთი, რომელიც ახლო და მისაწვდომი იქნება მისთვის, დაიცავს მის მცნებებს და კანონებს ისე, რომ რიტუალის აღსრულებისას განსაკუთრებულ სიძნელეს არ წააწყდეს.

ინდოეთის განვითარებული ეპოქის შედეგად ბუდიზმმა მრავალ ქვეყანაში შეაღწია. შრი-ლანკას შემდეგ გავრცელდა ბირმასა და სიამში, ინდონეზიაში, ჩინეთიდან ბუდიზმი გავრცელდა კორეაში, იქიდან კი იაპონიაში. ბუდიზმმა ახალი მიმართულება შეიძინა ტიბეტში, სადაც გაიშალა დიდი სამონასტრო საქმიანობა, ხოლო თავად მოძღვრებამ მიიღო ტანტრიზმის სახელი. ტანტრიზმში ფაქტობრივად ძალზე მცირე დარჩა ორთოდოქსული ბუდისტური მოძღვრებიდან. შეიცვალა მისი ფილოსოფიური, ეთიკური საფუძველი, რომლის ძირითადი შემოქმედნი არიან ტიბეტელი ლამები.

ტიბეტებიდან ბუდიზმის ეს ნაირსახეობა გავრცელდა მონღოლეთში, შემდგომ ყალმუხეთსა და ბურიატიაში. ჩრდილოური ბუდიზმისათვის ე.წ. „ადექსულ ქვეყანას“ წარმოადგენს ტიბეტი, ხოლო ლხასა — წმინდა ქალაქს, სადაც განუწყვეტლევ მიემართებიან მლოცველები. ქალაქის უმრავლესობას ბერები შეადგენენ, ტიბეტური ენა მათთვის წმინდა ენაა, რომელზეც იწერება წიგნები და განისწავლებიან სასულიერო პირნი.


ამჟამად ბუდისტური რელიგია დიდ როლს ასრულებს ინდოჩინეთის ქვეყნების საზოგადოებრივ-პოლიტიკურ ცხოვრებაში. ვიეტნამში მისდევენ ჩინეთიდან შემოსულ მაჰაიანურ მიმდინარეობას, დანარჩენ ქვეყნებში გავრცელებულია ჰინაიანისტური ბუდიზმი. ბირმაში, კამბოჯასა და ლაოსში ბუდიზმი აღიარებულია სახელმწიფო რელიგიად, ტაილანდში კი მეფე ითვლება ბუდისტური ეკლესიის მეთაურად. ამ ქვეყნის ყველა მამაკაცი ვალდებულია, 4 თვის განმავლობაში ისმენდეს მოძღვრების კურსს მონასტერში, რისთვისაც მას სახელმწიფო ეხმარება და უხდის ოთხთვიანი შვებულების გასამრჯელოს.

1950 წელს შრი-ლანკის ქალაქ კოლომბოში შეიქმნა მსოფლიო ბუდისტთა სამმო, რომლის რეზიდენციად აირჩიეს რანგუნი (ბირმა), შემდეგ კი ბანგკოკი (ტაილანდი).



მაჰაბოდჰი — სახელგანთქმული ბუდისტური ტაძარი ბოდჰ-გაიაში, ინდოეთის ბიჰარის შტატში, იმ ადგილასაა აღმართული, სადაც სიდჰარტჰამ სულიერ სინათლეს მიაღწია და ბუდა გახდა

ბუდიზმმა თავისი გამორჩეული კულტურა ან მისთვის დამახასიათებელი ნიშნები შეიტანა ყველა იმ ქვეყანაში, სადაც მის აღმსარებლობას მისდევდნენ. ბუდისტური კულტურა — ესაა ორიგინალური არქიტექტურა, სკულპტურა, ფერწერა, ლიტერატურა და ფილოსოფია. განსაკუთრებულ ყურადღებას იქცევს ინდოეთში კლდეში გამოკვეთილი ტაძრები, ე.წ. პაგოდები, სუბურგანები და ჩორტონები. ბუდიზმმა წარმოქმნა ქვის გრანდიოზული საკურთხევლები და სატაძრო ანსამბლები, უდიდესი სამონასტრო კომპლექსები, ლამაისტური ტაძრები და ბოლოს, ბუდას მრავალრიცხოვანი და მრავალფეროვანი ქანდაკებანი, რომელნიც მუდამ აოცებენ ადამიანს თავიანთი მასშტაბურობით, შესრულების ხარისხითა და გამომსახველობით.



იტალიის
ეროვნული
გმირი

			1 რომის იმპერატორი (37-68 წწ.)	2 საქართველოს მეფე ღვთის VI	3 ძველი ქუთაისი		4 ისლამური ტერიბისტული დაჯგუფება	5 დიპლომა- ტური წერილი
					6 მხარე ისტორიულ სამხრეთ საქართველოში			
				7 მაროკოს დედაქალაქი				
8 მოხეტიალე მლოცველი							9 უკრაინის პარლამენტი	
					10 ოღჭი ძველ მეცნიერება	11 სასხლე ძველად	12 კარლ მარქსის მშობლიური ქალაქი	13 შიომის მამდეური მუსლიმანი
				14 კიევის რუსეთის დღი მთავარი	15 ებრაელთა მოდგმის ერთ-ერთი პატრიარქი			
16 ტიბეტის უმაღლესი მმართველი — დალაი...								
17 ებრაელთა ნაციონალისტური მოძრაობა								
18 პაკისტანის დედაქალაქი	19 ზღვაოსანთა კუნძულები			20 საფრანგეთის დედოფალი ... ავსტრიელი		21 საეკლესიო ცენტრი ისტორიულ ტაოში	22 ისლამის წმინდა ქალაქი	
23 უღანთა აზიაში								24 გაეროს ყოფილი გენერალური მდივნი
				25 ვენეციის რესპუბლიკის მთავრის ტიტული				
26 მემამულე შუა აზიაში				27 ფამისტური გერმანიის I საკონცენტრ. ბანაკი				

შუადღისა პანო პატახნიმე



ქაითოს სანახები სამთავისიან ყინვისაჲა...

სამთავისი
ტაძარი

საქართველოში დღითი დღე იზრდება ტურისტთა რიცხვი. ამ ტენდენციას ჩვენი ჟურნალიც ეზმაურება. როგორც ცნობილია, ტურიზმის სხვადასხვა სახეობა არსებობს. მათ შორის კი რელიგიური (მომლოცველობას) და ისტორიულ ტურიზმს მნიშვნელოვანი სეგმენტი უკავია.

რურბიკა „ისტორიული ტურიზმი“ მკითხველს მიაწვდის ინფორმაციას შესაბამის მარშრუტებზე, რათა ამით გაუუადვილოთ ტურისტებს მოგზაურობა და დასვენება.

ძირითადად ყურადღებას გაგამახვილებთ ერთ ან ორდღიან მარშრუტებზე, რაც საშუალებას მისცემს ნებისმიერ ოჯახს თავად დაგეგმოს დასვენების დღეები.

სამთავისი

სამთავისი XI საუკუნის ქართული არქიტექტურის შესანიშნავი ძეგლია. იგი მდებარეობს მდინარე ლეჩხურის მარცხენა სანაპიროზე, კასპიდან 11 კილომეტრზე. ტაძრის აგებას VI საუკუნის მეორე ნახევრით ათარიღებენ. სამთავისი ერთ-ერთი ასურული მამის, ისიდორეს სავანედ არის მიჩნეული. ამრიგად, სხვა

წყაროები სავანის უფრო ადრინდელ არსებობაზეც მეტყველებენ. მის აშენებას 472 წელს მეფე ვახტანგ გორგასალს მიაწერენ.

სამთავისის ძველი ტაძრის ნაშთები არქეოლოგებმა უკანასკნელ წლებში აღმოაჩინეს, მთავარი ტაძრის სამხრეთით მიმდინარე გათხრებისას.

ტურისტული მარშრუტი:

თბილისი — სამთავისი — გორი — ურბნისი — რუისი — სამწვერისი — ორთუბანი — ყინწვისი.

მარშრუტის ხანგრძლივობა — 1 დღე.
მარშრუტის სავარაუდო კილომეტრაჟი — 222 კმ.

უფრო კონკრეტულად:

თბილისი-სამთავისი — 40 კმ.

თბილისი-გორი — 65 კმ.

თბილისი-ურბნისი — 80 კმ.

თბილისი-რუისი — 84 კმ.

თბილისი-სამწვერისი — 95 კმ.

თბილისი-ორთუბანი — 105 კმ.

თბილისი-ყინწვისი — 111 კმ.

ოსტორიული ტურიზმი

სამთავისის ტაძრის აშენების ზუსტ მონაცემებს იძლევა სამსტრიქონიანი წარწერა, რომელიც დასავლეთის კარის ზემოთაა ამოტვიფრული. წარწერიდან ირკვევა, რომ ტაძარი აუშენებია სამთავისელ ეპისკოპოსს, ილარიონ ვაჩეს ძე ყანჩელს, ანუ ილარიონ სამთავისელს 1030 წელს. მოგვიანებით ირკვევა, რომ ილარიონ სამთავისელი თავად იყო ამ ტაძრის ზუროთმოდგარი. საქართველოს მეფის გიორგი III-ის მეფობისას იოანე სამთავისელს ტაძრისათვის კარიბჭე მიუდგამს. XII საუკუნის I ნახევრიდან XIII საუკუნის I ნახევრამდე სამთავისი ჯერ ქართლის კათალიკოს მიქაელს ეკუთვნოდა, ხოლო შემდეგ მწიგნობართუხუცესს ანტონ ეპისკოპოსს. XIV საუკუნის I ნახევრიდან — გიორგი V ბრწყინვალეს მეფობის პერიოდში სამთავისი ზედგინიძე-ამილახვრებს ებოძათ.

XV საუკუნეში სამთავისის ტაძარი მნიშვნელოვნად დაზიანდა: ჩამოინგრა გუმბათი, დასავლეთის კარი და ა.შ.

XVI საუკუნეში ადგილობრივმა ფეოდალებმა, ამილახვრებმა იგი განაახლეს, ფაქტობრივად, ხელმეორედ ააშენეს. დასავლეთ ფასადზე შემორჩენილი წარწერა გვაუწყებს, რომ ძველი მეორედ აუშენებიათ სიაოშ და გაიანე ამილახვრებს. გაიანე ქართლ-იმერეთის მეფის ბაგრატ IV-ს და და ამირინდო ზედგინიძე-ამილახვრის მეუღლე იყო, ხოლო სიაოში მათი ვაჟიშვილი. ტაძრის ინტერიერში ბურჯებზე შემორჩენილი წარწერებიდან ირკვევა, რომ ხელახალი მოხატვისას ქტი-

ტორები ყოფილან — გივი ამილახვარი და მისი მეუღლე თამარი, ხოლო შემსრულებელი მელიტონ სამთავისელი.

ტაძარს ორი შესასვლელი აქვს: დასავლეთიდან და ჩრდილოეთიდან. სამხრეთის კედელი XIX საუკუნეში შეკეთებისას ამოუშენებიათ. ჯვრის ზედა მარცხენა მხარეს ასომთავრული წარწერაა: „ქ~ლმერთი მის შორის და იგი არა შეიძრას უკუნისამდე“. ქვემოთ კი ვკითხულობთ „ქ~ხატო ღვთაებისაო შეიწყალესული ილარიონისა ძისა ვაჩე ყანჩელისი“.

კარს ზემოთ შვიდსტრიქონიანი წარწერა იკითხება: „ქ~ხატო ღმრთაებისაო ადიდე შენ მიერ დამყარებული ძლიერი და უძლეველი ღმრთივ გვირგვინოსანი ყოვლისა აღმოსავლეთისა მეფეთ მეფე გიორგი მე იოანე სამთავისელმან მეფობისა მათისამან აღვაშენე კარიბჭე ესე სალოცველად მეფობისა მათისა (ინ)დიქტიონსა მეფობისა მათისასა იბ, ქორონიკონი იყო ტპპ“. წარწერის მიხედვით, 1168 წელს სამთავისელ ეპისკოპოსს იოანეს ტაძრისათვის კარიბჭე მიუშენებია, მაგრამ მას ჩვენამდე არ მოუღწევია. მარცხენა სარკმლის ზემოთ წერია: „ჰოი დიდისა ამოლახორისა თანმეცხედრესა მეფეთ მეფისა ასულისა მეორედ აღმაშენებელსა გაიანეს შეუნდვეს ღმერთმან ამინ“. ეს წარწერა XV საუკუნის 70-იანი წლებით თარიღდება. იქვე წერია: „წ~ხატო ღმრთაებისაო მეოხ ექმენ მეორედა აღმშენებლისა შვილისა სიაოშისა ამინ უფალო ღმერთო“. ეს უკანასკნელი კი შესრულებული უნდა იყოს XV საუკუნის ბოლოს





სახლი, სადაც სტალინი დაიბადა



„ხალხთა ბელადის“ კაბინეტი

ან XVI საუკუნის დამდეგს. სამთავისის ტაძრის მრავალგვერდა გალავანი XVII საუკუნის II ნახევრით თარიღდება. აშენებულია რიყის ქვითა და შიგადაშიგ აგურით. გალავანს ორი ჭიშკარი აქვს — დასავლეთით და ჩრდილოეთით. ტაძრის ტერიტორიაზე აღმოჩენილია სამთავნელ ეპისკოპოსთა სასახლის ნაშთები და სამეურნეო დანიშნულების ნაგებობები.

გორის ციხე

ისტორიული ციხესიმაგრე მდებარეობს ქართლში, ქალაქ გორის ცენტრში, მაღალ კლდოვან ბორცვზე. ციხესიმაგრე დასავლეთით გრძელდებოდა მდინარეების მეჯურდისა და

ლიახვის შესართავამდე. ჩრდილოეთ ფერდობზე შემორჩენილი ნანგრევები და არქეოლოგიური მონაცემები მოწმობს, რომ აქ ძვ. წ. I ათასწლეულის უკანასკნელ საუკუნეებში ძლიერი სიმაგრე, მის გარშემო კი დასახლება ყოფილა. სწორედ ქალაქ გორის სახელწოდება წარმოდგება გორის ციხისაგან, რომელიც „ტონთოს“ სახელითაცაა ცნობილი. არქეოლოგიური გათხრებით დადგინდა, რომ I ათასწლეულის უკანასკნელ მესამედში გორი წარმოადგენდა უკვე კარგად დასახლებულ ადგილს, რომელსაც ჰქონდა გამაგრებული გალავანი.

ქალაქი გორი გაამაგრა და აღადგინა დავით აღმაშენებელმა. მოსახლეობის გაზრდის მიზნით დავით აღმაშენებელმა აქ ვაჭარ-ხელოსნები ჩაასახლა და გორი სამეფო ქალაქად აქცია. მას განაგებდა ქალაქის მოურავი.

გორის ციხე წყაროებში პირველად XIII საუკუნეში იხსენიება. იგი მნიშვნელოვან სტრატეგიულ სიმაგრეს წარმოადგენდა. მისი დაუფლება ნიშნავდა პოლიტიკურ ბატონობას მთელ შიდა ქართლზე. საუკუნეების განმავლობაში გორის ციხე არაერთხელ განახლებულა და გადაკეთებულა. XIII საუკუნეში ჩრდილოკავკასიელმა ოსებმა გორს სერიოზული ზარალი მიაყენეს. მათ გადაწვეს ქალაქი, ხოლო ციხე დაანგრეს. მათი განდევნა მოხერხდა XIV საუკუნის 20-იან წლებში გიორგი V ბრწყინვალეს დროს.

XVI საუკუნის 80-იან წლებში ქალაქს ოსმალები დაეპატრონნენ და გორის ციხეში თავიანთი გარნიზონი ჩააყენეს.

1614 წელს გორი შაჰ-აბასს ეპყრა.

XVII საუკუნის 30-იან წლებში როსტომ მეფემ გორის ციხე-ქალაქი საფუძვლიანად შეაკეთა და იქვე აიშენა სასახლეც.

XVIII საუკუნის I ნახევარში გორი ოსმალებისა და სპარსელების გარემოცვაში აღმოჩნდა. ნადირ-შაჰის ბრძანებით ციხის ძირითადი ნაწილი დაანგრიეს.

დღევანდელი სახე გორის ციხემ 1774 წელს მიიღო, როცა იგი საფუძვლიანად შეაკეთა მეფე ერეკლე II-მ. ქართლ-კახეთის რუსეთთან შეერთების პირველ წლებში გორის ციხე კიდევ ასრულებდა თავის სტრატეგიულ ფუნქციას — აქ რუსთა არმიის გრენადერთა ბატალიონი იდგა. იგი ტფილისის გუბერნიის სამაზრო ქალაქად იქცა. შემდგომში მან დაკარგა ადრინდელი მნიშვნელობა.

ციხესიმაგრე ნაგებია რიყის ქვით; ადრინ-

გორის ციხე



დელ ფენებში კი თლილი ქვაა გამოყენებული. გეგმით ოვალურ ციხადელს დასავლეთიდან შედარებით უკეთ შემონახული ნაწილი — „ცხრაკარა“ ეკვრის. სამხრეთით და აღმოსავლეთით დამხმარე გალავნებია. ციხესიმაგრის თავდაპირველი შესასვლელი არ ჩანს. სამხრეთ კედლის შუაში მოთავსებულია გვიანდელი ხანის კამაროვანი ჭიშკარი. სამხრეთ-აღმოსავლეთ მონაკვეთში პატარა ეკლესიის ნანგრევებია. ციხეს ჰქონდა გვირაბი წყლის ამოსაზიდად და წყალსაცავი.

გორის ციხე მნიშვნელოვნად დააზიანა 1920 წლის მიწისძვრამ.

ქალაქ გორში სხვა ღირსშესანიშნავ არქიტექტურულ ძეგლებთან ერთად ტურისტთა ყურადღებას განსაკუთრებით იპყრობს საბჭოთა კავშირის პარტიული და სახელმწიფო მოღვაწის იოსებ ჯულაშვილის (სტალინის) სახლ-მუზეუმი. სტალინი დაიბადა 1879 წელს ქალაქ გორში. სახლი, სადაც დაიბადა და ბავშვობის წლები გაატარა იოსებ ჯულაშვილმა, 1937 წელს აღადგინეს და საგანგებო პავილიონში მოაქციეს. 1957 წელს ერთსართულიანი მუზეუმის შენობის ადგილას აიგო თანამედროვე ორსართულიანი შენობა, რომელშიც 6 საგამოფენო დარბაზია მოწყობილი. მათში განლაგებულია სტალინის ცხოვრებისა და მოღვაწეობის ამსახველი ექსპონატები.

ურბნისი

სოფელი ურბნისი მდებარეობს ქარელიდან 10 კმ-ში. სოფელში შემორჩენილია ურბნისის სიონის სამნავიანი ბაზილიკა. მდინარე მტკვრის ნაპირზე კი არქეოლოგებმა უძველესი ნაქალაქარი აღმოაჩინეს, სადაც მიაკვლიეს გვიანდელი ბრინჯაოს ხანის სამარხებს, გალავანს (რომელიც თარიღდება ძვ. წ. IV-III — ახ. წ. VII სს-ით), აბანოს (III ს.), მარანს (VI-VII სს.), წყალსადენს, სამეურნეო წყლის არხებსა და გვირაბს.

ურბნისი ქართულ წერილობით წყაროებში იხსენიება ელინისტურ ხანაში. ურბნისის არქეოლოგიური აღმოჩენებით დადგინდა ადამიანთა დასახლების კვალი ძვ. წ. III ათასწლეულიდან (ქვაცხელები, ზიზანანთ-გორა). საფარაუდოა, რომ ძვ. წ. I ათასწლეულიდან სამოსახლოთა გაერთიანების შედეგად აქ წარმოიშვა მჭიდრო დასახლება, რომელიც ქალაქის პირველსახეს წარმოადგენს.

ძვ. წ. IV საუკუნისთვის ურბნისი ქალაქად მოიხსენიება. ამ დროისათვის, ურბნისზე გამავალი სავაჭრო გზების წყალობით იგი მჭიდროდ უკავშირდებოდა გარე სამყაროს. დაახლოებით ძვ. წ. III საუკუნეში ურბნისი უცხო დამპყრობლებს გადაუწყვაუთ. ახ. წ. I საუკუნიდან დაიწყო ურბნისის აღორძინება. ქალაქი ეწეოდა აქტიურ ვაჭრობას, რასაც

ადასტურებს არქეოლოგიური გათხრების შედეგად აღმოჩენილი უამრავი უცხო წარმოების საქონელი და მონეტები.

ქალაქი უბნებად იყო დაყოფილი. მოქმედებდა როგორც წარმართული, ასევე ებრაელთა ტაძრები. ქალაქი მარაგდებოდა სასმელი და სამეურნეო წყლით. ქალაქში იყო აბანო. ურბნისს გარს ეკრა მტკიცე გალავანი.

VIII საუკუნის 30-იან წლებში ურბნისი მნიშვნელოვნად მოარბია მურვან-ყრუს ლაშქრობამ. ამის შემდგომ ურბნისი ქალაქად აღარ მოიხსენიებოდა. დარჩა მხოლოდ საეპისკოპოსო რეზიდენცია, რომელმაც XIX საუკუნემდე იარსება.

ურბნისის მნიშვნელობაზე მეტყველებს დავით აღმაშენებლის მიერ 1104 წელს მოწვეული რუის-ურბნისის საეკლესიო კრება.

ურბნისის სიონი

სოფელ ურბნისის ტაძარი V საუკუნის სამნავიანი ბაზილიკაა. ურბნისის სიონი დგას ნაქალაქარის აღმოსავლეთ ნაწილში. ტაძრის დამაარსებლად მიიჩნევენ ცამეტ ასურელ მამათაგან ერთ-ერთს, თადეოზ ურბნელს. ქართულ წერილობით წყაროებში ურბნისი

დაკავშირებულია ქართველთა განმანათლებლის, წმინდა ნინოს სახელთან. ქართლში მოსული ნინო ურბნისში ერთ თვეს გაჩერებულა, მერე კი სალოცავად და სავაჭროდ მიმავალ ურბნელებს გაჰყოლია მცხეთაში.

VIII საუკუნის 30-იან წლებში ურბნისი არაბმა სარდალმა მურვან ყრუმ დაანგრია. ამ ცნობას ადასტურებს არქეოლოგიური მასალების შედეგად აღმოჩენილი დანგრეული სახლები, გადაბუგული გალავან-კოშკები და ა.შ. დარბევის შემდგომ ურბნისმა, როგორც განვითარებულმა ქალაქმა, შეწყვიტა არსებობა და რიგით სოფლად იქცა.

XIV საუკუნეში მონღოლთა მიერ, ხოლო მოგვიანებით – XVII საუკუნეში შაჰ-აბასის შემოსევების შედეგად ტაძარი მნიშვნელოვნად დაზიანდა. ურბნისი 1568 წელს სიმონ მეფემ აღადგინა, ხოლო 1668 წელს მარიამ დედოფალმა განაახლა. ურბნისის სიონი ადრინდელი ფეოდალური ხანის საქართველოს დიდ ბაზილიკათა რიგს მიეკუთვნება.

რუისი

რუისის ისტორიული ძეგლი მდებარეობს ქარელიდან 5 კმ-ში, გორი-ხაშურის საავტო-



ურბნისის
სიონი

ისტორიული ტურიზმი

მობილო გზაზე. სახელწოდება რუისი წარმოდგება სიტყვა „რუ“-დან. ფეოდალურ ხანაში აქ საეპისკოპოსო კათედრაა. რუისის ეპისკოპოსი მროველი 506 წლის დვინის საეკლესიო კრების მონაწილე ქართველ ეპისკოპოსთა შორის მეათე ადგილზე დასახელებული.

რუისს უკავშირდება ფეოდალური ხანის საქართველოს არაერთი მნიშვნელოვანი ისტორიული მოვლენა. ასე, მაგალითად: 1. რუისის ღვთისმშობლის ეკლესიაში ქართლის მეფედ აკურთხეს გიორგი II (1072-1183 წწ.). 2. 1104 წელს მეფე დავით IV აღმაშენებელმა მოიწვია რუის-ურბნისის საეკლესიო კრება – „სანახებთა ქართლისათა მახლობლად ორთა საეპისკოპოსთა რუისისა და ურბნისისათა“. კრებამ სამეფო ხელისუფლების განმტკიცების მიზნით გაატარა მნიშვნელოვანი ღონისძიებები – გადააყენა უღირსი სასულიერო პირები, რომელთაც თანამდებობა მემკვიდრეობით ერგოთ. დაამტკიცა სასულიერო ფენის ხელდასხმის წესი, დააკანონა გვირგვინის კურთხევის წესი და სხვა მრავალი. კრებამ მიიღო

მთავარი დოკუმენტი „ძეგლისწერაჲ რუის-ურბნისის კრებისაჲ“.


რუისის საეპისკოპოსო ფეოდალური ხანის უმნიშვნელოვანესი კულტურულ-საგანმანათლებლო კერა იყო. აქ მოღვაწეობდნენ ანტონ მროველი (IX-X სს.), ლეონტი მროველი (XI ს.), ნიკოლოზ ორბელიანი (1672-1732 წწ.) და სხვ. აქ იყო აგრეთვე წიგნთსაცავი, სადაც ინახებოდა უამრავი ხელნაწერი. უმნიშვნელოვანესია XI საუკუნის რუისის სახარება.

რუისის ჩრდილოეთით – სასაფლაოზე დგას კვირაცხოვლის ეკლესია, რომელიც თარიღდება XVIII-XIX საუკუნეებით. ეკლესია დარბაზულია.

რუისის ჩრდილოეთით ერთ კილომეტრშია აგრეთვე არქეოლოგიური ძეგლი-ნასოფლარი, რომელიც მიეკუთვნება გვიანდელ ფეოდალურ ხანას.

ღვთისმშობლის ეკლესია რუისის ცენტრში დგას.

გადმოცემით, რუისის ტაძარი აუგია ვახტანგ გორგასალს. თვდაპირველ ნაგებობას ჩვენამდე არ მოუღწევია. ეკლესიაზე გაიჩნე-



რუისის
საკათედრო
ტაძარი



ვა რამდენიმე ნაშენი ფენა. უძველესია VIII-IX საუკუნეების. X საუკუნეში ეკლესია საფუძვლიანად შეუკეთებიათ. XI საუკუნეში გიორგი ეპისკოპოსის იგი კვლავ განუახლებია და მდიდრულად მოურთავს, რაზეც მეტყველებს კარიბჭესთან არსებული ორსტრიქონიანი წარწერა: „ქრისტე შეიწყალე სული გიორგი ეპისკოპოსისა ამინ“. წარწერის ბოლოში კი მიწერილია „მარიამ დედოფლისა“ (სავარაუდოა ბაგრატ IV-ს დედა). საეპისკოპოსო კათედრალს დიდ დახმარებას უწევდა თამარ მეფის დედა ბურდუხან დედოფალი.

თემურ-ლენგის შემოსევებს ტაძარი ძალიან დაუზიანებია. იგი ალექსანდრე I-ს აღუდგენია. შემდგომ ტაძარი ხელახლა აღადგინეს — XVI საუკუნეში პროვლმა ეპისკოპოსმა დიონისე ლარაქემ, ხოლო XVIII საუკუნეში როსტომ მეფის მეუღლემ მარიამ დედოფალმა. ამ პერიოდში საეპისკოპოსო სამაოდ ვრცელ ტერიტორიებს მოიცავდა.

1811 წელს რუისის ეპარქია გაუქმდა.

სამწვერისი

სამწვერისის ციხე-დარბაზი მდებარეობს სოფლის დასავლეთით შემადლებულ ადგილზე. კომპლექსში ერთიანდება: დიდი კოშკი, ეკლესია, გალაგანი, სასახლე და სხვადასხვა ნაგებობის ფრაგმენტები. დიდი კოშკი მო-

რგვალეული ფორმის ნატეხი კვით ნაგები ძეგლია. ჩვენამდე მოღწეულია მხოლოდ სამი სართული, რომელსაც შემორჩენილი აქვს სათავსები, სათოფურები და საბრძოლო ხერხელები.

ეკლესია მდებარეობს ციხე-დარბაზის განაპირას, დასავლეთით. პირველი ფენა თარიღდება ადრეული ფეოდალური ხანით, ხოლო მეორე — XVI-XVII საუკუნეებით.

გალაგანი, სასახლე და სხვა ფრაგმენტები თარიღდება XV-XVII საუკუნეებით.

სამწვერისის ეკლესია

სამწვერისის წმინდა გიორგის სახელობის ეკლესია მდებარეობს მდინარე ძამის მარცხენა სანაპიროზე. იგი თარიღდება VII საუკუნის I მესამედით.

ძეგლი მნიშვნელოვნად დააზიანა 1940 წლის მიწისძვრამ. ტაძარზე შემორჩენილია ორი წარწერა. პირველი X საუკუნისაა და გვაუწყებს სამწვერისში არხის გაყვანას. მეორე წარწერა უშუალოდ ტაძარს ეხება: „მეორედ მაშენებელსა ფანასკერტელს მერაბს შეუნდეს ღმერთმან. ზედამდევს ცოდვილს საბას შეუნდეს ღმერთმან“. XV-XVIII საუკუნეებში ამ ადგილებს ფლობდნენ ფანასკერტელ-ციციშვილები. წარწერაში იხსენიება ზედამდები საბა, რომელიც ეკლესიის განახლებას ხელმძღვანელობდა.

ოსტორიული ტურიზმი

ეკლესია შეუკეთებია და უკურთხებია წმინდა გიორგის სახელზე. ეკლესია ჯვარ-გუმბათოვანია.

ყინწვისი

ყინწვისის არქიტექტურული ძეგლი მდებარეობს სოფელ ყინწვისის აღმოსავლეთით 2-3 კილომეტრზე, ხეობაში.

ყინწვისის კომპლექსში შედის: წმინდა ნიკოლოზის, ღვთისმშობლისა და მცირე ეკლესიები, გალავანი და კოშკი-სამრეკლო.

ყინწვისის კომპლექსი დაზიანებულია. შემორჩენილია მხოლოდ ღვთისმშობლის ეკლესიის საკურთხეველი, გალავნის ნაშთი და კოშკი-სამრეკლოს ორი სართულის კედლები. ჩვენამდე მოღწეულია წმინდა ნიკოლოზისა და მცირე ეკლესიები.

ყინწვისის წმინდა ნიკოლოზის ეკლესია ცენტრალურ-გუმბათოვანი ნაგებობაა. იგი თარიღდება XII-XIII საუკუნის მიჯნით.



ყინწვისი

ტაძრის მოხატულობა XIII საუკუნეში თამარ მეფის პირველი ვეზირის ანტონ გლონისთავისძის დაკვეთითაა შესრულებული. ქტიტორი მოხსენიებულია სამხრეთით საკმაოდ დაზიანებულ კედლის წარწერაში. ყველა სცენის შინაარსს თუ წმინდანთა ვინაობას გადმოგვცემს ასომთავრული წარწერები. ვხვდებით აგრეთვე ბერძნულ მინაწერებსაც. კარიბჭეები მიშენებულია XIV საუკუნეში.

გუმბათში გამოსახულია ძვირფასი ქვებით შემკული ჯვარი, ხოლო ქვემოთ სარკმლების თავზე ვედრების კომპოზიციას იკონოგრაფიული რედაქციით.

ორივე მკლავის ქვედა რეგისტრში წარმოდგენილი არიან ისტორიული პირები: ჩრდილოეთით მეფე გიორგი III, თამარი და უფლისწული ლაშა-გიორგი. სამხრეთით მწიგნობართუხუცესი ანტონ გლონისთავისძე ეკლესიის მოდელით ხელში წმინდა ნიკოლოზის წინაშე დგას, ეს უკანასკნელი მარჯვენით აკურთხებს ყინწვისის ტაძარს.

თამარის დროს სამეფო კარზე სამი მწიგნობართუხუცესი უნდა ყოფილიყო. სწორედ მათ შორისაა ანტონ გლონისთავისძე, რომელიც ყინწვისის მოხატულობაშია გამოსახული. შესაძლოა, იგი მხატვარიც ყოფილიყო.

ყინწვისის ტაძრის მოხატულობას უდიდესი მნიშვნელობა ენიჭება ქართული და საერთოდ შუა საუკუნეების მონუმენტური მხატვრობის განვითარების ისტორიისათვის.

ტაძრის ტრადიციული საშენი მასალაა აგური.

XV საუკუნის 60-იან წლებში, ზაზა ფანასკერტელის მოღვაწეობის პერიოდში, ყინწვისის ტაძარი კულტურულ-საგანმანათლებლო კერას წარმოადგენდა. ზაზა ფანასკერტელის მიერ მიშენებულ სადგომში ქტიტორის გამოსახულებაა, რომელსაც ანტონ გლონისთავისძის მსგავსად მარცხენა ხელში უჭირავს ეკლესიის გამოსახულება და მიმართულია აღმოსავლეთით კურთხევის პოზით. ქვემოთ მიწერილია „ფანასკერტელი ზაზა“. საგულჯებელია, რომ სწორედ ამ ეკვდერის ქვეშ უნდა განისვენებდეს ზაზა ფანასკერტელი. ფრესკაზე ქტიტორს უჭირავს ტაძრის მოდელი ისე, რომ ჩანს მის მიერ მიშენებული ეკვდერი. ეკვდერის მოხატულობა, სავარაუდოა, ირანში მცხოვრებ, მსოფლიოში განთქმულ მხატვარს, ზაზა ფანასკერტელის ვაჟს, სიაუშ ბეგს ეკუთვნოდეს.

ყინწვისის კომპლექსში შემაგალი ღვთისმ-